

မော်ဒန်ကဗျာသစ်ဖွဲ့စည်းရေးအဖွဲ့

၀၈၅၆ ၆၆၆၆  
၀၈၅၆၆၆၆၆ ၁၂ ၁၂၊ ၆၆၆၆  
မော်ဒန်ကဗျာသစ်ဖွဲ့စည်းရေးအဖွဲ့အစည်း

ohv& ftwf

ပုံနှိတ်မှတ်တမ်း

**မော်ဒန်ကဗျာဒဏ္ဍာန်အဖွဲ့**

**မာတိကာ**

- (က) ရိုးစီးသန်ရာသို့ သုညလွယ်အိတ် (မောင်မိုးညို)
- (ခ) ကျေးဇူးမှတ်တမ်း ခိုင်မျိုးသန့် (နဂါးမောက်)

**(၁) မျိုးရိုး (နဂါးမောက်)**

- က။ အဘာသွိုးခရေ ဓား ၁၆
- ခ။ လောကလီဟုန်ထက်က အပြုံး ၁၈
- ဂ။ ဝိဉာဉ်ပျောက်တေ ညည့် ၂၀
- ဃ။ ကောက်ချက်ချဖို့မတတ်သော နို့တေးသား ၂၁
- င။ အဟောင်း ၂၃

**(၂) အစ်ကိုလတ်**

- က။ နီကြာပန်း ၂၆
- ခ။ နို့ ၂၇
- ဂ။ မိမိကိုယ်ကို တည်ဆောက်ခြင်း ၂၈
- ဃ။ အယင်ခေါက် အယင်ခေါက်ကခါ ၃၁
- င။ ပန်းတပွင့်စု အစ အလယ် အဆုံး ၃၄

**(၃) ဆောင်းဒု (ဝါဘို)**

က။ ဘဝများ	၃၈
ခ။ အခါကြားက ငါ့အချို့	၄၀
ဂ။ ပန်းခိုင်စိုက်	၄၂
ဃ။ ရောင်ပြန်သင်းနှလုံးသားငှေ့ အလွမ်းတစို့စာ	၄၃
င။ စီးဝင်ခွင့်	၄၅

(၄) နောင်ရိုး (Aryan)

က။ မြောက်ဦး	၄၈
ခ။ ဘဝစာမျက်နှာ နှစ်ဆယ်နန်းသုံး	၅၀
ဂ။ နင်	၅၂
ဃ။ ဒုက္ခအန်ဖတ်တိထဲက မိသားစုဒေသအကြောင်း	၅၄
င။ ပစ္စက္ခမျဉ်းပြိုင်ကြားကအနာဟောင်းကိုဓာတ်မှန်နှိပ် ကြည့်ခြင်း	၅၆

(၅) မျိုးလက်ဆင့် (နဂါးမောက်)

က။ ပန်းကြွီ	၅၉
ခ။ ယိုးနိမ့်သူ သုညလွင်ပြင်ထဲရွှင့်ခြင်း	၆၂
ဂ။ ဒုက္ခဆိုင်ရာအခင်းအကျင်းထဲက လူ	၆၄
ဃ။ ငါးရာနှစ်ဆယ့်သျှစ် ခြပ်ရိုး	၆၆
င။ သုညတလုံးငှေ့ လွမ်းတေး	၆၉

(၆) ငြိမ်လှိုင်း (နတ်ကျွန်း)

က။ မျက်ရည်ကြားက ဝန်ခံချက်	၇၂
ခ။ သင်္ကြန်ခိုင်ယာရီ	၇၄
ဂ။ ဘဝသုံးခု ခြားနားမှု	၇၆

**မော်ဒန်ကဗျာအလှူအပူဒါန်အဖွဲ့**

ဃ။ သက်ပြင်း	၇၈
င။ အချစ်နိဂုံး	၈၀

**(၇) ရက္ခလင်းအိမ် (ကျိန်းရိပ်မြို့)**

က။ ရင်ကွဲနာ	၈၃
ခ။ လွမ်းပါရစီ ကံကြမ္မာ	၈၅
ဂ။ အနာနုနုဆီး	၈၇
ဃ။ သတိ	၈၉
င။ တဖန်မိုးဖွားခြင်း	၉၁

**(၈) သားထီး (ရိုးလူ)**

က။ အိမ်	၉၄
ခ။ ချစ်ခြင်းသင်္ကေတ	၉၆
ဂ။ အခန်းနံပါတ် " ၁ "	၉၈
ဃ။ ပျံ့နှံ့သော ငှက်များ	၁၀၀
င။ ကံကောင်းရေ နိ	၁၀၂

**(၉) ဇာနည်ထွန်း (ကွမ်းတောင်)**

က။ မျက်ရည်စီးဆင်း မြစ်တစ်စင်း	၁၀၄
ခ။ မိုးအမင်သို့	၁၀၆
ဂ။ အနာဂတ် အန်ဖတ်	၁၁၇
ဃ။ ဒုက္ခကြားက ဘဝဇာတ်လိုက်	၁၀၉
င။ နှလုံးသားထဲက အချစ်သမိုင်း	၁၁၁

(၁၀) လျှာထုတ်ကော (လဝန်းနီ)

- က။ မျက်ရည်တိကို ကုသပီးကတ်ပါ ၁၁၄
- ခ။ နှင်းခါးစာက်ပေါက်နီသော ပန်း ၁၁၇
- ဂ။ သူ့ကိုသူ ခြံရာမပျက်ပေးပုပ်နီသူ ၁၂၀
- ဃ။ အလွမ်း သီအိုရီ ၁၂၂
- င။ လဆန်းမြီအတွက် ဓားတလက် ၁၂၄

(၁၁) ဆွေနှင်းငံ (အဉ္ဇန)

- က။ အဆိပ်များနန့် ရပ်လုပ်ထားသော ၁၂၇
- ခ။ ထွက်ပေါက်မပါရေ ညည့် ၁၂၈
- ဂ။ အကျွန်ထွင်းသော အချစ်အက္ခရာ ၁၂၉
- ဃ။ တပွင့်တည်း နှင်းဆီ ၁၃၁

(၁၂) ခိုင်မျိုးသန့် (နဂါးမောက်)

- က။ သူည လွယ်အိတ် ၁၃၄
- ခ။ ကိုးနဝင်းရသနန့်  
နှလုံးသားကိုဘိလိယက်ထိုးသတ်ခြင်း ၁၃၆
- ဂ။ ပုလင်းကွဲ ခိုင်ယာရီ ၁၃၈
- ဃ။ သံသရာ ဇယားကွက် ၁၄၀
- င။ ဒဿန အန်ဖတ်များ ၁၄၂
- စ။ အချစ်ဦး "၄" ၁၄၄

**မော်ဒန်ကဗျာအလှူအပူအဖွဲ့အစည်း**

**ရိုးစီးသန်ရာသို့ သုညလွယ်အိတ်**

\*\*\*\*\*

ခိုင်မျိုးသန့် (နဂါးမောက်) ရေ ကိုးလပိုင်းအလယ်လောက်က အမှာစာတပုဒ်ချီးမြှင့်ပီးပါလို့ တောင်းဆိုလာပါရေ။တောင်းဆိုလာမှုကို အမှာစာမရီးတတ် “ ငါ ” လို့ ချက်ချင်းတုံ့ပြန်လိုက်တေ။ ယေရာလေ့ မရီးတတ်လို့မရပါ။ ဖြစ်ယောင်ချီးမြှင့်ပီးပါလို့အားကိုးတကြီးပြောလာကေ မနိုင်ရေဝမ်ကိုထမ်း ဖို့ကျကတ်ပျာမလားယေ။

ကိုယ်က စာပီနယ်ထဲမှာ ဝင်ဆန့်ရေ၊ စာရီးခြင်းအတတ်ပညာကို ကျွမ်းကျင်ရေလူမဟုတ်တေအတွက် စာရီးဖို့ကုန်ကြမ်းရှာရေအနီနန့် “ကဗျာက ဇာဟန်လေ” လို့ မီးပစ်တေ။ “ တဆက်တည်းမာပင် ကလောင်သျှင်က ဆယ့်နှစ်ယောက်ပါ။ ကဗျာက မော်ဒန်၊ ပိုစ်မော်ဒန်၊ စာအုပ်နာမည်က သုညလွယ်အိတ်၊ လုံးဝမထုတ်ဖူးရေ ကလောင်သျှင်တိလေ့ပါပါရေ။”

အပြန်အလှန်ပြောနီကတ်တွင်းမာပင် ဆရာသမားတယောက်နဲ့ ပြောစကားတခွန်းရေရိပ်ခနဲ ဂေါင်းထဲကိုဝင်လာရေ။ “ အမှာစာတခါလေ့ မရီးလီကေ့ညီ။ အမှာစာရီးရေဆိုစွာ အလိုတူဘက်လိုက်မှု၊ သို့မဟုတ် ဝီဖန်ရီးပါလတ်။”

ကောင်းပါပျာယေကေ။ ယင်းသဘောတရားအရ အဟိကိုအဟိအတိုင်း အမှန်တရားဖက်က ရပ်တည်ခြင်း၊ ပြောဆိုခြင်းရေ ဘက်လိုက်ခြင်း၊ ဝီဖန်ခြင်းရို့ကင်းရွတ်ရာ နယ်နိမိတ်ဖြစ်တေ။ ယေနန့် ကိုယ့်အမြင်၊ ကိုယ်ကြားနီကျ၊ ကိုယ့်ပတ်ဝန်းကျင်အကြောင်းအရာလောက်ကိုရာ ရီးသားလိုက်ပါယင့်။

ကုန်ခရေအယင်နှစ်တိနန့်ယှဉ်ကြည့်ကေ အယင့် အ

ယင် နှစ်တိကထက် ဒေနှစ် ဒေနှစ်တိရေ မိမိဘာသာစကား  
နန့်ရီးသားရေစာအုပ်တိ အများအပြားထွက်လာစွာကို လတ်  
ပြုမိပါရေ။ ယှဉ်ထဲမာ ဂုအနီအထားနန့် ရခိုင်စာပီကိုအကျိုး  
ပြုပီးနှိုင်ဆုံးရေ ကဗျာတိပင်ဖြစ်တေ။ ဇာကြောင့် ယင်းပိုင်  
ပြောရလေ့ဆိုကေ အယင်က မိမိစာပီကို အကျိုးပြုပီးရေ ရ  
ခိုင်စာပီအရီးအသားနန့်ထုတ်တေစာအုပ်တိကောင်းကောင်း  
အားနည်းကြောင်းတို့ရရေ။ မဟိခ၊ မထွက် ခစွာတော့ခါ မ  
ဟုတ်ပါ။ တနှစ်နီမှ တအုပ်၊ နောက်ထပ်နှစ်အင်တန်သျှကြာ  
မှ တအုပ်။ ယင်းပိုင် စပ်ကြိုစပ်ကြားထွက်ခစွာတောင် ကဗျာ  
စာအုပ်အများဆုံးလို့ ဆိုရပါလိမေ။

၂၀၁၄ လောက်ကစလို့ ရခိုင်စာပီလောကကို ကဗျာ  
က ထိုးဖောက်ပါလတ်တေ။ တဆက်တည်းမာပင် ၂၀၁၅၊ ၂  
၀၁၆ ရို့မာ ရခိုင်ကဗျာစာအုပ်တိရေ ဆယ်နန့်ချီလို့ထွက်  
လာရေ။ အတိုင်းအတာတခုကိုကြည့်ပျာပြောရကေ ရခိုင်စာ  
ပီကို ကဗျာလောက်အကျိုးပြုရေ ရသပိုင်းဆိုင်ရာ၊ သုတပိုင်း  
ဆိုင်ရာ စာအုပ်စာပီတိ မဟိသီး။ နည်းသီးရေ။ အဆိပ်အ  
တောက်ဖြစ်နီရေ ရခိုင်စာပီကိုအကျိုးပြုကတ်တေ ကဗျာ  
သည်တိကို ကြည့်လိုက်တေခါလေ့ အများဆုံး ဖေ့စ်ဘုခ်စာ  
မျက်နှာမာ ခေါက်တို့ခေါက်ပြန် လားလာနီသူတိ။

သူရို့တိ အရည်အချင်းဟိယင့်သားနန့် ဇာကြောင့်  
ဂျာနယ်၊ မတ်ဂဇိန်းတိမာ ဝင်မဆန့်လေ့ဆိုစွာ အကျွန်မသိ။  
ယေရာလေ့ သူရို့တိရေ ဖေ့စ်ဘုခ်စာမျက်နှာမာ အများဆုံး  
ကျက်စားရေပိုင်၊ သူပရိသတ်နန့်သူ တတ်နှိုင်သူက လုံးချင်း  
ကဗျာစာအုပ်ထုတ်တေ။လုံးချင်းမထုတ်နှိုင်ရေသူတိက ရခိုင်  
စာပီပြန့်ပွားဖို့၊ ရခိုင်ကဗျာလမ်းကျယ်ဖို့ကို ဆန္ဒတူလိုလားသူ  
အချင်းချင်း ပေါင်းစုထုတ်ကတ်တေ။ ယင်းမာကြုံလာရေ ပြ



### မောင်နှမများအလှူအတန်းအားဖြင့်

သနာနှစ်ရပ်က ပထမ ရခိုင်လူထုရေ ရခိုင်စာပီကိုအားပီး  
မှုနည်းရေ ။ အထင်မကြီးကတ်။ ဒုတိယတချက်က စာဖတ်  
သူလက်ထဲတို့ စာအုပ်တိုင်းဖောက်မှုနည်းရေ။ ဇာကြောင့်  
စာဖတ်သူလက်ထဲတို့ရောက်အောင် မထိုးဖောက်နိုင်လေ့ဆို  
ကေ ဖြန့်ချိမှုအတွက် ရင်းနှီးလို့ အကူအညီလားတောင်းကေ  
လက်ဆင့်ကမ်းရောင်းရဖို့အလုပ်ကို စီးပီးကယောင်ကတ်တေ  
။ ယင်းမှာ ရခိုင်စာအရိုးအသား စာအုပ်စာပီဆိုကေ ခွီးပုပ်ပိုင်  
နှာခေါင်းရှုကတ်တေ အကြောင်းအမျိုးမျိုးကြောင့် ထုတ်သ  
ရွှိစာအုပ်တိရေ တဝက်နီးပါးလောက် ပုံထပ်နီစွာတို့ရရေ။

ထုတ်သူတတိုင်က လုံးချင်းအား၊ စုပေါင်းအားနှင့်  
ထုတ်နီပြီးကေ ဖတ်ရှုသူအလွန်နည်းပါးရေအတွက် အားလျော့  
စိတ်ပျက်မှုတိလေ့ ကြားရရေ။ ယေရာလေ့ နောက်ဆုတ်ခြင်း  
မဟိကတ်။

ရခိုင်ခြင်းနှင့်ထုတ်တေ စာအုပ်စာပီတိရေ စာပီစိုး  
ကွက်မဟိ။ ယေနှင့် ရခိုင်စာပီအရိုးအသား စာအုပ်စာပီတိကို  
မြန်မာနိုင်ငံယောင် စာအုပ်ဆိုင်တိမာတင်ရောင်းလို့ မရနိုင်။  
ရခိုင်စာအရိုးအသားတွင်ကျယ်ချင်ကေ အများသူငါရို့က ဖြန့်  
ချိမှုအပိုင်းမှာ မိမိစွမ်းနိုင်သလောက် ကူညီပီးတတ်ဖို့လိုပါရေ။

နောက်တခုက ဒေသထုတ်မတ်ဂဇိန်း၊ ဂျာနယ်တိမာ  
ရခိုင်စာအရိုးအသားထက် မြန်မာစာအရိုးအသားက များနီရေ။  
ရခိုင်ပြည်ဒေသထုတ် မတ်ဂဇိန်း၊ ဂျာနယ်တိကို ကိုယ့်လူမျိုးကလွဲ  
လို့ အခြားအစွာဇာလူမျိုးက လိုလိုချင်ချင် ဝယ်ဖတ်ပါလို့လေး။  
ယေနှင့်ဒေသထုတ် မတ်ဂဇိန်း၊ ဂျာနယ်တိမာ အေဒီတာ၊ စာ  
တီးရို့က ရခိုင်ခြင်းနှင့်ရိုးရေ ဝတ္ထု ၊ ဆောင်းပါး၊ အက်ဆေး၊  
ကဗျာ၊ ဟာသရို့ကိုရာပို့လို့ ဦးစားပီးသင့်ရေလို့ မြင်ပါရေ။

ကြားလိုက်ပါသီးရေ။ ထိုတလိုင်းက ပန်းစင်းတပါးနှင့်

ဒေသထုတ်မတ်ဂဇိန်းသို့ပို့ရေ စာမူသျှင်အချို့ပြောသံကို။ အား  
မလိုအားမရဖြစ်မိရေ ပန်းစင်းက “ကိုယ့်လူမျိုးဖြစ်တေကျောင်း  
ဆရာမတီရေ ရခိုင်စာအရိုးအသားကို မဖတ်တတ်ကတ်။ ကိုယ့်  
လူမျိုးအတွက်ပြုစုထားရေ ရခိုင်ဖတ်စာသင်ရိုးကို ကျောင်းသား  
အချေသငယ်ကိုသင်ရေခါ အသံထုတ်မမှန်။ ထိထိရောက်  
ရောက် သင်ပီးမှုမဟိ။ ရခိုင်စာပီအရိုးအသား တွင်ကျယ်ဖို့အရိုး  
ကောင်းကောင်းရင်လီးဖို့ကောင်းရေလို့ ဆိုပါရေ။

ယင်းပိုင်ပင် ရခိုင်ပြည်ဒေသထုတ်မတ်ဂဇိန်းအချို့သို့စာ  
မူပို့ကတ်တေ စာမူသျှင်သုံးယောက်နဲ့ အသံကိုကြားရစွာက  
ငါ့မာ ထို ( . . . ) မတ်ဂဇိန်းသို့ပို့ထားရေ ဆောင်းပါးတပုဒ်  
လ အင်တန်ကြာနီယာ သုံး၊ မသုံးအကြောင်းပြန်ခြင်းမဟိ။ ယေ  
နန်လို့ ပါချင်ပါလီ၊ မပါချင်နီ အမြင်အားကြီးလို့ ဖေဘုခ်မာ  
တင်ပစ်ယဉ်။ နောက်တဦးကလေ့ အကျွန်ဒေစာမူကိုပို့ထားစွာ  
သျှစ်လလောက်ဟိပျာ ဂုမုပါလှာရေ။ အမှန်ဆို အကျွန်မိ  
တောင် မိထားလိုက်ပျာယဉ်။

ယင်းနည်းတူ နောက်ဆုံးတယောက်မာကျကေ ပို့ထား  
စွာလေ့ကြာပျာ။ သုံး၊ မသုံး အကြောင်းပြန်ခြင်းလေ့မဟိ  
ရေအတွက် ဖေဘုခ်မာမျက်နှာမာ အေဒီတာကိုသွယ်ဝိုက်တေ  
နည်းနန့် (ပီးစာ) ပိုစုံတင်ရေ။ ယင်းပိုစုံကိုဖတ်မိရေ အေဒီ  
တာက နာရီပိုင်းအတွင်း စာမူသျှင်ပါးသို့ ချက်ချင်းစာပြန်ရေ။  
ဆရာစာမူနန့်ပတ်သက်လို့ အကြောင်းမပြန်စွာ ခွင့်ရွတ်ပါ။  
သုံးဖို့အတွက် ရွီးချယ်ထားပါရေ ” လတ်။

ယင်းအကြောင်းအရာအားလုံးကို ချုံပျာတွက်ကြည့်  
ကေ ရခိုင်စာပီတိုးတက်ပြန့်ပွားချင်ရေ စိတ်ရာဟိကတ်ပြီးကေ  
လက်တွဲကျကျလုပ်ဆောင်မှုနည်းရေ။ သတ်ပုံနှိုင်းနင်းရေ ခေတ်  
သစ်ရခိုင်စာပီ ကလောင်သစ်တို့ကို နီရာပီးမှုမတွဲရ။

### မော်ဒန်ကဗျာအလှူအပူအဖွဲ့အစည်း

နောက်တခုက စာလုံးပေါင်းသတ်ပုံ ဝိဝါဒကိစ္စ။ စာမူ သျှင် ကိုအသိမပီးပဲ အေဒီတာ၊ စာတီးအချို့က ကိုယ့်ထင်မြင် ချက်နဲ့ စာလုံးပေါင်းတိပြောင်းပစ်တေ။ ယေနန့် ခေတ်သစ်ရ ခိုင်စာပီကို လိလာလိုက်စားနီကတ်တေ အချို့ အချို့သော ဆ ရာသမားတိက မတ်ဂင်နိုး၊ ဂျာနယ်တိဆို ဝီးဝီးကယောင်ကတ် တေ။ ယင်းပိုင် အကြောင်းအမျိုးမျိုးတိကြောင့် ရခိုင်စာပီအ ရိုးအသား ကျယ်ပြန့်မှုနည်းရေလို့ ဆိုရပါလိမေ။

အမှန်က အမှာစာရေ “ သုညလွယ်အိတ် ” ကို အဓိ ကပစ်မှတ်ထားလို့ ရိုးရဖို့စွာ။ မဆီမဆိုင်ကြော်ငြာဝင်စွာ တ ဆီကေများလားရေ။ ယေနန့် “ သုညလွယ်အိတ် ” ကိုပြန် ဆက်ကတ်ပါမေ။

အထက်မာပြောခရေပိုင် ရခိုင်စာအရိုးအသားနန့် ထုတ်သဂ္ဂိစာအုပ် တဝက်နီးပါးလောက် ပုံထပ်နီစွာလေ့သိ ယင့်နန့် “ သုညလွယ်အိတ် ” က ထိုးဖောက်ပါလတ်တေ။ ရ ခိုင်သား ၊ ရခိုင်သမရို့ ကိုယ့်စာပီကို အထင်မကြီးကတ်၊ စာ မဖတ်ကတ်စွာမာ ဇာကြောင့် ကဗျာပြီးကေ ကဗျာတိကျည်း ထပ်ထွက်နီရေကားလို့ အတွက်ခံကြည့်ရေခါ ခေတ်ရီစီးနန့် သက်ဆိုင်ရေ အကြောင်းအရာကလွဲလို့ အဖြေရှာမတို့။

အယှင်းဆုံးပြောရကေ ရီစီးသန်ရာကို လှော်ကတ်စွာ။ ပျော်ဖို့ ၊ ကဖို့အတွက်မဟုတ်။ ရခိုင်ကဗျာလမ်း၊ ရခိုင်စာပီလမ်း တွင်ကျယ်ပြောင့်တန်းဖို့အတွက်။ ယင်းမာလေ့ အချို့က ကာ ရန်ချေချိတ် ၊ နဘေးချေထပ်လို့ရိုးရေ ဂန္ထဝင်ကိုမှ ကဗျာလို့ ထင်ကတ်တေ။ မော်ဒန်ဆိုကေ နှာခေါင်းရှုအဖော်မလုပ်ချင် ကတ်။ ယှဉ်ထဲမာ အေဒီတာ၊ စာတီးတိအများဆုံး။ အမှန် အားဖြင့် ဂန္ထဝင်ပင်ဖြစ်ဖြစ် မော်ဒန်ပင်ဖြစ်ဖြစ် ရခိုင်ဘာ သာစကားကို အသုံးချရိုးသားကေ ရခိုင်ကဗျာပျာ မဟုတ်ပါ

လားယေ။

ထော ရှိလား နောက်လိုက် အဆင့်ဆင့်မာ ဒေဂု “ သူည လွယ်အိတ်” လတ်။ တတိုင်တရီက လွယ်အိတ်မာစား ဖွယ်သောက်ရာတိ ထည့်ချင်ထည့်ဖို့။ လှောက်စာသီး ထည့် ချင်လေ့ ထည့်ဖို့။ ဂုဒေ “လွယ်အိတ် ”မာ ကျကေ သူများ နန့်မတူ တမူထူးခြားစွာက ကဗျာတိထည့်လို့။ အနုပညာရင် ဘတ်နန့် ပြည်သူ့ကိုပစ်ဖို့။

ကဗျာအမျိုးအစားတိကတော့ကေ မော်ဒန်၊ ပိုစ်မော် ဒန်လို့ သိရရေ။ ပိုစ်မော်ဒန်ပင်ဖြစ်ဖြစ် နီယို၊ အယ်လ်ပီ၊ ရီ ယာယ်လစ်ဇင်၊ ကွန်ဆက်ဂျူရေ၊ ဖလဒ့ဖ်၊ ခေတ်ပြိုင်ပင်ဖြစ် ဖြစ် ရခိုင်ဘာသာစကားအစင်နန့် အသုံးချရီးသားရေအတွက် သူရို့ သူရို့တိရေ စာပီ၊ ယဉ်ကျေးမှု၊ ရိုးရာဓလိကိုက ဗျာနန့် ထိန်းသိမ်းရာရောက်တေ။ တနည်းပြောရကေ အများနားမ လည်ရေ စာပီတော်လှန်ရီးမာ ပါဝင်ဆင်နွှဲစွာ။ ရခိုင်ကဗျာ တခေတ် ထွန်းကားယောင် ပျိုးပင်ချေက ပျိုးပင် ကြီး၊ ပျိုးပင်ကြီးက သား၊ မြို့၊ မြိတ်တွင်ဖို့ အနုပညာမျိုးစိချကတ်စွာ မဟုတ်ပါလားယေ။

ယေနန့် တစိပ်တပိုင်း ကိုယ်နိုင်ရေဖက်က ရီစီးသန်ရာသို့ စိုက် ပျိုးလိုက်တေ “သူညလွယ်အိတ်”ကို ပေါင်းသင်ရဖို့စွာက အကျွန်ရို့တာဝန်ပင်။ တက်ညီ လက်ညီနန့် အကျွန်ရို့ . . . ပေါင်းသင်ကတ်ပါမေ . . . ပေါင်းသင်ကတ်ပါမေ . . . ပေါင်းသင်ကတ်ပါမေ . . . ။

မောင်မိုးညို  
၂၆၊ ၉ ၊ ၂၀၁၆

## မော်ဒန်ကဗျာဒဏ္ဍာန်လေးအား

### ကျေးဇူးမှတ်တမ်း

"ကျေးဇူးမှတ်တမ်း" ဆိုရေ နာမ်စားကတော့ကေ တဦးတယောက်အတွက် တစ်ခုကောင်းကျိုးပြုသူတိုင်းကို ဂါရဝတရားထိုက်တေအားလျော်စွာ အသိအမှတ်ပြု ရိုသီးလေးစားပျာကမ္မည်မှတ်တမ်းတင်ခြင်းပင် ဖြစ်ပါရေ။

ဇနီးရာမာပြောရပါကေ စကားလုံးတိထက် လီးနက်ပိုလွန်းရေစိတ်၊ ရင်တွင်းကသက်ဆင်းလှာရေပီတိနန့် ကျေးဇူးထားတိခြင်းလို့ဆိုရပါလိမေ။

ယေကေလေ့ စကားလုံးကို စာနန့်ခြစ်ထွင်းပနာ ဖော်ပြရဖို့ဖြစ်တေအတွက် "သုည လွယ်အိတ်" မော်ဒန်ကဗျာသစ်ဖူးအာနီပုံတိ" ဆိုရေ ကေဗျာစာအုပ်ဖြစ်မြောက်ဖို့အတွက် အားကြီးမာန်တက် စုပေါင်းရီးသား၊ ထုတ်ဝေဖို့လက်တွဲပီးကတ်တေ စာအုပ်ပါကလောင်သျှင်ရို့ကို ဦးစွာပထမ ကျေးဇူးတင်ကြောင်းပြောချင်ပါရေ။

ယေပြီးကေ အလုပ်တဖက်နန့် မအားလပ်တေကြားက ကိုယ့်ညီချေတိဖြစ်မြောက်ပါစီကြောင်းကို စေတနာရှိထားလို့ PageMaker, အစPDFအဆုံးlayout နည်းပညာပိုင်းကို လုပ်ဆောင်ပီးရေ ကဗျာဆရာ "ဝံသ" အား အထူးပင်ကျေးဇူးတင်မိပါရေ။

အရာအကျွန်အားကိုးတကြီးနန့် အမှာစာပူဆာထားရေ ဆရာမောင်မိုးညို။

ကြိုးစားပနာ အကျွန်ရို့အဖို့ အမှာစာချီးမြှောက်ပီးလှာရေအတွက် ဝမ်းသာအားရစွာ ကျေးဇူးတင်မိပါကြောင်းပြောကြားပါရစီ။

ဒေတခါ ကျေးဇုတင်ထိုက်သူမာတော့ကေ အစကပင်ပြော  
လို့လေးမဟိ အချိန်တိုချေအတွင်းမာ စာအုပ်မျက်နှာဖုံးနန့် ပုံ  
နှိပ်ခြင်းကိစ္စရပ်တိုကို ပံ့ပိုးကူညီပီးရေ ဆရာကျော်(ရခိုင်ပြည်  
သား)ကိုလေး အထူးပင်ကျေးဇူးမိပါရေ။

ကျေးဇူးမှတ်တမ်းနိဂုံးအနီနန့် အချုပ်ဆိုရပါကေ ကဗျာ  
စာအုပ်ကို ဝယ်ယူအားပီး ကုသိုလ်ပါဝင်ကတ်တေ ကဗျာချစ်၊  
စာပီချစ် ညီအစ်ကိုမောင်နှမတိုကိုအကျွန်ရို့စာအုပ်ဖြစ် မြောက်  
ရိုးဖွဲ့ ကလောင်သျှင်တိက လှိုက်လှိုက်လှဲလှဲနန့် ဝမ်းသာအားရ  
ကျေး ဇုတင်မိပါကြောင်းပြောကြားယင်း ဇနီရာမာနိဂုံးချုပ်  
မှတ်တမ်းတင်လိုက်ပါရေ။

ရိုးမအာကာပြင်ကြီး ကဗျာပန်းတိနန့်ဝိဆာလှပပါလီ။။

သာစွလေ  
စာအုပ်ပါကလောင်သျှင်ရို့ကိုယ်စား  
(ခိုင်မျိုးသန့်{ နဂါးမောက် } )

မောင်နှမများအတွက်အဖိုးတန်အချက်



အနောက်ရိုးမပိမာန်ထက်မာ  
အမင်စွာ အကျွန်ုပ်တို့မြောက်ဦးနုနုသွားဆက်ပိုးခရေ  
ရိုးမရင်ခွင်ထဲက ဒုတိယမြောက်အကျွန်ုပ်တို့  
ကဗျာကသန္ဓေယူလိုမိုးဖွားပီးလိုက်တေ။

မျိုးရိုး(နဂါးမောက်)

အဘာသွီးခရေ ဓား

ရိုးမစောင်းတန်း မြီလဆန်းမာ  
ကြွင်းအိုသမိုင်းတိ ဂေထိပိုင်ဆိုင်ထားပါသိရေ  
ယင်းဟင့်စွာ  
ခေတ်အဆက်ဆက်နန်းစိုက်ခသော  
ဝတီလေးရပ်နားက နဒီလေးထပ်နန့်  
ပူးခြပ်ထားရေ အာရက္ခမြီပါယေ။

ဟိုး . . . အယင်ပဝေသဏီကပင်  
ကမ္ဘာဂင်းနစ်စံချိန်မြောက်လို့  
ကြီးကျယ်ခန့်ငြား ကျော်ကြားခရေမြီ ယင်းမြီ။

ခေတ်ကြီးလေးခေတ်နန့်  
မင်းတရားလို့ ပြည်သားအားထားရရေ  
အာရက္ခမြီ ယင်းမြီ။

ကဝိတေဇာ ဘုန်းအာဏာနန့်  
စိုက်သမျှဖြစ်ရ ဗျာဒိတ်ခံခရေမြီ ယင်းမြီ။

ဂေခါ သမိုင်းမျိုးဆက် မြောက်ဦးရပ်လေ  
အို . . . လုံလုံးမလှ ပြိုပျက်နီရပျာကား  
ထီးကျိုး နန်းပျောက်ကြားမာ  
ရိုးမနှင်းလေသော အအီးဓာတ်မပီးနှိုင်ခပျာ မြောက်ဦး  
ရင်နာတတ်ကေ အသည်းကြီလောက်တေ ဟာလူရို့။



**မင်္ဂလာပျာဒေသနာပန်အိုး**

ကျွန်ဘဝမှာ ခြံကတ်သိယဉ်လား  
မိုးထတနပ် ညတနပ် ပုံမှန်ဖြည့်ရကေ ပြီးပျာလားယေ  
အားလုံးသူကအကောင်းစားလို့  
အကောင်းဝတ်ချင်ရေလူတိဂျည်းရာဆိုကေ  
အလှဆုံးရင်ဘက်က အချိုသာဆုံးစကားတလုံးကို  
ပြောလိုက်ပါမေဖိ  
ရခိုင်လူမျိုးရိုးအနာဂတ်စွာ  
ရခိုင်သား/သူ လက်ထဲမာရာ ဟိသင့်ရေ။

အသက်အသွီးတိနုန့်ဆီး  
နောင်လာမျိုးဆက်ရကွသားရို့  
ကျွန်အမွှ်ကိုမဆက်စိဖို့အဘာသွီးခရေဓား  
ငါရို့လက်ထဲမာသံချီးကပ်လားလို့မဖြစ်  
မင်းဆက်ရို့ရာဇဝင် အရိုင်းမခံနိုင်။

ဇူ ဇာ ဖိုး ဖီး အဖသျှင်ရို့ကျီနပ်လီရယောင်  
သမိုင်းကြီးဆပ်ဖို့ ငါရို့တတူညီညာလက်တွဲ  
မျိုးဂုဏ်မညှိုးယောင်တခါပြန်ပျာ  
ဓားတလတ်ကို မျိုးချစ်အားနုန့် ပြန်သွီးပြလိုက်ကတ်မေ  
လာ မျိုး ချစ် အားလုံး ။ ။

မျိုးရိုး (နဂါးမောက်)

လောကလီဟုန်ထက်က အပြုံး

---

သင်တခက်ဖြစ်ခွင့်မဟိကေလေ့သောရပါရေ  
ဘောင်သတ်ထားရေပန်းအိုးထဲမှာ  
ငါ့ဘဝကိုမစိုက်ပျိုးလိုက်ပါကေ့  
အသက်ယူမဝလို့ပါ။

ဟင်းလင်းပွင့်နီရေ ကွင်းပြင်ထဲမှာ  
မြက်ပင်ဘဝချေနု့ဆိုကေတောင်  
လီထတိုင်းမှာ ငါလေ့သောစိတ်ပေါ့ပါးစွာနု့  
ယိမ်းယိုင်ကနီလို့ရရေလေ။

**မင်းသိင်္ခမဟာသုတ်အစဉ်အဆက်**

ညကကျန်ခရေ အတိတ်ကိုပြန်တွေးယင်း  
နက်ဖြန်ခါရောက်လှာဖို့အနာဂတ်ကို  
ပူဆွေးကြောက်နို့ဖို့ကားမလို  
ဒေနိပစ္စုပ္ပန်ကမှ ငါ့ဘဝအစစ်တခုဖြစ်ကြောင်း  
လောကဓံတရားကခြံထိုးခံရချေခါမာ  
ငါ့စွာအလိုက်သင့် လဲကျလားသော  
ပျော်ဖို့ကောင်းဘဝနန်းရပ်စောက်  
ကိုယ့်မှင်စက်ကိုထုတ်လို့ နှိမ်းကျံချင်ချေ။

အီးအီးချမ်းချမ်းအိပ်လို့  
ပျော်ရွှင်ခြင်းတိနန်းနိုးထ  
ဘဝဆိုစွာ ကိုအလှပချေပြုံးပြချင်ချေ  
လောကလီဟုန်မာယုံဝဲ ရှိမအုံနှိုင်ကေလေ့  
စိတ်ကိုတော့ခါ ဖြူစင်ယောင်ပုံသွန်းထားလိုက်ပါမေ။

မျိုးရိုး(နဂါး၊မောက်)

### ဝိညဉ်ပျောက်တေ ညည့်

---

စည်တော်တီးသံတိနန့်ဝီးရွင့်ကမ္ဘာမာ  
 ငါ့ကိုယ်ငါ ဖန်ဆင်းထားခရေနောက်  
 ဘဝနန့်စီးချင်းထိုးသဘင်ကြား  
 ငါ့ခန္ဓာတခုလုံး ကြမ္မာဆိုးငှ ဓားကျရာအောက်မာ  
 ခွဲခေါက် ကျိုးပဲ့ယင်း . . .

နိတိုင်းဝတ်နီကျ ပတ်ဝန်းကျင်အလယ်  
 ငါစွာ မျက်မမြင်နားမကြားရေ အရှင်ဒုက္ခိတပါ  
 အမင့်ထမင်းအိုးထဲမာ နပ်စာမပြည့်တင်းခြင်းကိုမြင်ရေခါ  
 ငါဆိုရေအကောင်နန့် အဖော်ပါရှက်စိတ်ကို  
 အိတ်ဆိုးတလုံးမာကောက်ထည့်  
 ဘဝထောင့်နားမာ စိတ်ချလက်ချ ဝဲသတ်ထားလိုက်တေ။

ရမ္မက်ဆိုးတိပေါရာမြီ တောမလည်ရေအကောင်ငှ  
 ပြည်ပဂနိုင် လမ်းလားလမ်းလာမာဆို  
 ဝိညဉ်ပျောက်နီရေ ဆိစ္စိတကောင်ပါ  
 ဒေအမှောင်ညည့်ဆိုးတိကို  
 ငါ ဇာပိုင်စွမ်းပကားမျိုးနန့်ယှောင်ဖို့  
 လိုက်ရှာယင်း တွေးယင်း အမှောင်ညည့်သရုပ်ပျက်ထဲမာ။ ။

မျိုးရိုး(နဂါး၊မောက်)

**ဖော်ပြချက်များအားလုံး**

ကောက်ချက်ချဖို့မတတ်သော နို့တေးသား

အင်း . . . လိဗီသျှတရွှံ့ရွှံ့နုနု  
နို့ဦးကိုကြိုဆိုလိုက်ကတ်ပျာနှုန်း  
ဆောင်းလီယူအသိမ်းမာ  
အသာအယာနုနုရှိတိုးနီရေ  
နို့ကမ္ဘာ့ရွက်ဝါတိက မကြံတရွက်ကြံတရွက်နုနု။

ထော . . .  
ဂီမာန်နုတေးသံပိုင်သျှင် ဝေါငှက်ချေတိလေ့သော  
အဖော်ပျောက်ပျာ မပေါ်တခေါက် ပေါ်တခေါက်နုနု  
ပျောက်သူကိုမျှော်လို့ လွမ်းသံမရင့်တရင့်ဆို  
အစိမ်းတဖက် အခြောက်တဖက်ပင်အိုထက်မာ  
လွမ်းသံမလျော့မတင်းနုနု အော်မြည်နီကတ်တေ။

ဖုံတဆောင်းနုနု လမ်းအိုဟောင်းတိစွာ  
နို့နှုတ်ခွမ်းမာပြာတောင်အသွားတိခင်းလို့  
ခြောက်ခမ်းမှုသရုပ်ပန်းချီကားတချပ်ကို  
ပိုင်ပိုင်နိုင်ယောင် ဆွဲတတ်တေနှုန်း။

အဟောင်းတိအသစ်ပြန်ဖြစ်လို့  
မိဖျောက်မရရေ နို့တေးအကွရာတိကို  
ငါ  
ကောင်းကောင်းမှတ်မိသလောက်  
အဓိပ္ပာယ်မဖွင့်ဆိုပြတတ်ပျာ နို့။

ohvꞑ ftwꞑ

တပေါင်းလီရူးကို ငါခင်တွယ်ဖူးရေပိုင်  
စွီတေးသားက အလွမ်းမိုင်ချတတ်ခ  
သမုဒ္ဒယတဝတ်နန့် ငါ့အတွက်  
ဖြန့်ဝီပီးထားစွာလား နွီ။

ယေကေ နွီတေးသားက  
ဇာအတွက်အလွမ်းသင့်ရလေ  
ငါ မသိခြင်းနန့်ပင် ဇာလောက်အလွမ်းများလေ  
အို . . . ငါ ကောက်ချက်မချနိုင်စွာ အသိချာပါ  
ဇာပင်ဖြစ်ဖြစ်  
ဒေန္တီထဲကအလွမ်းတေးသားတိကို  
တခါချေပင် မိနိုင်လီဖို့မဟုတ်ပါပျာကား နွီ။ ။

မျိုးရိုး(နဂါးမောက်)

## ဖော်ပြချက်များအကျဉ်းချုပ်

### အဟောင်း

အဆွေးသံသရာစွာ  
အမြူထည်လာရေ လောကအဖြစ်  
နိယာမ ပုံလို့ ထပ်လို့ မကန် မကန်  
ကမ္ဘာတခြမ်းမာမိုးတိရွာလို့  
ရုပ်နာမ်ပေကတိကိုပြန်ရှာနီယင်း  
မျက်နှာက လောကခံကြားပုန်းဝင်လားရေ။

ခေတ်ကိုအတုပြုရေ လူလားလမ်းရာဝင်စွာ  
အမာရွက်ထက်မာ သနပ်ခါးထူထူနှိမ်းထားရေခါ  
သစ်ပင်ဝါးပင်ရို့ ဌာနတဖက်ဘေးကိုကပ်  
အဟောင်းတိကိုဆွဲထုတ်  
ပလတ်စံတစ်နံ့မှတ်တမ်းတင်ကေ  
အသစ်တိနီရာယူလားကတ်တေ။

တမာပင်မာသကာရည်ဆမ်း ပုံပန်းသဏ္ဍာန်သွန်းတတ်တေ  
ဒေလူ့ဘောင်အလွှာတိ ခွဲခြားဆက်ဆံရာမာ  
အချိုးကျကျလှရေ။

ရင်နာရေလို့ပြောကေလေ့ ဟားတိုတ်တတ်တေ  
မနုဿရို့ဖြစ်စိုင်းမာ ကာလဒေသဟိကေလေ့  
အမှောင်ပုံးအုပ်ထားရေသွီးသောက်မျက်နှာတိ  
ရောင်ပြန်အလှတရားမာ စီးဝင်လားသော  
ဒဏ်ရာတရွီကို ဆွဲထုတ်ဖို့လေ့သော အခက်။

ohv& ftwf

အဟောင်းစွာ အဟောင်း  
လောကသားကောင်တိမာ လီလာရာယိမ်းလို့ ယိုင်လို့  
အမှောင်ထုကိုထွင်းဖောက်လှာစွာ  
အလင်းရောင်မျက်မှောက်ကိုရောက်ခါမှ  
တန်ဖိုးထားစွာတိပဲ့ကျလားရရေလို့ . . . ။ ။

မျိုးရိုး (နဂါးမောက် )



မင်္ဂလာကျောင်းဆရာတော်



မိတ်အာယာရအတွက်  
သဘာဝဓမ္မကို ခြုံငုံကြိုးစားနိဗ္ဗာန်  
အလှူတရားအားဆုံးထိုက်  
ပေါင်းကူးပီးရေအရာစွာ ကဗျာဖြစ်လာရေ။

အစ်ကိုလတ်

### နိကြာပန်း

ကိုယ့်အကြည့်နဲ့ကိုယ်  
မျက်စိတဆုံး ပူလောင်ပစ်လိုက်မေ  
ကိုယ့်အခွံနဲ့ကိုယ်  
တဘဝစာ အလုံပိတ်ထားလိုက်မေ။

ကိုယ့်ကဗျာနဲ့ကိုယ် ဆိုပြီးကေတော့ခါ  
လမ်းအဆုံးမှာ ရွာ  
ရွာအဆုံးမှာ သံသရာကို ချစ်သူနဲ့လက်တွဲလျှောက်  
ငါလိုရာ ငါရောက်ဖို့ ငါ့ခရီး ငါဖောက်  
ရောက်ချင်ရာရောက်ဆိုပြီးကေ  
ကျောက်ထဲမှာ ငါ့ကဗျာတို့ကို ပွင့်မပြချင်။

လောကကိုအလှဆင်ဖို့  
ကိုယ့်စရိုက်နဲ့ကိုယ် တပိုင်တနိုင်အကွန်ဆောင်ရရေ  
လူဆိုစွာ အတ္တပုံစံခွက်ထဲက  
ပရအတွက်ရုန်းထွက်တတ်ရရေ ပုံဆောင်ခဲတမျိုးရာ။

လမ်းပျောက်နီစွာမဟုတ်  
လမ်းဖောက်နီရေလို့လေ့ မပြော  
ငါ . . . နိကြာပန်းနဲ့ သူ့မျိုးစိကို  
သဘောကျလွန်းရေ ဖူးသစွာ။

အစ်ကိုလတ်

မင်္ဂလာပျဉ်းလှပညီအစ်ကို

၀၇၈၀

ပဲတောင့်ရောင်းနီကျ  
ဆိပ်ကမ်းနား တလျှောက်မာ  
ဖရဲသီးစိပ် ဗန်းချေတိ ကျစ်ကျစ်တိုးဝင်လို့ . . .

မနိုင်တနိုင်နန့်  
ရီခဲချောင်းပုံးကိုထမ်းလှာရေ  
အဖြူအစိမ်း ခေါင်းလောင်းချေက တလုံး။

ကလိန် ကလိန်အသံချေနန့်တတူ  
ဂေါင်းခါပျာ  
ဘဝကို စိန်ခေါ်လိုက်တေခါ  
ကုက္ကိုရွက်တိ တရွက်ပြီးတရွက်ကြွီကျလားရေ။

လက်ထဲက ခြင်္သေ့ တိရိစ္ဆာန်အစုတ်အပြိုတချို့  
ပါးစတပြဲပြဲနန့် ခြောက်သွံမွတ်သိပ်နီပုံစွာ  
နွဲ့ငဲ့ အလင်္ကာ . . ။ ။

အစ်ကိုလတ်

မိမိကိုယ်ကို ဆောက်တည်ခြင်း

---

ရေရာမူမာ ဖုတ်ဆိုးတိအားလုံးကို  
 စုပ်ယူထားရရေ ရီဝဲကြီးတခု  
 မြတ်နိုးနှစ်သက်ဖို့ကောင်းရေ  
 ကြယ်တိမဟိသောကောင်းကင်မာ  
 ပစ်တင်ခံလိုက်ရရေ ကျိုးလွယ်ပဲ့လွယ်ကံတရားအဖြစ်နန့်  
 မိုးရိပ်အသိုးတိပိုင်  
 ဘဝဆိုစွာ ရွာချပစ်ဖို့ဆိုကေလေ့သောအဆင်သင့်။

ဖောက်လွှဲဖို့ ဦးတည်ရေ လည်ပတ်နှုန်းမာ  
 လျင်လွန်းရေနာရီလက်တံ  
 တဘူတာပြီးကေ တဘူတာ ဖြတ်သန်းမှုနိယာမ  
 အဝါရောင်ခမ်းနားမူမာ  
 ပက္ခဒိန်ကိုခတ်မောင်းလှာရေ ရထားတစီး  
 စိတ်မချရခြင်း မြို့ဝင်ညည့်  
 ရက်ရာဇာတိ ပဲ့ကျနီရေ လရောင်အလင်း  
 တလွှာချင်းခွာချလိုက်ရရေ သင်္ခါရနိမိတ်နန့် နံရံ  
 ဘဝကို ဇာသံသရာက မရေရာမူတိပင်  
 ပစ်ချလိုက် ပစ်ချလိုက်ပါ။

ဇာတ်ညွှန်းအတိုင်း မြစ်ဖျားခံရရေအခက်အခဲ  
 အခန်းရွတ်မဟိရေ ခရီးကြမ်း  
 သဲတပွင့်စာမကရေ သံသရာ

**ဖော်ပြချက်များအကျဉ်းချုပ်**

တီဖြစ်လားကေလေ့ တာဝန်ကျိပွန်းခဖို့ ကမ္ဘာ  
သရုပ်မှန် သရုပ်ဆောင်မှုနဲ့  
အကွဲအဆန်တိုင်းကို ကြိုနပ်တတ်မှုမာ  
သာသာယာယာ ဖန်ဆင်းတတ်ခြင်း လူ့ဘဝ။

မခြင်ရေ အမြင်တိန်နဲ့ဝါးမိချိန်တိုင်း  
ကိုယ့်အသက်ထဲက အသက်ယူမှုတိုက် ဆွဲနှုတ်ထားရရေ။

မပွင့်ချင်ရေပန်းတိန်နဲ့  
လှတပတချေ ပန်ပြ ပြုံးပြ  
အလိုက်အထိုက်နားလည်ရေအနုညာခန်းမထဲ  
ဘဝလို့ တတိန်းချေခေါ်ခွင့်ရခါကပင်  
နာကြင်မှုကိုဆုပ်ကိုင်တတ်ပြီးသား နှင်းဆီတပွင့်  
စူးစူးအလှတရားမာ သိမ်ငယ်နီဖို့လေ့မလိုပျာ  
ကမ်းကို လွန်လားရေမြစ် ပင်လယ်ကို ကျယ်ပြန့်ရဖို့အဖြစ်မာ  
အပြစ်တကာတိကို ကျပ်တည်းလို့  
တောင်စွယ်ကို ကွယ်ဝှက်နီဖို့မလို  
ဝဲတင်တတ်တေအကြည့်တိပိုင်  
ပေါ့ပေါ့ပါးပါးစီးဝင်တတ်ဖို့ သမုဒ္ဒရာကိုစောင်းကြည့်။

အံ့ဖွယ်သျှစ်ပါးမကရေ နက်နဲမှုတိနန်  
အဋ္ဌရသမိုးရိပ်ထဲက လူ့ဘဝ  
လိမ္မာခြင်းမာ အလိုက်တသိနန် ဖွင့်တတ်ပိတ်တတ်တေ  
ပြတင်းပေါက်တိဖြစ်ဖို့လိုရေ။

ဒရဟောစီးနီရေလမ်းမ  
အလှည့်မကျသိလို့ မထင်မရှား ကြံရွှင့်မှု  
ပုံသီနိယာမထဲက ပြောင်းလဲမှုအခန်းကျဉ်းတခုမာ  
ငိုမှု ရယ်မှု ပူမှု အီးမှု အစုစုခန္ဓာအိမ်။

ဖြစ်တည်ခြင်းတိုင်းက  
ပြိုကျပျက်စီးနီပြီးသား မြို့တမြို့  
နှစ်ခါဆင်းဖို့ ခက်ခဲရေအကြည့်တိနန်  
သွီးကြောရီပွတ်ပိုင်မတည်မြဲရေ အပြုံးကို  
မြတ်နိုးတတ်ခြင်း အခိုက်အတန့်  
နောက်ဆုံးပွင့်ဖက်အထိ မွီးမြဲချင်ရေ အနမ်း  
ကမ္ဘာမြို့ကို လွမ်းလို့ ကြံချင်ရေပန်းတိနန်  
အိမ်ဦးခန်းက ဘုရားပန်းအိုးမာ  
ငါ့ကိုယ်ငါ ညှိုးလားရေအချိန်ထိ ချစ်တတ်လွမ်းတတ်ဖို့  
အတ္တသမ္မာပဏိဓိ မင်္ဂလာကဗျာကို  
အိပ်ရာဝင်တိုင်း ရွက်ဖတ်လို့ . . . ။ ။

အစ်ကိုလတ်

မောင်နှမများအတွက်အဖိုးတန်

အယင်ခေါက် အယင်ခေါက်ကခါ

အယင်ခေါက် အယင်ခေါက်ကခါလို့  
ဂေါင်းစီးတင်လိုက်မိစွာနုနု  
မြစ်အစင်းစင်းရို့ပင်လယ်ထဲကိုစီးဝင်ကတ်တေပိုင်  
'အယင်ခေါက် အယင်ခေါက်ကခါ' ထဲမှာ  
သွီးကြောတိ အလိုလိုဦးတည်လို့စီးဝင်နီရေ  
မွှီးညှင်းတိ အလိုလိုရွှင်ပြီးကေ ထောင်ထလားရေ  
ကြက်သီးတိအလိုလို ရင်ကော့ပြီးကေ ဂေါင်းမော်လို့  
ဟုတ်တေ အဂေါင်ဟုတ်ပါရေ။

'အယင်ခေါက်အယင်ခေါက်ကခါ' လို့ ဆိုလိုက်စွာနုနု  
ယင်း အယင်ခေါက်တိထဲမှာ အကျွန်အလိုလိုရောက်နီပြီးသားပါ  
'အယင်ခေါက်အယင်ခေါက်ကခါ' လို့ရာပြောလိုက်  
ဇာခေတ် ဇာသကြွန်ဖြစ်ဖြစ်  
အကျွန်အာရုံငါးပါးမာ  
အကျွမ်းတဝင် ထိ သိ နီရေဂျည်းလို့ ထင်ရေ။

စိတ်ဇုသိမှုက လီထရေခါညွှန်ကိုင်းလားရေ  
ပေါက်ပင်တိထက် ပိုကျယ်ပြန့်ရေ

နှလုံးသားငွေခံစားမှုစွာ ပင်လီပင်စွပ်တကောင်ပိုင်  
အငှားအိမ်မာကျင်လည်ရခြင်း နယ်ပယ်ကိုလေ့ကျော်လွန်ရေ  
ဘဝဇောငွေ တတ်မက်မြတ်နိုးမှုမာ  
ဇာတိသွီးဇာတိမာန်ငွေ နိက္ခန္တိ ရီစီးထက်လေ့ ပိုညင်သာရေ။

လူဝင်စားတယောက်ပိုင်မျိုးလေ့  
အလွယ်ချေနှုန့် အနာကျက်နှိုင်းဖို့မထင်  
ဝိညာဉ်တဖြစ်နှုန့် မကျွတ် မရွတ်မှုလေ့ဖြစ်နိုင်ရေ  
ကျင်လည်တတ်မှုဆီးတစက်အတွက်  
စိမ့်ဝင်ပြန်နှုန့်ရေ လက်ဖျံရိုးလေ့ဖြစ်နိုင်ရေ  
ဥပါဒါန်ငွေ ကျေးကျွန်ဖြစ်ဖို့ ဆုတောင်းမိခြင်းမာ  
နောင်တကင်းရေ ချစ်စိတ်လို့လေ့ထင်မိရေ။

ရင်ဘတ်ကိုတံထိုးမဆွတ်ပေး  
'အယင်ခေါက်အယင်ခေါက်ကခါ'လို့ တတိန်းချေ ပြော  
ပြီးကေ ဇာအချိန် ဇာနီရာတိကိုပင်ဖြစ်ဖြစ် လှမ်းကြည့်လိုက်  
အကျွန်မသိစိတ်တိ သိစိတ်တိ အားလုံးက  
အပူတပြင်း ပြီးလွှားလို့  
"အယင်ခေါက် အယင်ခေါက်ကခါ"

'အယင်ခေါက်အယင်ခေါက်ကခါ' ဆိုစွာ  
လွန်ခရေဆယ်နှစ်ကလေ့ဖြစ်နိုင်ရေပိုင်  
လွန်ခရေနှစ်ငါးဆယ် နှစ်တရာ နှစ်နှစ်ရာ  
သုံးရာလေးရာ ငါးရာတထောင်  
ရဝိညာဉ်လိပ်ပြာကောင်အတ္တ ဇာနာမည်နှုန့်ပင်  
ပါဝင်ခွင့်ရရ အကျွန်ကြီနပ်ခရေ ဆိုစွာဂျည်းပျာ။



**ဖော်ပြချက်များအရပ်ရပ်အားဖြင့်**

ပရမတ္ထမြစ်ပြင်မှာ သစ္စာအငွေ့အဖြစ်မပြယ်ရှင်ခကေလေ  
အရိုးစွဲရှည်လျားခြင်းမှာ သာဓုခေါ်ခွင့်မရစွာကိုပင်  
ရင်မနာမိဖို့ တီတကောင်စွာ အကျွန်ရာဖြစ်နိုင်ပါရေ။

'အယင်ခေါက်အယင်ခေါက်ကခါ' ဆိုရေစကားလုံးက  
မသိချာမှုနဲ့ ဘုရားသခင်ပါ  
မရေရာမှုနဲ့ နာမည်ခွဲတခုပါ  
စိတ္တဇနာမ်နဲ့ တိမ်းပါးယိမ်းပါးမှု  
ဥဒ္ဓိစ္စနဲ့ တံခွန်ကုက္ကိုင်းဖြစ်တေအတွက်  
ဒေကဗျာနဲ့ အဆုံးသတ်ပိုင်းကို  
ဒေကဗျာနဲ့ဂေါင်းစီးနန်းမတူရေခံစားမှုမျိုးပိုင်  
အကျွန် အဆုံးသတ်ချင်ရေ  
ဂေါင်းစီးနန်းမတူရေ ခံစားမှုမျိုးနန်း ဖတ်ပီးကတ်ပါ။

အယင်ခေါက် အယင်ခေါက်ကခါ' နန်း အကျွန်  
ဓညဝတီ ဝေသာလီ လေးမြို့ မြောက်ဦး တခုခု  
တခုခုမဟုတ်ကေ တခုခုထက်မက ပိုဖူးပါရေ  
ယင်းတိကျမှု ကျောက်ဆောင်ကိုပင်  
'အယင်ခေါက် အယင်ခေါက်ကခါ'  
'အယင်ခေါက်အယင်ခေါက်ကခါ'  
'အယင်ခေါက်အယင်ခေါက်ကခါ'  
'အယင်ခေါက်အယင်ခေါက်ကခါ' . . . ။ ။

အစ်ကိုလတ်

ပန်းတပွင့်ငှဲ အစ အလယ် အဆုံး

ရွှီရည်လောင်းခံထားရရေ မိုးရိပ်တိစွာ  
သူ့အောက်က တောင်တန်းတိကိုကြည့်ပျာ  
အတောင်ပံခတ်ဖို့မလိုရေ ရွှီလျားခြင်းနန့်  
ဂေါင်းမော်ရင်ကော့တတ်တေ အမြင့်စံအလှတိနန့်  
အာကာလီဆောင်ခြင်းကို မိမျိုးကြီနပ်ခြင်းတိနန့်  
မြီမချစ်တတ်တေ ရောင်စုံစွန်တကောင်ပိုင်  
သက်တန်တိ ရောင်စိုင်ဖြာကျ တနားချေလှရေ  
အငွိပျံတတ်တေသဘောနန့် အဆုံးသတ်  
သူ့အပြုံးမာ ထည့်ထားဖို့ မိလားတတ်တေ။

ဆားငံရီက ပင်လယ်ကိုအပြန်ခပ်သောက်ရရေ ခေတ်သစ်နို့မာ  
ဝိသမအကြည့်တွက်ပေါ် ထားရေ ခရမ်းမျိုးစိကို စမ်းကြည့်ဖို့  
ဝေဒနာတိနန့် ကမ္ဘာမြီကြီးကို  
ချနင်းလားချင်ရေပုံစံမျက်နှာထား  
မင်း သတိထားဖို့လိုရေ ချစ်သူ။

သဘာဝက သဘာဝကျပြီးသားပါ  
သူ့သဘောနန့်သူ တရက်တခေါက်လမ်းလျှောက်ထွက်တေ  
ကတ္တီပါဖိနပ်စီး ရွှီရောင်ထီးနန့် ဆည်းဆာပျို  
ပင်လယ်ရီအတွင်း ငုတ်ခြင်းနောက်ဆုံးဟိနှိုင်းရေလေ။

ရာထူးဂုဏ်သိမ် စည်းစိမ်တိနန့်  
မှောက်ထားရေကောင်းကင်မာ

**မောင်နှမများအတွက်အလှူအတန်း**

အောက်ဆီဂျင်ခမ်းနီရေ ညည့်  
သွီးညှိနံ့နောက်ကိုဂျည်းလိုက်နီရေ လမင်း  
ချစ်သူ . . .

မင်းများနန်းငြိလို့အသက်ယူကျပ်တေခါ  
ထိုင်ခုံကိုမက်မက်မောမောရွတ်ချလိုက်ပါ။

ပန်းတပွင့်က ကမ္ဘာကြီးကိုကုစားရေအနမ်းနန့်  
အကျွန် ဆရာဝန်တယောက်ပါ' လို့ပြောရေခါ  
ဂေဟာစနစ်ဆန်ရေ အတတ်ပညာ  
ဝတ်မှုကူးခြင်းအရင်းအနှီးတိနန့်  
ပန်းတခင်းလုံးငှအလှူကို ချစ်သူ မင်းမြင်တတ်ပါစီ။

ပန်းတပွင့်က ခေတ်ကို ကုစားပြရေအနမ်းနန့်  
အကျွန် ပါတီနိုင်ငံရီးသမားပါ  
အမျိုးသားနိုင်ငံရီးသမားပါ  
ကဗျာသမားပါ စာသမားပါ  
အဆိုတော်ပါ တေးရီးပါ  
သဘင်အက အနုပညာသမားပါ

-----  
-----  
-----

လို့ ပြောရေခါ  
ပြည်သူလူထုချစ်ခြင်းက  
မျှော်လင့်ခြင်း ဖူးပွင့်သရွှိ လောကကိုဆင်မြန်းဖို့  
အလှူနန့်အတ္တအခင်းအကျင်းက ဖြာထွက်လှာရေ  
အဓမ္မအခက်အလက်တိငှ အရိပ်အခြံကို

မင်း မြင်တတ် ကြားတတ်စီ။

ရင်ဘတ်မာ သီခြင်းတရားမှတပါး  
တခြားမသိဆီးတိ အိုင်ပြတ်ပြည့်လားရေခါ  
ယထာဘူတကျရေ ဖြစ်တည်ခြင်းကို  
မင်းမြင်ဖို့ခက်လိမေ  
မမိမလျော့ခြင်းမာ မင်းစိတ်တိ သန်စွမ်းနီဖို့လိုရေချစ်သူ။

ဘဝဆိုစွာ ပုံသီနည်းတော့ကေ ပုံသီနည်းရာ  
ပုံသီ သူဖြစ်ချင်စွာကို ဖြစ်နီရေသဘော  
ရီမျက်နှာပြင်ကို ကုတ်ခြစ်ပျာတက်လားရေမိုးရိပ်တိ  
အမြင့်ဘုံမာ ဇာထူးလို့လေး  
ပင်လယ်သမုဒ္ဒရာကို အလျော်အစားမရွတ်တေသီခြင်းနန့်  
ဈာန်ပြီကျရေ တံလှုပ်တိနောက်မာ  
ဘဝကို သီဖို့တခါ ရှင်ပြန်ထမြောက်လို့  
လိုင်စင်းပျာ ပီးဆပ်လို့  
အရည်ပျော်ခြင်းမာခုန်ပေါက်လို့ . . .

နတ်သက်ကြွီလားရေ အလှတရားတိ  
ဒရာမာဆန်ရေ ဖြစ်,တည်,ပျက်,တိ  
ကြိုးပြတ်လားရေစွန် ကြိုးမပြတ်ရေစွန်တိုင်းအတွက်  
ရလဒ်တိုင်း ရလဒ်တိုင်းစွာ  
သူ့နှလုံးသားနန့် သူ့ရင်ဘတ်  
သူ့နှုတ်ခွမ်းနန့် သူ့မျက်ဝန်းပြာ။ ။

အစ်ကိုလတ်

မင်္ဂလာကျောင်းအဖွဲ့အစည်း



ထပ်မြို့မြို့ထဲမှာ ကံကောင်းရာနေထိုင်သမျှ  
ရှိ...  
သဘာဝစစ်သည်တော်ဖြစ်နိုင်မိမ့်ထို။  
ဆောင်းခူ (ဝိထို)

PhotoGrid

ohv& ftwf

ဘဝများ

---

မစားဖူးပါပေး အခါးထူးစွာလေး  
အမှားရူးနဲ့ အများစူးရေ  
အဖျားယူးဘဝ  
အရင်းသန်ဘဝ  
ချိုသောဘဝ ခါးသောဘဝ . . ဘဝ . . . ဘဝ . . . . ။

**မင်္ဂလာပျဉ်းလှပညာပေးအိုး**

အဆိပ်တိ များရေ  
အပြစ်တိ များရေ  
စနစ်တိခါးနီသရွှိ အားဟိယင်းတောင်အကျမယောင်  
အမှောင်ဖုံး ကျင်းကျင်းတုံးတုံးဖြစ်တတ်ခ။

တခါတရီ  
မာယာတိကို ပရိယာယ်ကပတ်ထား  
ပရိယာယ်ကို အကွန်ဆောင်မှုကဖုံးထား  
အကွန်ဆောင်မှုက မုသာကိုမိတ်ဖွဲ့ထား  
မုသာကမဖြောင့်ဖြူးသောလမ်းမာ အဝါရောင်တောက်  
လှည့်လို့ရသလောက် လှည့်တတ်တေမျက်နှာ။

အချိန်ဟိတိုင်း ကြီးသူက ငယ်သားကိုစား  
ငယ်သားက သူ့ထက်ငယ်သူကို ထပ်စား  
ပေါက်စိချေက မွီးကင်းစကို ဆက်စားသိရေ  
မွီးကင်းစတိက  
ပွင့်ပွင့်လင်းလင်းအချင်းချင်း ပြန်စားကတ်ယင်း  
ဘဝတိတချို့ခါး  
တချို့ယင်းထက်သာလို့ ခါးလှာရ  
တချို့ ဘဝတိကတော့ကေ ချိုအီးသင်းမွီး  
မှတ်ချက်  
အကျွန်ရေ အခါးကိုမကြိုက်တေပိုင်  
ဘဝကိုလေ့သော မစားဖူးပါကြောင်း။

ဆောင်းဒု (ဝါဘို့ )

### အခါးကြားက ငါ့အချို့

---

လောက

အရောင်အသွေးစုံ အလွှာအပုံပုံနုနု  
ခုန်မင် ငေးချင်စရာ ဖြာကျနီပုံတိ။

ကြည့်ပလင့်ယေ

အဆိုးအဆိုးအညှိတိနုနု ငါ့ဝတ်ရုံ  
ငါ့ချုံထားတိုင်း ငါ့လုံနီစွာမာ  
ပေါက်ရာ ဖာရာ ခြုပ်ရာ စိစိရီရီနုနု စတိုင်လ်တကျပျော်လို့။

ရသာရုံ အချို့အခါးတိကြား

အပုပ်အသိုး အဆိုးအဆာတိက  
ငါ့အစာအိမ်ကို ဖြေသိမ့်ပီးတတ်ခ  
အနံ့ဆိုးကြောင်း နှာခေါင်းကတဆင့်ပြောပြ  
အဖိုးအခမများရေခါ အဆိုးအရွားဆိုစွာ  
ပိုင်သျှင်မဟိ ပကတိပင့်သကူပျာယေ။

လိုအပ်ခြင်း ကွက်လပ်မာ

နီရာလပ်မဟိယောင် ထပ်ပြီးယင်းထပ်  
ငါ့ကိုယ်တိုင် ငါ့ကိုယ်ငါ  
ငါ့မှန်းမသိတတ်သရွိ  
လောကခံနုနုငါ ငါနုနုလောကခံ ငြိတုန်း။



မော်ဒန်ကဗျာဒဏ္ဍာန်အိမ်ဂူ

ငါ့ဘယ်ညာက ဆန်လီမှောက်ခုံကွက်လပ်တိအလယ်  
မေတ္တာရောင်နုနုစက္ကန့်ကို ပြီးရှာယင်း  
စိတ်ကူးလွင်ပြင်ထဲ အဘာကိုမြင်ရေ  
တောင့်တမှုအိပ်မက်ထဲ အမင်နုနုတို့ရေ  
နှစ်ယောက်စုံလုံးက ပြုံးလို့  
မပီမုန်ဝါးနုနု မကြိုင်လင်ဆိုပျာ ထကြည့်ဖြစ်ခါ  
ပတ်ဝန်းကျင်ကအမှောင်တမိသား သဲတုန်းမဲတုန်း  
လင်းကြက်တွန်သံ အဆုံးခန်းနုနု  
ဂေါင်းအုံးပီးစွမ်းသော အိပ်မက်  
ထပ်မက်ဖို့အတွက် ဆက်အိပ်ယင်း  
ယောင်လို့တခေါက်ချေ ပြုံးနှိုင်းဖို့ထင်မိပါရေ။ ။

ဆောင်းဒု (ဝါဘို့)

ပန်းခိုင်စိုက်

တွေးမိရေအနာဂတ် အသိစိတ်ထက်ပုံရိပ်တိမ်းမကုန်  
ငွေတေးသွားနန်း ကခုန်လို့ စွန့်စားခြင်းရိုင်သမ်  
ဘဝထဲက နဝမ လောကဓံ။

ရည်မှန်းသောပန်းတိုင် လျှောက်နီတုန်း ခြံလှမ်း  
မျှော်ရာကမ်းက စီးလွန်းသောနီရာကို  
လားရာခရီး နီအပူကြီးကေတောင်  
ချွေးစီးစီလေး ထီးကိုမဆောင် ငါ့အဖော်က ဒုက္ခ။

မတည်မြဲသော ဓမ္မတာ  
ပြောင်းလဲတတ်သော သဘောတရားအောက်  
ဒူးထောက်ဖို့ ကြောက်နီသောလူ  
ဒေဇမ္မူအတွင်း အပူအယှင်းကင်းဖို့  
ဝံ့ဝံ့တင်းတင်း သစ္စာဆိုမေ။

ကန့်သတ်ချက်ဟိသော သက်တမ်းဧတောင်စည်းကို  
သပ်မှတ်ချက်ကင်းစွာချိုး  
တရက်တဖဝါး တနီမနားနန်း  
ရုပ်မကြွ နာမ်မသီခင်  
ပန်းတိုင်ဧခြံရင်းကို အောင်ပန်းတဆူနန်း  
ငါ့စိုက်သောပန်းခိုင်  
အဆင်းရနံ့တိ လှိုင်နီစီရဖို့။  
ဆောင်းဒု (ဝါဘို)

**မင်းသိင်္ခမဟာသုတ်အစဉ်အဆက်**

**ရောင်ပြန်သင်းနှလုံးသားငှ အလွမ်းတစ်စုံစာ**

အချိန်တိစွာတရွိရွိအတိတ်ကိုစားသုံး  
ပစ္စုပ္ပန်နှင့် အနာဂတ်ကြား  
ရိုးရိုးသားသားဝန်ခံစကားဟောင်းတခွန်းပြောမေ  
လွမ်းရေ . . . ။

အသစ်အသစ်တိက ဘဝကိုချိုး  
ခေါက်ရိုးကျိုးဘောင်ကွပ်အနားသပ်နုနု  
ငါလွမ်းမိစွာ အမှားပါကေ တောင်းပန်ပါရေဝေ။

အမွမ်းတင် အလှဆင်ဖို့  
အိပ်မက်မှားရေ နိရက်တိမာ  
နင်က ဖတ်လို့ကောင်းရေကဗျာတပုဒ်ပိုင်  
အကြိမ်ကြိမ် ခူးဆွတ်စားသုံးဖို့ စွမ်းပြတတ်သူ။

အသိဉာဏ် အဓိဋ္ဌာန်ရို့  
သံသယနုနု ခြုံလိမ်ကျစ်တိုင်းမာ  
နင်က မြူးကြွလှပအီးမြရေ သံစဉ်တေးပိုင်  
အကြိမ်ကြိမ် စီးမျိုးကခုန်ဖို့ ညှို့တတ်သူ။

ဒေအလွမ်းက  
စိတ်ပျက်ဖို့ကောင်းကေတောင်  
ဒေအလွမ်းက  
နှလုံးသည်းခြံကျွမ်းစီကေတောင် နားထောင်ပါဝေ။

ohv& ftwf

အရီးမပါ အရာမရောက်လို့ဆိုဆို  
နောက်တခေါက် မှတ်မိသလောက်ပြောလိုက်မေ  
ငါလေ  
နှင့်ကို  
လွမ်းနီရေ . . . IIII

ဆောင်းဒု (ဝါဘို့)

## မော်ဒန်ကဗျာအလှူအပူအဖွဲ့အစည်း

### စီးဝင်ခွင့်

---

ချစ်ရသူချေ  
ပိတုန်းရောင်ဆံစ ကေသာလှမာပန်ထိုးရေသင်  
တော်ဝင်နန်းထိုက် ရခိုင်သမစစ်သူချေ  
အကွန်မဆောင်တတ်လို့ အမှန်သရုပ်နန်း  
နှင့် ကို ချစ် တေ။

လှလွန်းရွှံစင် ကြွအသွင်မျက်နှာအို့  
နံ့သာသနပ်ခါး ကျနှိမ်းလို့  
ပန်းတပွင့်ပိုင် လှမိုးကြိုင်ချိန်မာ  
လီရိုင်းတခု ဟိုတစု ဒေတစုနန်း  
ငါရင်ကိုဦးထိုးစိုက်  
တိုက်ခိုက်မိပစ်လိုက်ဖို့ အားယူနီရေပိုင်။

တောက်လဲ့ခြင်း လင်းပန်းတိ  
ဖူးပွင့်တတ်တေ မျက်ဝန်းတစုံအောက်  
ညည့်ကြယ်တိ ဒူးထောက်  
အယှုံးပီး လက်မြင့်လို့  
အသနားခံဘဝတို့ ရောက်ရ။

ပန်းနုရောင်နှုတ်ခွမ်းတစုံက  
စီးယိုထွက်ကျ စကားစရို့  
အီးမြခြင်းဆမ်း အပြုံးပန်းတိရံထပ်  
အမှောင်ရုံအခန်းငှ မွန်းကျပ်ခြင်းအရပ်ကို

အလင်းရောင်နီနွီးတိ မွီးပီးနီယင့်ထော။

သိမ်မိခြင်းအားခွန်တိ  
စုစည်းထားရေ လက်ဝါးနှစ်ပြင်နန့်  
နှင့်နှလုံးသားတစွန်းလောက်ကို  
ချိတ်ဆွဲခွင့်ရချင်ယင့် ချစ်သူ  
ခြောက်သွေ့လောင်နီရေ ငါ့ဖက်ကမ္ဘာခြမ်းကို  
တသက်စာလှပခြင်းလက်ဆောင်ပီးဖို့လူ  
နှင့်တယောက်တည်းဆိုစွာ ပြုံးပြုံးချေယုံပါ။

ခွင့်ပြုပါ ချစ်သူချေဝေ  
ချစ်ခြင်းတိပိလို့ငါသီကေတောင်  
နှင့်ရင်အသည်းကြား နှလုံးသားအဝါရံမာကပ်နီရေ  
သွီးတစက်ရာဖြစ်ခွင့်ပီးပါ  
ချစ်သူ့နေ့ချစ်ခြင်းကိုဖက်  
သန့်စင်သော သွီးစက်တိအဖြစ်  
ငါ . . .  
နှင့်တကိုယ်လုံးနှံ့စပ်ယောင် စီးဝင်ခွင့်ရချင်မိလို့ပါ။ ။

ဆောင်းဒု (ဝါဘို့)

မောင်နှမများအလှူအတန်းအား



မနုဿတံဒုဒ္ဓတိယအတ္ထာမာ  
ရုတိအစိးမထားရေ အနုပညာနိ  
ဩကာသတောထကို ဆီးရယ်ထားရေ။

နောင်စိုး (Aryan)

မြောက်ဦး

၂၃၁ ဆိုစွာ ကိန်းဂဏန်းတခုရာလား  
December နှင်းရိုင်းတိကမြူးလို့ကခုန်ကေ  
ရင်ဘတ်ထဲမှာ ကိုလိုနီအနာဖီးတိ  
မြောက်လီထွာနန့် သွီးစိုထွက်တေ။

၁၁၄၆ ထဲမှာ သင်္ဃာတိမျိုးတုန်း  
ဝံလက်ငှက်တိပြုန်းချင်ချင်ဖြစ်လားရေ မြို့  
ဒေမြို့ထဲမှာ  
ဂေါင်းပိုင်း လက်ပိုင်း ဆင်းထုတော်တိပေါရေ  
စေတီပျက် ပုထိုးပျက်တိ လက်ညှိုးညွှန်တိုင်းမာပျက်စီးနီယင့်  
ရွှီဘုရား ငွီဘုရား မြဘုရား  
\_\_\_\_\_ ဘုရား  
\_\_\_\_\_ ဘုရား  
ဘုရား ဆင်းထုတော်တိ  
ကိုလိုနီမုဆိုးရို့လက်ထဲမှာ ဒေါ်လာပင်တိဖြစ်လားလီခ။

သင်္ဃာပန်းခိုင်တမြိုင်မြိုင်လို့ နှုတ်ကီးဖွင့်မိကေ  
ခြံနွယ်ထဲက ခြံပိုင်း လက်ပိုင်း ဆင်းထုတော်တိ  
ညှင်ညှင်ချေပြုံးပြနီကတ်တေ  
ဒေမြို့ကိုလေ  
ကဗျာဆရာတရီး မသိ  
ကဗျာဆရာမောင်ချောနွယ် မလွမ်းရေ  
ကဗျာဆရာ မောင်ခိုင်အောင်ဒု အသည်းနှလုံးမြို့။



## မင်္ဂလာကျမ်းအလေးအနက်အားဖြင့်

မဇ္ဈိမသားရို့ မြောက်ဦးဒေမြို့အတွက်  
ပုဂံဂြိုဟ်သားတိလက်ထဲမာ ၂၁ ရာစု အာရက္ခဝိဇ္ဇာဦးတိ  
ကျောက်ဖြစ်ရုပ်ကြွင်း ဇာလောက်ဖြစ်ပီးကတ်ရဖို့သိလေး  
ငါရင်လီးလိုက်တေ မြောက်ဦး  
ငါရင်လီးလိုက်တေ။ ။

နောင်ရိုး (Aryan)

ဘဝစာမျက်နှာ နှစ်ဆယ်နှစ်သုံး

ဘဝစွာ အဘာနန့်အမင်ပါးကစရေ  
မိသားစုဒေသကို  
အကျွန်လက်ရိုးမူတိနန့်ဘာသာပြန်ကြည့်ချင်ရေ။

December တရက်စာကိုလက်ဆောင်ပီးဖို့  
မိသားစုမဟိရေဒေသမာ မီးစာကုန်ယောင်ထွန်းညှိယင်း  
အလင်းအားခမ်းပျော့လှာရေအချိန်  
သဠီးမအောဖ်ဖိထဲက သုံးပြီးသား Tissue တစစွာ  
အကျွန်ဖြစ်တေ။

အမင်အိမ်ကပီးလိုက်တေခါ ဒေစာအုပ်စွာဖြူဖြူသန့်သန့်ချေပါ  
ခြစ်ထွင်းရာများကြား မှတ်ကျောက်တင်အစမ်းသပ်ခံယင်း  
အကျွန်လိုအပ်ချက်တိ အကျွန်ကိုမလိုအပ်တေခါ  
နီယွန်မီးရောင်တိအောက် ပေါင်မုန့်ပိုင်းတပိုင်းဖြစ်ခ  
စာမျက်နှာနှစ်ဆယ်နှစ်သုံး လမ်းထိပ်စွာ  
ကြက်ခြံမှင်နီအပြည့်ဖြစ်လားရပါပျာ။

ယင်းပိုင်နန့်  
စစ်တွေ အ ထ က (၇) စွာ သမီးရည်းစားမဖြစ်ပေး  
မိဖချင်းသဘောတူထားသော မယားလောင်းနန့်တူလှာရေ  
အနုပညာမဆန်ရေ မင်းခန္ဓာ  
ချွေးနို့တဆီသျှသင်းစွာနန့် အိမ်ပြန်လှာချင်နီပျာလားလို့  
ဖုန်းထဲက အဘာ ရွတ်ဖတ်သံ

**ဖော်ပြချက်များအားဖြင့်**

နို့ မိုး ဆောင်း သုံးရာသီစွာ  
အဘာနောက်ကုန်းမာ Tag တွဲနီကျသားကြီး  
အဘာ စကားအဆုံးမာ ကုလတန်မြစ်ရီ  
အကျွန်ုပ်ပါးပြင်ကိုဖြတ်စီးလားရေ။

ခြုံသလုံးအိမ်တိုင်သမားတယောက်အတွက်  
အိမ်ညင်ဆာစိတ်တိစွာ  
စိုးအကောင်းဆုံးနာမ်တံဆိပ်တခုလားမသိ  
နီသောက်လို့ နှင်းပျောက်တေအချိန်  
အကျွန်ုပ်လရောင်နုနုချေတီ  
မိသားစုအရိပ်ကိုခြုံဖျားထောက်ကြည့်မိယင့်။

၁၉၉၃ မာ အကျွန်နုအမင်စွာ သီမင်းစားသွားတလက်ကို  
မေတ္တာစိတ်နုနုအနိုင်တိုက်  
၅၂၈ မေတ္တာစွာ ပုဆိုးတထည်ထက်နွီးထွီးစီရေ  
ကျောက်စမ်းရီထက် အီးမြစ်စီရေ  
ဟုတ်ပါယင့်  
ဒေခိုစွာ အကျွန်ကိုမနုဿဘုံထဲမာ ဥဒါန်းဖွဲ့ခရေရက်ပါယေ  
ယိုင်းရွှံ့ပီးခရေ ကရုဏာလက်တစုံ  
ဖြူသန့်ရေနှို့ရည်စက်တိတန်ဖိုးကို  
အကျွန်ဘယ်ဖက်ရင်အုံမာ  
လရောင်ဆမ်းရက်တိနုနုစီကုံးထားပါရေ။

နောင်ရိုး (Aryan)  
၂၃ နှစ်ပြည့်မိုးနိကဗျာ

နင်

အိမ်ပြန်ချိန်တိ မီးနီအပြခံရရေနိ  
ပထံဋ္ဌာနီ အခန်းကျဉ်းချေမာ နင့်ကိုစတိုရေ  
အယားအယံမပြယ်သော အိမ်ဆာညင်စိတ်တိကို  
နင့်ပါးမာ ငါရင်ဖွင့်ပြဖူး။

နင်စွာ လူမျိုးဘာသာမရွီး သုံးဆောင်နှိုင်းရေ ဟင်းတမျိုး  
နင်စွာ သင်တခက်လေ့မဟုတ်  
နင့်မာ မြောက်ဦးဝေဒနာကိုခံစားဖို့ ရင်ဘတ်တစုံပါရေ  
မျက်ရည်နုနုများပြထားရေလူတိကြားက  
ဘူးသီးတောင် မောင်တောကိုလေ့ နင်ချစ်တတ်တေ။

နင်နုနုမခင်မင်မိဖို့ ငါ့ကိုဗုဒ္ဓကတားမြစ်  
နင့်အကြောင်းနုနုငါ့မာ ချစ်သူကိုချော့ရစွာအခါခါ  
နင့်ကို အဘာအမင်ကလေ့သော့မကြိုက်ချင်  
ယကေလေ့  
ငါ့အရီပြားထက်မာ  
နင့်ကိုချိန်ကိုက်ပုံးတလုံးပိုင် ဖောက်ခွဲနီမိရေ။

**မင်္ဂလာပျဉ်းလှပညာလင်္ကာ**

နင့်ကို လူအချို့က အပျင်းပြယ်ချစ်တေ  
နင့်ကို လူအချို့က ဘဝနန်းရင်းရေ  
နင့်ကို လူအချို့က ဝမ်းစာလုပ်တေ။

ငါ့မာတော့ကေ နင့်ကိုအသက်ယူတိုင်း ဘာသာပြန်ကြည့်ရေ  
ဂေလေ  
ဘောဂဗေဒ သမားတိကြားမာ  
နင့်ကိုယ်သင်းရနံ့တိနန့်  
ငါ့ဘဝမိုးတတ်နီပျာဝေ။ ။

နောင်ရိုး (Aryan)

ဒုက္ခအန်ဖတ်တိထဲက မိသားစုဒေသအကြောင်း

စစ်တွေမြို့ထဲ လမ်းထွက်လျှောက်ကေ  
နှမသျှမာ ကုတ္တိယအိန္ဒြေကို  
လက်နန်းနှောင်းနှောင်းကိုင်ထား  
ရောင်စုံမြို့ပြစွာ မိတရာသားတိပေါလို့။

ပုဏ္ဏားကျွန်း အနောက်ဝင်ရိုးစွန်းမာ  
အိုးကဖြစ်တေ ထမင်းစွာ  
အဘာ အမင်ရို့ခွေးစက်ဖြူတိပါ နှမသျှ  
တက္ကသိုလ်ရိပ်အောက်မာ ပညာငတ်မွတ်နီရေ မိသားစုအတွက်  
ပန်းတိုင်ကို အရောက်လား  
ပန်းကျောင်းသားလွယ်အိတ်ကို နောက်ပိုးမကျကေ  
စိန်နန်းဖလို့မရရေ မိမဂုဏ်သိက္ခာတိပဲ့ကြွီလားဖို့။

ဖုန်းအလှပချေတလုံးဝယ်ပီးပလင့် မောင်ကြီး,လတ်  
ယုံကြည်မှုတိခြံစုံရပ်လို့ဝင်လာရေ ဖုန်းသံ  
လကုန်ဖို့ခါ သဠိးမဖေသာအိတ်ကို(ustm)ပစ်လို့  
ဘတ်(စ်)ကားဆန်နီရေ ခေတ်ထဲ  
နှာခေါင်းတစုံတောင် အောက်ဆီဂျင်ဝဖို့ရုန်းကန်ရစွာမလွယ်  
နှမသျှ။

## မင်းသိင်္ခမဟာသုတ်လင်္ကာ

လူသားတိုင်းစွာ  
လရောင်အောက်မာပန်းကောက်ချင်ရေလူတိဂျည်းပျာဝေ  
အလင်းပါးရေ မိသားစုထဲ  
ကံကောင်းခြင်းတိပါမလှာရလို့  
ဇာပေဒင်ဆရာဟောပြောနိုင်ဖို့လို့လေး  
ကံကြမ္မာရထားထက် ရိုးသားခြင်းကိုရာလက်ကိုင်ထား  
လောကဓံက ဘဝကိုကောင်းယောင်သင်ပေးလိမေ။

ဇရာဖြတ်လျှောက်လားရေ အဘာနန်းအမင်မျက်နှာထက်  
မြို့ကွက်ကွဲရာတိ အကြောင်းကြောင်းနီရာယူလို့  
လောကကိုခါးစောင်းသတ် စိန်မခေါ်ဝံ့ပါပျာ  
နှမ်းနှမ်းချေအပြုံးတိက ငါ့ကိုဆောင်းဦးပေါက်ကြိုလို့  
အိမ်ပြန်ရာသီဆောက်ချင်စိတ်နန့်  
ငရဲဘုံဒုနယ်နိမိတ်တနီရာမာ  
ဆားပေါက်နီရေနာရီထဲက  
မိုးသောက်ခါတရက်ကိုအကိုင်းဆက်စိုက်ပျိုးနီစွာ  
စိုးအနည်းဆုံးခြံထောက်တစုံတောင် အကျွန်မဝယ်နိုင်ပါသိး။

နောင်ရိုး (Aryan)

ပစ္စက္ခမုၼ်းပျီၼ်ကြားက  
အနာဟောင်းကိုဓာက်မုၼ်းနီၼ်ပံၼ်ကြည့်ခြင်း

အဖြူအစိမ်းဥယျာဉ်ထဲ အမင်မုၼ်းဖိုးနီၼ်စုထားရေ  
ထီးပြာပြာတဆောင်ဝယ်ပီးဖူးသူကိုလွမ်းရေ  
၂၀၀၈-၂၀၀၉ ကိုပြန်ဖွင့်ဖတ်လို့ရကေ  
အ ထ က ပုဏ္ဏားကျွန်းကို ငါ့နောက်ပိုးအိတ်ထဲမာ  
ခေါက်ထည့်ထားချင်ရေ။

ငါစွာ ငတုံး ငအ ကျွန်းသားငမန်းတကောင်  
နင်နုၼ်ထိုက်တန်ရေလူ ရခိုင်ပြည်မာၼ်ကြည့်လိုက်ကေ  
ဘယ်လက်တဖက်မပြည့်လတ်  
မုၼ်းလုံးစိမ်းတိနုၼ်ပွဲတော်တည်ထားရေ  
နင့်အသိုင်းဝိုင်းကြားက အရဲစွန့်ချစ်ခရေအတွက်  
ငါနင့်ကိုကျေးဇူးတင်ပါရေ မြတ်နွယ်။

နှင်းမကျရေဆောင်းမာတောင်  
ငါရို့ဆည်းဆာရောင်ချေတိသန်းခကတ်တေနှုန်း  
ကိုးတန်းစီအခန်းထဲမာ  
ငါ့အတွက် ကွန်ထရိုးတလုံးစွာ နင်ဖြစ်ခရေ  
ဖမ်းဆုတ်ခွင့်မရလိုက်တေ နက်ဖြန်ခါစွာ  
အပယ်ခံဖြတ်ပိုင်းပုံနုၼ်ရောလို့။

နင့်ဖြစ်တည်မှု Titanic သဘော  
ငါ့ဖြစ်တည်မှု ထီးကြောင်းပွင့်နီရေ ခနစ်ချပ်စပ်လောင်း။



**မော်ဒန်ကဗျာအလှူအပူအပန်းဖြူ**

ရင်နှံ့ကြိုကွဲချင်ချင် နင့်ကိုငါချစ်ခရေ မြတ်နွယ်  
တန်ဖိုးမဲ့နှလုံးသားဝတ်ရုံမလုံချဲ့ရေငါ့အတွက်  
ပကာသနနန့် နင့်အသိုင်းဝိုင်းကြား  
ငါ့ပင့်သက်တိ ပန်းပိုင်မပွင့်နိုင်  
နင့်နှုတ်ခွမ်းနှစ်လွှာရေ ငါကူးခတ်ဖို့ချောင်းချေတစီးမဖြစ်ခ။

ငါမဟုတ်တေ အခြားတယောက်ရင်ခန်းမာ  
မင်္ဂလာဦးညဇာကို နင်ဇာပိုင်တည်ခင်းလီဖို့လေး  
ပက္ခဒိန်သုံးခုစာကို Latlumkaeo မြို့ထဲမာ  
ဂေါင်းအုံးအောက်ထည့်ပြီးနာ ငါစဉ်းစားနီမိယင်း  
တပ်စားမထိုးနိုင်သိရေ အမင်္ဂလက်ရာအလွမ်းတပုံကိုထမ်းလို့  
၂၀၁၅ က ငါအိမ်အပြန်  
နောင်ရိုး နင်အယင်အတိုင်းရာသီနှုန်း  
ငါရို့မြို့ကို နင်စိမ်းလားပျာဟမ် လတ်  
မိုးရွာပြီးခါစ နီရောင်နုချေပိုင်မျက်နှာထားနန့် နင်မီးဝံ့ရေ။

ဆီးမဟိလို့ပတ်တီးမဖြီဖြစ်သိရေ ဘယ်ဖက်ရင်အုံကအနာနန့်  
နင့်အပြုံးတိရောလို့ ဆည်းဆာရောင်သန်းနီရေ ဒေမြို့ချေကို  
ငါအခြံအနီရခကေ ပြန်လတ်ပါမေ မြတ်နွယ်။

နောင်ရိုး (Aryan)

၀၈၅၆ ၆၃၅၆



တောကီထုံထုံ  
ထဝအပေါက်စာမျက်နှာထိကို ကဗျာနန်ဖာထီးရို့  
ထံကြည်ရာကို ထဝနန်ရင်းထားရေရော။

မျိုးလတ်ဆင့် (နဂါးဖောက်)

## မင်းသိင်္ခာမဟာသုတ်အစဉ်

### ပန်းကြွ

အောက်သားပြည်ကိုခြံမချခင် ဗမာလီသံတိကြွလှာရေ  
ရီပေါ်ကျောက်ခဲချေတိ သနားဖို့ကောင်းလိုက်တေပင်။

မိစ္ဆာနန္ဒဖောက်ပြန်နီရေ လရောင်အသိုးတိကိုစားသုံးယင်း  
အတုယောင်ဆောင်ပုဒ်တိအောက်မာ  
ဘဝအမှန်မျိုးအမှန်တိ နှစ်မြုတ်နီစွာသိယင့်နန်း  
နန်းရင်ပြင်ကအုတ်ခဲကျိုးချေတိကိုမကြည့်ပေး  
ပုဂံရာဇဝင်ကိုလွမ်းနီရဖို့ဆိုကေ December  
ရင်ကျွမ်းရာဇဝင်တိ  
မဖတ်ဖြစ်တေ အဘိဓာန်ကြားမာ  
အဇူအဇာသွီးစက်ရို့ဘဲဆီ ခွာဆီ မပြန်ပေးနန်း  
ရာဇဝင်ထဲမာ အခြောက်ခံနီလီရဖို့ကားဝေ။

မအိပ်ပေးမယောင်နီကေ  
ဗမာစကားချိုယောင်ထင်နီလီကေ  
ကမ္ဘာယွားအနွယ်တော်ဝင်ရို့ "ဘုရား" ထူးသံကား  
စနစ်ပြန်လို့ ခေတ်မဟန်ကေ ဇာပါးစမာ  
ရသမြောက်ခီကတ်ဖို့လေး။

ယင်းပိုင်နန်း  
အသိတရားကိုတကျာဖုံးလို့  
၂၁ရာစုမော်ဒန်ခေတ်ရီစီးကိုစီးဝင်ယင်း  
သုခုမခြင်ပရိုးတိ ကိုရိုးယားပြည်မာ ဇိမ်ကျနီလီကတ်တေ။

ချက်ဖော် ပေါင်ပြဲ ဒူးကွဲ မော်ဒန် ကြည့်မဟန်ရေ  
ခြင်္သေ့ဖင်ကလောက်ကောင် စတိုင်လ်တီနန်  
မာန်တက်ဘဝင် လီဟပ်ဆင်နီသီးရေ  
နင်ရို့အလှကို အမြင်မကောင်းလို့  
ရင်ညောင်းခံပျာကြည့်နီစွာကို ဇာနစ်ထပ်ကျားကတ်ဖို့သိလေး  
ရင်လီးလိုက်တေဝေ။

ကြီးစိုးဝါဒီ ပရိယာယ်သား လူမျိုးခြားအောက်မာ  
သိက္ခာတရားကို ရိက္ခာနန်ဖလို့ တချက်ချေအပျော်ကြံစွာကို  
တသက်တာထင်ပျာအယုံလွယ်နီကေ  
ပုလဲဆုံးဖို့ ဇာနစ်မည်လေ့ မထည့်ကေတောင်  
အမင်မိုးစွာဝမ်းရီဆာယင့် ပန်းကြို့။

နင်ရို့ရောက်နီရေကမ္ဘာက ပဉ္စလက်ပညာသျှင်ဆိုစွာ  
မြိခွီးချောင်းချိန်ခါ နွားအူပါလားရေ  
အရိုးသားဆုံး ဒေအကောင်တိအတွက်  
အသားနီကို အက်မိစွာထက် အခံရခက်တေ။

မာယာရည်ဆမ်း ပျားရည်ဖြန်းပျာ  
ယုံကြည်ယောင်ပြော နှုတ်ကျိုးနီမှတော့ကေ  
အရိုးမြိကျထိ အစမ်းသပ်ခံလိုက်ဖိ  
ဒေကမ္ဘာမာ နင်ရို့ကိုချစ်တေလူ ဘောလုံးတသင်းစာရကေ  
ရက်ပြတ်ပျော်ပါလီ ပန်းကြို့။

အာဏာမပါပေး တခါတည်းပြောလိုက်မေ  
လီပြင်းသတ်လို့ အခက်မကျိုးကေလေ့

**မင်္ဂလာကျောင်းအဖွဲ့အစည်း**

ရွက်နုချေတိ ညှိုးလားတတ်ပါရေ  
ဂြိုဟ်အထွက်မာရာ မင်းမျက်ရည်မကြွမိပါစီကေ  
ဆုတောင်းပီးလိုက်ပါမေဝေ။

(အောက်ပြည်ရောက်ရခိုင်သူမချေတချို့ပါးတို့)

မျိုးလက်ဆင့်(နဂါးမောက်)

ယံးနိမ့်သူ သုညလွင်ပြင်ထဲရွှင်ခြင်း

---

အပျော်အပျက် နှုတ်ခွမ်းဖျားက  
ရီမယိုယောင်ပြောနှိုင်းမှတော့ကေ  
ယင်းမာယာအတက်အကျမာ  
ငါ့ဘဝတခုလုံးကိုသွန်မှောက်ထားလိုက်မေဖိ။

မေတ္တာငတ်တေ ငါ့ဘဝကို  
သမုဒ္ဒယစိုးဆိုင်မာ ကိုးရာခနစ်ဆယ်နှစ်ကျပ်နန့်  
ရောင်းကုန်အဖြစ်သွင်းထားလိုက်တေ  
ဝယ်သူမဟိရေအပြင်  
ငါ့ကိုယ်မာရာ မသန့်စင်ခြင်းတိရာတပုံတထွီးနန့်။

လမ်းမထက်က ကားဟွန်းတီးသံတိ  
လမ်းတဖက်ခြမ်းက ကာရာအိုကေသာခြင်းသံတိ  
ဘေးနားအရက်ဆိုင်ထဲက ဆူညံသံတိ  
အသံတိ . . .  
အသံတိ . . . .  
အသံတိ . . . . .  
ငါ့နားတစုံမာ ဂိလာနသဘင်ကျင်းပလို့။

**ဖော်ပြချက်များအကျဉ်းချုပ်**

ပုံထည်ပျက် မြီအိုးလုပ်ငန်းက အိုးစလင်းခွဲပိုင်  
ခေတ်ကြီးက စိုးကွက်မဝင်  
လမ်းဘေးက "အလုပ်သမားအလိုဟိရေ" စာတန်းတိပုပ်သိုးလို့  
ခေတ်ကာလနဲ့တတန်းတည်းမထိုင်နိုင်ခါ  
ဖေသာစက္ကူတိမာနပြပွဲမာ ငါအရင်းမရယောင် ယှုံးခပူးရေ။

အားလုံးရေ  
ဂန္ထဝင်မြောက် အောင်မြင်မှုမျိုးကိုလိုချင်ရေပါ  
ယကေလေ့သော  
နာမ်အစာကျွေးမှုကတော့ကေ  
ဘဝမာ အသပြာမကြွယ်ဝချင်နီလီ  
ကဗျာအိမ်မာရာစံချင်ရေအကောင်။

လမ်းဘေးကအညွှက်ပုံးပိုင် ခေတ်ကြီးကလူရာမဝင်  
အနုပညာရေ ကွမ်းတံထိုးခွက်ထဲမာ ပက်လက်လန်လို့  
ကဗျာဆရာဆိုစွာအရူးလို့ လူတိပြောကတ်ပတ်စီ  
သူရို့တိကိုပြန်ပြောဖို့  
အရူးအိပ်ခန်းထဲမာ စကားလုံးဆီကေစုထားပျာ။ ။

မျိုးလက်ဆင့် (နဂါးမောက်)

ဒုက္ခဆိုင်ရာအခင်းအကျင်းထဲက လူ

အသိုက်မြုံ့ကို နောက်ပြန်ထားပျာတာထွက်တေန်  
စည်းဝါးရွတ်တေမြို့ပြထဲ ငါ့ကိုယ် ငါ ချော့သိပ်လို့  
ဒုက္ခတိနန်မိတ်ဆုံစားရေညည့် အဘာဒုဩဝါဒစကားသံတိစွာ  
အကျွန်ကို လှုပ်နှိုးပလိုက်တေပိုင်  
အဝီးရောက်သား အဘာကိုလွမ်းရေ။

နီမင်းကြီး အဘာ  
လောကီဘုံက ဒုက္ခအဆိပ်ခွက်ထဲမှာ  
မကျမ္မာခြင်းတိလူးနီရေသူ့ကိုယ်သူ့မသန်စင်ပေးနန်  
ကြယ်စင်ချေတိနီဖို့အိမ်ကိုဆောက်ပီးခရေအဘာ  
ငါ သားသွီးတိပါးမာ တာဝန်မကျီခလို့  
ငါ့သားအဝီးကိုရောက်ရရေ လတ်  
ဖုန်းထဲကပြောလိုက်တေစကားဒုနောက်မာ  
အဘာမျက်ရည်တိ ဝါဆိုလမိုးဆန်နီလီဖို့ထင်ရေ။

သူ့ကိုအဆင်မပြီမှုတိ သရော်နီကေလေ့  
သုံးရာသီကံကြမ္မာလီဆိုးတိကို ဒါသီကျလိုမှပနာဒိုင်ခံယင်း  
သားသွီးရတနာတိအတွက် သုခကိုထိုးကျွေးခရေအဘာစွာ  
ကိုယ်တယောက်တည်းပိုင်စရာကို ဝယ်မစား  
တမိသားစု ဟင်းတနပ်စာကိုရာဝယ်စားဖို့လတ်  
ရက်စက်စွာတာဝန်ကျီလိုက်တေ အဘာ။  
coffee mexအကိုသူ့မသိ  
London ဆီးလိပ်အဖြူကိုသူ့မမြင်ဖူး



**မင်းသိင်္ခမဟာသုတ်လေးပါး**

ဟန်ဘာကာ မြို့အစာကောင်းရို့ကိုသူမစားဖူး  
သံထောင်လဖက်ရည်ကျကျနန့် ကြံသကာတခဲစွာ  
အဘာအတွက် အာဟာရဖြစ်စီရေ လတ်။

ကျေးဇူးကြီးလိုက်တေ အဘာ  
အကျွန်တခါပြုံးတိုင်း အဘာရင်းနီးမြှုပ်နှံမှုတိ  
ကုဋေကုဋ္ဌာပါလီမှန်း အကျွန်ကောင်းကောင်းသိလိုက်ပါယဉ်  
အဘာ။

ရာသီတိကြား အဘာ အရွယ်ဇရာထောင်းလှာကေလေ့  
သကြင်တိပြိုကျနီရေ အိမ်အိုချေထဲက  
အဘာအပြုံးစွာ တလကွမလေ့  
ဝီးလို့ ပိုသတိရရေ  
ဝီးလို့ ပိုလွမ်းရေ  
ဝီးလို့ ပိုချစ်တေ  
ဝီးပြီးမှ အဘာအပြုံးကိုမြင်ယောင်မိတိုင်း  
အချေခါပိုင် အနားကိုကပ်ပျာပြန်နီချင်သိရေဒေသားဆိုးကို  
ကျေးဇူးပြုလို့ ခြင်းရွတ်ပါ။

ဂေုဆိုကေ  
အဘာအရွယ်ဇရာထောင်းလှာလို့  
အရှိ အနောက် တောင် မြောက် ခွဲခြားရခက်တေကြားက  
အကျွန်အိမ်ပြန်လတ်ဖို့လမ်းကိုထိုင်စောင့်ယင်း  
ရက်ရာဇာနန့် လီအထွက်အဝင်တိုင်းကစပ်လို့ မျှော်တုန်း။ ။

မျိုးလက်ဆင့် (နဂါးမောက်)

ငါးရာနှစ်ဆယ့်သျှစ် ခြပ်ရိုး

---

လေးနှစ်ကျော်ရွှင့်ပြာသတ်ခရီးက RM.30 bi နန့်  
အသာချေ ဖြီကြည့်လိုက်တေ။

ဝမ်းရိုးကာလကြမ်းတမ်းရေခါ  
ကျမ္မာမှုကို သင်္ခါရတရားပါးမာကီးညွတ်လို့  
မိသားစုတဝမ်းတခါးအတွက်  
ဒုက္ခမုန်တိုင်း သောကမုန်တိုင်းတိကို  
ရင်ကော့ခံနီရေ အဘာဇုအသက်ယှသံတိစွာ  
အကျွန်ရင်ဘတ်က နှလုံးခုန်သံကို လာပြီးနာသတင်းမီးနီရေ။

**မင်းသိင်္ခမဟာသုတ်အစဉ်**

သားသမီးတိဂ္ဂိမာ ဟန်မပျက်  
တမိသားစုအစာအိမ်အတွက် တရက်စာဖုံဖုံလုံမဟိကေလေ  
စားဖိုရင်းက အသက်ဆက်အိုးကြီးကိုထိန်းထားရေ  
အမင့်အပြုံးစွာ အကျွန်ုပ်အသက်ရှုနှုန်းကို  
သုံးမိနစ်လောက်ရပ်တန့်လားစီရေ။

နှမချေခမျာ  
သိက္ခာမဟိရေဇ္ဇိစက္ကုတိကြောင့်  
ကျောင်းပျော်ဘဝကို မိသားစုဝမ်းရိုးမာမြှုပ်နှံလို့  
အပျိုတက်စအရွယ်မာ  
နားဇွောင်းတရံဝတ်ချင်ရေလို့မပြောဝံ့ရေ သူ့ရုပ်ဟန်စွာ  
ငါ့ရင်ဘတ်က ငါးရာနှစ်ဆယ့်သျှစ်ခြုပ်ရိုးမာ  
အနာစိမ်းအဖြစ် တည်နီရေ။

အပူပင်ကင်းရေ ညီချေနှစ်ယောက်က  
ဒေနှစ်ဆယ်တန်းကို ဘော်ဒါဆောင်မာသင်ချင်ရေလတ်  
အဘာပါးမာပြောနီရေသူရို့စကားသံတိက  
မိခင်ဘာသာစကားနုနုဆိုထားရေ မိုနိုရီယိုသာခြင်းတပုဒ်ပိုင်  
အကျွန်ုပ်နားတစုံကို ဖမ်းစားထားနှိုင်းရေ။

လူ့ဘဝအကြောင်းတဖွဲချေလေ့မမြင်ဖူးသိရေ နှမထွီးချေက  
သူ့ဘဝကို သူ့အလိုကျဆင်နွဲ့ယင်း  
မောင်ကြီး မောင်လတ်ရို့နှိုင်းငံခြားကပြန်လွှာကတ်တေခါ  
မုန့်အများကြီးဝယ်လတ်ဖို့ဆိုရေစိတ်ကူးနုနု  
အကျွန်ုပ်ရို့အိမ်ပြန်လမ်းကို မျှော်နီရေသူ့ရုပ်ပုံစွာ

တနီထမင်းနှစ်ထပ်စားရရေန်စွဲတိမာ  
သစ္စာတရားဇုကြေးမုံမှန်တချပ်ဖြစ်တေ။

ယင်းပိုင်နန်  
ပြည်ပကျွန်ဘဝကို အလိုမတူပေါင်းဖက်ထားယင်း  
ညီချေပါးက ဝါးခနဲဖုန်းဝင်ပါလတ်တေ  
ကိုကြီး  
ငါရို့ညီအစ်ကိုနှစ်ယောက်  
မိသားစုနွီးထွီးမှုတန်းခါးကိုဖွင့်ပီးနှိုင်ဖို့လိုရေ  
ကိုကြီး အရက်ဆီကေလျှော့သောက်ဆိုလိုက်တေ ညီချေက  
အကျွန်ဘဝ လှိုကားထစ် ၂၄ ထစ်မာ  
ပက္ခဒိန်တရွက်နန် နာရီတလုံးကို လက်ဆောင်ပီးထားခရေ။

ယင်းနိမာ မိသားစုအတွက်  
ဒုက္ခကင်းရေန်ရက်တိကို လက်ဆောင်ပြန်ပီးချင်ရေစိတ်နန်  
ဘဝမာမှတ်မှတ်ရရ အကျွန်အားရပါးရ ငိုခယူးရေ။ ။

(၂၄.၈.၂၀၁၆ နှစ်ဆယ့်လေးနှစ်ပြည့်မိုးနိကဗျာ)

မျိုးလက်ဆင့် (နဂါးမောက်)

**မင်္ဂလာပျဉ်းလှပညာလှိုင်း**

**သုညတလုံးငွေ လွမ်းတေး**

ယဉ်ကျေးမှုမဟိရေ ရပ်ဝန်းတခုမှာ  
အကိုစွာ ဒေသအလိုက်ရောဂါအထိုးထိုးထပ်  
ဝေဒနာကိုကုစားဖို့ ယမကာနန်မိတ်ဆက်လိုက်တေနီ  
သတင်းရီသောက်ပိုင် ပြယ်ပျောက်လားဖို့စွာသိခကေလေ့  
ဘဝငွေဇာတ်ဝင်ခန်းတိက  
အလွမ်းကိုရာအားဆီးတိုက်နီကတ်တေ ချစ်သူ။

ကံကြမ္မာသော့ချက်နန့်  
လှိုင်းဆန်လီဆန်ရေ လောကဓံတန်းခါးကိုဖွင့်ဖို့ကြိုးစားယင်း  
ဘဝသမုဒ်ပြင်မာ မင်းမျက်နှာကို ကြယ်တရာနန့်အမှီပြုကေ  
ငါ့သံသရာစွာရှည်ဖို့ထင်ရေ။

အကိုလေ့သော ကောင်းကောင်းအောင်မိရေပျါ  
အချိန်တိုကိုအလွမ်းနန့်မိတ်ဖွဲ့  
ယုံကြည်ရာကို ဘဝနန့်ရင်းထားလို့  
အိမ်ပြန်မရောက်နှိုင်သိရေအကိုက  
လောဘသားကောင် ပီပြင်နီရေလို့ မင်းထင်နီလီဖို့လား။

အကိုယ်လေ ဘဝကိုမင်းအပြုံးနန့်ပုံနှိပ်လို့  
အိပ်မက်အလွန်ခရီးက မင်းကိုလွမ်းရေ  
လွမ်းရေ . . .  
. . . . .  
လွမ်းရေဆိုစွာထက် သာလို့လွမ်းရေ

ohvꩻ ftꩻf

ယင်းအလွမ်းတိကိုနှင့်ထုတ်ဖို့  
အကိုယ့်မာ ဝိစကီတလုံးနန်းကဗျာတပုဒ်ရာ ဟိလီရေ။

ယင်းပိုင်နန်း  
happy Nee Years လက်ဆောင်တိများလှာလီ  
မင်းမျက်နှာစွာ ကုဋေကုဋာတန်ဖိုးဟိလှာလီ  
တရက်တမျိုးအလှတိုးလို့  
မင်းဘဝကိုမသိမ်းကျုံးခွင့်တိစွာ  
ခိုင်လုံရေအကြောင်းပြချက်ဖြစ်လှာရေ ချစ်သူ။

ယကေလေ့  
မကြာပျာဆိုရေအချိန်တခုမာ  
ပြည်ပကျွန်ဘဝကိုအသိသတ်  
ရိုးမမြီမာမင်းနန်းတူအရိုးဆွီးခံဖို့  
မျှော်လင့်ခြင်းတပုံနန်း ပြန်လတ်ပါမေဝေ။ ။

မျိုးလက်ဆင့်(နဂါးမောက်)

# မင်္ဂလာကျောင်းသားအဖွဲ့



ကျွန်ုပ်တို့သည် ကျွန်ုပ်တို့  
အဖွဲ့အစည်းကို ကျွန်ုပ်တို့  
ထိုက်ထိုက်ခွဲခွဲစေကာ  
ဆွဲဆွဲချွတ်ချွတ်ကိုင်ဆောင်ပါမိမိအဖွဲ့

ပြန်ဆွဲပါ ( မှတ်တမ်း )

PhotoGrid

### မျက်ရည်ကြားက ဝန်ခံချက်

---

အတ္တများရေ စကားပိုင်း  
မိဒိယာလေ့မပါ လီပင်ကာလေ့မပါ  
ငါမှန်ရေ နင်မှားရေ  
နင်မှားရေ ငါမှန်ရေ  
စကားလုံးလှတိနန့် ထိုးနှက်  
အဘိဓာန်တောင် မျက်နှာငယ်ရ  
တခေါက်တရီ သီချင်စိုနံလားရေ  
တခေါက်တရီ ဂေါင်းအုံးတိစွတ်လားရေ။

ဇာတ်ဟိန်ကမြင့်လာလီ အဖြေမှန်စွာ ဇာမှန်းမသိ  
ဖုတ်ဆိုးမီးပိုင် တမိမိနန့် ရင်ထဲမာကျမ်း။

ဟူ . . .  
သက်ပြင်းတိ ရွီလို့မရ  
လေ့က ခံစားဖူးလို့ အခါကို ချစ်တတ်လားပျာ  
နင်ရာချိုပါလီ။



**မင်္ဂလာကျောင်းအဖွဲ့အစည်း**

တမံချင်း တမံချင်းနန်း  
အခါးကို မကြိုက်ကေလေ  
(ခံစားမှုသပ်သပ်နန်း )  
အရက်ကို သောက်နီရေပိုင်  
နင့်ကိုမုန်းဖို့ကြိုးစားလီ  
နှလုံးသား ရှင်သန်ရိုးအတွက်ဆိုလား  
ဆက်လို့ ချစ်လားလီပျာကားယေ။

ဇာပင်ဖြစ်ဖြစ် ပွဲကျီခါတော့ကေ  
ငါမှားစွာရာဝေး အားလုံးအတွက် ငါမှားစွာရာ။

ငြိမ်လှိုင်း (နတ်ကျွန်း)

သင်္ကြန် ခိုင်ယာရီ

---

ဒဏ်ရာတထွီးနန်  
မိုင်တိုင်တိကိုဖြတ်  
အားကြီးမာန်တက် ညှစ်ထုတ်ထားရေ  
သင်္ကြန်ရီက ရင်ဘတ်ကို မအီးမြစီပါ။

ခါးသီးမှုတိအနံ့စို့နီရေစိတ်ကို  
ချိုစိဖို့လား မြည်းကြည့်ရေခါ  
ကုလတန်မြစ်ရီကပြောလိုက်ယင့်  
ငါလေ့အချို့တပိုင်း အငန်တပိုင်းရာအဆို့ လတ်။

ဝမ်းကြင့်နာနန်တွားနီရေ  
မြို့ရိုးခံတပ်ကလေ့ အားပီးစကားပြောလိုက်တေ  
ဒဏ်ရာပျောက်ဖို့ အချိန်တခုနန် ကုသပီးပါ လတ်။

ယင်းပိုင်နန်  
မေထွီးယေ မဏ္ဍပ်မာ  
ရီငါးရာဖိုး လောင်းနီခါ  
လေးမြို့မြစ်က မကြားတကြားပြောလားရေ  
ေ . . .  
မင်းနှုတ်ခွမ်းစိပ်စွာ  
ငါကမ်းပြိုင်ရစွာလောက် မနက်သိ လတ်။

**မင်္ဂလာကျောင်းအားလုံးအတွက်**

ဟုတ်ပါရေ  
ကျေးဇူးလေ့ တင်ပါရေ  
ဘဝဆိုစွာ ပုဏ္ဏားကျွန်းမြို့ထဲလမ်းလောက်  
မကြမ်းမှန်း အရိပ်ကျမိလားရေ။

ငြိမ်လှိုင်း (နတ်ကျွန်း)

ဘဝသုံးခု ခြားနားမှု

---

အရိုးသားဆုံးဘဝတိမာ  
တကိုယ်စာ သတ်ပုံမှားလို့  
ဒိမ်ခံကားထက်က ယူကျုံးမရ ငိုကြွေးသံတိ  
ကာရန်းမီးစီးလှာရေပိုင် ကြားခရရေ  
ပိတောက်မုံ အာက္ခွံရုံလောက် စို့ပီးခပါ မိုး။

**ဖော်ပြချက်များအရပ်ရပ်အားဖြင့်**

ဝိသေသန ကိုင်းချင်းထရုံစီး  
ကိုယ်လေ့ရွက်ကျပင်ပေါက်ပါ  
ယင်းပိုင်နန်း . . .  
ဇာတ်ရုံနောက်မာ  
တိုးတိုးချေ စိုးညိုရစွာလေသော  
ရင်ခွန်ချင်စရာ တခုပါပျာ။

ငါမပါပေး မဆီလျော်ရေ  
တရက်စာ ဝမ်းရိုးအတွက်  
လီဗာသံ တခေါက်က  
အသိချာဆုံး အရုဏ်ဦးရောင်ခြည် ဖြစ်နီရေ။

တတိယမိမက  
နောက်ဆုံးတခေါက် ညှင်းသိရေ  
တညဇာမာ နှစ်ယောက်လောက်ရာ စိုးညိုနိုင်ကေ  
အကြီးကောင် သုံးတန်းချေကို  
အစိမ်းအဖြူ အသစ်တဆက်နန်း  
ညကျောင်းထားနိုင်ဖို့လတ်။

အမှန်က မျက်ရည်တစက်ချင်းစီနဲ့ အခန်းကျဉ်းစားပွဲတိပါ။

ငြိမ်လှိုင်း (နတ်ကျွန်း)

သက်ပြင်း

---

ရင်ခွင်အတုနန့် ထွီးပိုက်ခံထားရရေ ငါ့အချစ်  
အတောင်ပေါက်တေ ဦးနှောက်တိအနောက်လီဟုန်စီးလားခ  
နီမင်းကို ပူဇော်ဖို့ ငါ့ဘေးသားကို  
ကားဘီးသံ ကြမ်းကြမ်းနန့် နှုတ်ဆက်ပစ်ခရေ။

ငါ့ပတ်ဝန်းကျင်မာ  
ပက္ခဒိန် တရွက်စုတ်တိုင်း  
အစစ်ဆိုစွာ အက္ခရာ  
အတုက MSN တိုက်စစ်  
ငါ့လိပ်ပြာကို ငါမသန့်စွာကြာယာဝေ။

ဟုတ်တေနှုန်းရာ  
ငါချစ်တေ ငါ့သားထွီးက  
မျက်စိထောင့်နီနီ  
မျက်ခုံးမိုးထူထူနန့်  
ပျိုင်းစိပျိုင်းစပ် ကြည့်လို့။

အကြီးအကောင်က လူကြီးလုပ်ပြီးနာ  
လုပ်စားလို့ အာဏာတိပြုလို့။

မင်္ဂလာပွဲအလှူအတန်းအစီအစဉ်

အလတ်နှစ်ကောင်က  
အမုန်းတရားနုနု တိုင်းတည်းထိုင်လို့။

ဟူ . . .  
ငါလေ့  
တရက်တရက်ကုန်တိုင်း  
ပျော်ရွှင်ခြင်းကို မျှော်လင့်ချက်ပုဝါနုနု ထုပ်လို့ယေ။

ဟူး . . . . .  
. . . . .  
ဟူး . . . . . ။ ။ ။

ငြိမ်လှိုင်း (နတ်ကျွန်း)

### အချစ်နိဂုံး

---

အတွေးတခု အတိတ်လက်တဆုပ်စာကိုင်ပနာ  
ပိတုန်းအပိုင်းနန့် ခိုးဝင်လှာရေ  
ပြန်မဖတ်ပြချင်ပါ  
သူ့ပိုင်ကိုယ့်ပိုင်နှလုံးသားတိ  
လီမသတ်ခင်ကြွကျဖူးခရေ ဆောင်းမိုးထအောက်  
မှုန်ဝါးဝါးအခန်းကျဉ်းစွာ အဂေါင့်အတိတ်ရာမလား  
အို . . .  
ဟိုး အဝီးကြီးမာ ကျန်လိုက်ပျာနှုန်း။

ယင်းအချိန်က  
အချစ်အထပ်ထပ်နန့်  
အဟပ်အကပ်သင့် သံယောဇဉ်ကြိုးဖြစ်ခပြီးနာ  
တဘဝမာ တပွင့်တည်းလို့  
ချိုင်ထားခရေ ပန်းနှောင်ကြိုး  
ကြိုး



**ဖော်သန်ကဗျာဒဏ္ဍာန်လေးဖြူ**

ကြိုး

ကြိုး

ကြိုးတိကို စစ်မကြေငြာပေးနဲ့  
ငါ့သွေးတစက်က ဖြတ်ပလိုက်တေ  
ယင်းသွေးရေ  
အမျိုးအစားခွဲဖို့ ထွက်ကပြစွာမဟုတ်  
ကျမ္မာကြောင်း သက်သိပြဖို့  
မှန်ဘီလုံးအောက်မှာ ခစားဖို့လေ့မဟုတ်။

ယင်းသွေးမာ

ဒေါသတိ ရည်စူးမှုတိ  
အမြင်မတော်မှုတိ မြှောက်ပင့်မှုတိ  
မနှစ်သက်ချင်စရာတိ မကန်မကန်ပါလတ်တေ။

ယင်းသွေးစွာ

မုန်းတီးခြင်းတိ သင်္ခန်းစာတိ  
အရှက်တရားတိနဲ့ မပြယ်ပျောက်နိုင်ရေဒဏ်ရာတိကိုပင်  
လက်ဆောင်လာပီးလားသိရေ။

အို . . .

ဟိုးအစီးကြီးမာ ကျန်လိုက်ပျာနှုန်း။

ငြိမ်လှိုင်း (နတ်ကျွန်း)

ohv& ftwf



ကဗျာတပည့်မိုးဦးထိုင်းမာ  
ထမ်းနားကပ်ရဲဖွဲ့ဆိုကေတောင်  
ယမ်းနားကပ်ရဲဖွဲ့စာရေးထော့  
အထွန်းမြတ်နိုးစာဖြစ်တေ။

ရတနာ စာပေအိမ် (ကျန်းရည်မြို့)

PhotoGrid

## မော်ဒန်ကဗျာအလှူအပူအဖွဲ့အစည်း

### ရင်ကွဲနာ

---

ကြမ္မာခါးကြားမာ ဂြိုဟ်ဆိုးသားအဖြစ်နုနု  
ခွီးအူလို့ပြည်ဆူရေပိုင်  
မသာမယာပေး ဝင်လှာရေဂြိုဟ်ဆိုး  
စည်သံနုနုငိုသံ ခွဲမရခရေညည  
သိုင်ခေါင်ထက်နက်လွန်းပါရေ။

ဖြေသာစရာမဟိရေ ဇာတာနုနု  
ကုထုံးပျောက်တေ ဝေဒနာတိထွီးလို့  
ဘားဘူလေပျောက် ခိုင်းကျိပေါက်ပျာ  
သွီးညှိနဲ့သင်းသင်းနုနု လူသီလောင်းထပ်တေလမ်းတိ  
ရင်ကွဲနာပြဇာတ်အဆုံးမာ  
ပြည်ဖုံးကားချပ်နောက်က ငိုကျွီးသံတိစွာအစိမ်းကြွီလို့  
ရက္ခဌာနီက ရာဇလူသားတိဘဝ  
မျိုးတုံးသတ်ဖြတ်ခြင်း ရက်စက်မှုအောက်  
သွီးရဲရဲ သံရဲရဲနုနု အနာဂတ်ကိုရင်ဆိုင်ဖို့ခွန်အား  
ဒေနီကပင် ကုန်ခမ်းလို့  
သွီးအိုင်ထဲက အဘာအော်သံ  
နားထဲကထွက်လီဖို့သီလားယေ။

နန်းကြီးလဲပြီ ပြည်ကြီးငိုရေခါ  
သီသူကသီ ရှင်သူကငရဲ  
တထပ်စာထမင်းကို တလုတ်စာနန်းတောင် မျိုဆို့ခွင့်မဟိခ  
ဆွဲခရသိရေလိုင်ပင်းမာ နီထွက်ဘုရင် ကျွန်တော်မျိုးလတ်  
တောက် . . . .  
ရိုင်းလိုက်လီခြင်းရာဇဝင်။

မြီကိုချစ်ကေ တီဖြစ်တေစကား  
ထမင်းဝကေလေ့ ပါးစမဟလီကေ့  
အသွီးအသားတီနန်းရင်းလို့  
မြီချစ်ခကတ်တေ အဖိုးအဖီးရို့မျက်နှာကိုထောက်  
(တင်းဝါးပန်းခိုင်တမြိုင်မြိုင်) စာရင်းစွာ  
ဗူးပင်စိုက်ဖို့ မြီဩဇာဝယ်ရေ ဘောက်ချာမဟုတ်  
မြီကိုချစ်လို့ မြီသျှင်ဖြစ်ခရေလူတိယေ။

ရက္ခ လင်းအိမ်(ကျိန်းရိပ်မြီ)

## မင်္ဂလာပျဉ်းပျဉ်းလှပေအိုးပျ

### လွမ်းပါရစီ ကံကြမ္မာ

---

ဒဏ်ရာဒဏ်ချက်တပါထမ်းနန်း  
ကံဆိုးခြင်းမြီလာထက်မာ  
ဝေဒနာသစ်ပင်တိကိုရာ စိုက်ပျိုးပီးခဏ္ဍာလားဝေ  
စေတနာရီကြိုင်တပေါက်ချေလောက်  
သောက်သုံးခွင့်ကြုံချင်သိရေ ငယ်ချေ။

ပူမမှန်ရေ ရင်ခုန်သံတိကိုနားထောင်ယင်း  
ကိန်းအောင်းနီရေ ငါ့မျက်ရည်စက်တိကို  
မင်းတယောက်မြင်ယောင်ကြည့်တတ်ခဖို့ဆိုကေ  
မသာမယာနန်းပါးပြင်တို့ စီးလီခဖို့မဟုတ်ယေ။

အဝေနှလုံးသား  
မင်းကိုငါအကြိမ်ကြိမ်ဟန့်တားခရေမလား  
ခံနိုင်ရည်မဟိပေး အချစ်ဇုတ်စစ်ကို  
အလွမ်းဗျူဟာ မကျွမ်းကျင်ခြင်းနန်း ခံမတိုက်ပါကေလို့။

ဂေကတော့ကေ  
အချစ်ကိုအနှစ်ထင်မိလို့  
မင်းခိုနားနီရေ မေတ္တာစံအိမ်  
ကျည်သီးကျလို့ ကြိုခရပျာမနားယေ။

ohv& ftwf

အို . . . ကံကြမ္မာ  
မလိမ္မာရေ ငါ့နှလုံးသားနုနုတူ  
သူ့ကို လွမ်းပါရစီ အများကြီးလွမ်းပါရစီ  
ဖြိုဖျက်မရနိုင်ရေ နှလုံးသားဝေဒနာအချို့ကို  
မျှဝေစားဝါးချင်လို့ပါ။ ။

ရက္ခ လင်းအိမ် (ကျိန်းရိပ်မြို့)

## မင်္ဂလာကျမ်းအလေးအနက်အားဖြင့်

### အနာနုနိ သီး

---

မင်းစောမွန်နှင့် နှလုံးရည်  
မင်းဗာဘုရင်နှင့် လက်ရုံးရည်ကြောင့်  
ခမ်းနားခရရေ မြောက်ဦးဘူမိမြို့  
ငသံဒေနှင့် ဓားရိုးတချောင်းအောက်မှာ  
လှူပြင်မခံဝံ့ရေ သမ္မတရာဇာမျက်ရည်တိ  
တိန်းတိန်းချေကြွေကျ။

ထီးမိုးအရိပ်လှေဆုံး  
လူညွန့်တိလှေတုံးပျာ  
ဓားမိုး လှဲမိုးရွာလို့ချ  
လူသီလောင်းအထပ်ထပ်နုန့်  
သွီးချောင်းစီးရေ ဒေပွဲဇုန်ဂုံး  
အောက်တန်းစားပြကွက်ထဲကအတိုင်းဟိလီဖို့။

ရာဇပလ္လင်မာ ခွီးသီးပေါက်လို့  
မသီခင်ကပင် ငရဲကျခကတ်ရပြီးပျာ  
သီချင်ချင်ငတ်မွတ်ခြင်းထဲ  
ပြည်ကြီးမသာကျခရပျာမလား  
ရင်မာတရားဟိရေပိုင်  
နောက်ကုန်းမာလေ့ ဓားဟိဖို့လိုအပ်ပျာယေ။

နန်းကြီးပျောက် ပြည်ကြီးမှောက်ရစွာ  
ပြည်ကံကြမ္မာ ပြည်ဇာတာကို ထိုးပြမနီလီသင့်  
သမိုင်းကပြောရေစကား  
ရိုးမတောင်သိရေ ပင်လယ်ကြီးလှေသိရေ  
ယကေ ဇာလုပ်ကတ်ဖို့လေး  
စိတ်သစ်ကိုယ်သစ် စနစ်သစ်နုန့်  
သမိုင်းသစ်ကိုရိုးဆွဲဖို့ နီလှေထွက်သိ ဓားလှေထက်သီးကေ  
အနာနုန့်ဆီး တည့်တည့်ကျဖို့ရာလိုပျာယေ။

ရက္ခ လင်းအိမ် (ကျိန်းရိပ်မြို့)



## မင်္ဂလာကျောင်းအဖွဲ့အစည်းအဖွဲ့အစည်း

### သတိ

---

ငြိမ်းချမ်းရိုးကို ရည်းစားဟောင်းမှတ်လို့  
သူ့ဆရာ ငါဆရာနဲ့  
ဦးကတယောက် ပဲ့ကတယောက်  
မျက်နှာချင်းဆိုင် လှော်ရေလောင်း  
တက်ကျိုးကေ လက်ထိုးဆက်မှ  
နှာဖူးကွဲ ဒူးပြဲခြင်းကလွဲကေ  
ကျောက်သီးတပစ်စာ ရွံဖို့ထင်လား။

အပွင့်ကိုမြင် အပင်ကိုသိစိ  
အရိပ်ကိုခို အကိုင်းကိုမချိုးကေ  
အမှောင်ကိုရောက်ဟိလှာကေ  
အရိပ်ပျောက်စွာ သဘာဝပျာကား။  
ယကေလေ့သော  
ကိုယ့်အရိပ်ကို မြင်ယောင်ကြည့်  
တဖက်လူကို လက်ညှိုးထိုးမှ  
ကိုယ်လိပ်ဖြစ်မှန်းသိကေ ကောင်းသိယင့်လား။

ohv& ftwf

ဗျူဟာမဟိ လမ်းမသိပေးနန့်  
ရိုကတက်ချင်လို့တော့ကေ ဖြစ်မေမဟုတ်  
မျက်စိတမြင်ကို ဆုံးယောင်ခွဲခြား  
မျက်တောင်တဆုံးကို မကြည့်မိယောင်ဆင်ခြင်  
လမ်းမသိကေ နောက်ကလိုက်  
အမြင်အာရုံကို ချဲ့ထွင်  
အကြားအာရုံကို စွင့်  
အသိကို သတိနန့်တုတ်ချိုင့်  
ရိုကကျခရေကိုင်း ပြန်နင်းမိမေ။

ရက္ခ လင်းအိမ် (ကျိန်းရိပ်မြို့)

**မင်းသိင်္ခာပျာဒေသနာပုဒ်အိုးဖူး**

**တဖန်မွီးဖွားခြင်း**

အမှောင်ထုကို ဖြိုခွင်းလို့  
ဟိုမာ . . . .  
နီမင်းကြီးထွက်ပေါ် လှာပျာထော  
ငါ့ပတ်ဝန်းကျင်တခုလုံး  
ဇာဖြစ်လို့မကြင်းလင်းနိုင်သိစွာလေး  
ဒေအမှောင်ထုကို အဖော်ပြုယင်း  
လိုရာခရီးကိုဆက်လို့ အဆင်ပြေနိုင်ဖို့လားယေ။

မသိသုံးပါးထဲက အသိတရားတိဟိရာကို  
အမင် မွီးဖွားညွှန်ပြပီးခရေ  
အသိတရားတိထဲမှာ မသိတရားနန့်  
ဂုထိ ယှပ်ထွီးနီတုန်း။

မသိမချာ ကံကြမ္မာကိုလိုင်ဖက်ပနာ  
ဇဝီဇဝါ သံသရာလှည့်ကွက်ထဲ  
မသာမယာနန့် ကပျက်ကချော်လားနီဖို့ဆိုကေ  
လမ်းပျောက်လို့ ခြံထောက်ရာပေါက်ဖို့  
ကျိန်းသီပေါက်မှန်ရေ။

မာယာများသော ရက် လ တိက  
ကံဆိုးခြင်းနန့် လက်ဆုံစား  
အချိန်မလုံလောက်နိုင်ရေ လောကသားအိမ်ထဲ  
သန္ဓေယူခံနီရရေ ငါ့ကိုယ်ငါ လတ်ပြုဖို့မိကျလို့။

ယင်းပိုင်နန်း . . .  
အားပီးသံချေတခုထွက်ကျဖို့လား  
လိုရာကိုလှမ်းမျှော်ကြည့်နီတုန်း  
ဆွဲကုဖို့လူမာသေ ဟိချင်လေ့ဟိနှိုင်းသိရေပါ  
သီချာရေအတွေးတခုကို နှလုံးမှန်သွင်းယင်း  
အမင်မဟိရေရပ်ကွက်ထဲ ပြိုင်းပင်ပေါက်အဖြစ်  
ငဲ့ကိုယ်ငါ တဖန်မွီးဖွားဖို့အဓိဋ္ဌာန်ပြုလိုက်တေ။ ။

ရက္ခ လင်းအိမ် (ကျိန်းရိပ်မြို့)

# မင်္ဂလာကျောင်းသားအဖွဲ့



“ငါ” နှင့် “သူ” မှာ အာရုံစိုက်မှု ပိုမိုရရှိရန်  
အားပေးရန် ရေးသားခြင်း ဖြစ်သည်။

အေးအေး ( မိုးရာ )

PhotoGiti

အိမ်

ဘဝနန့်ကော်ဖီ ရောထွေးပါလတ်တေခါ  
အိမ်အကြောင်း အိမ်မက် မက်တေ  
တမိသားစုလုံး အိမ်ကိုရီပိုင်မွတ်လို့။

ငါရို့မြို့မာ  
တဖဲပြီးတဖဲ ပြိုကျနီရေ ကမ်းထောင့်ကိုပြိုင်ပြီးနာ  
အိမ်မြီစိုးနုန်းတိ ခုန်တက်လာကတ်တေ။

ယင်းပိုင်နန့် . . .  
ငါရို့မိသားစုလေ့  
စပါးကြဲချိန်ထဲက စပါးစိတိဖြစ်လားရေ  
သားမိသားဖငါးယောက် ဝိုင်းလို့စားခကတ်တေထမင်းဝိုင်းစွာ  
ပျက်လားစွာလာ ပျောက်လားစွာလာ ငါကိုယ်တိုင်သိချာမသိ။

ဖြားပြည့်လို့ ရီနန့်ပါလာရေထင်းတိကို  
အစ်ကိုကြီးနန့်ငါနန့် တတူတူကောက်ဆယ်ခကတ်တေ  
ယင်းနီငါရို့အိမ်မာ ရပ်ကွက်ကတတိုင်သားလာအိပ်ယင့်  
နောက်နှစ်မာ ဖြားကြီးကေလေ့ ယင်းတိုင်သားလာမအိပ်ပျာ။

နီတိုင်းဆိုရေပိုင် ငါ့စိတ်တိစွာ နီဝင်ချိန်နောက်ကို  
မပျံတတ်ပျံတတ်နန့် လိုက်ပါလားခကတ်တေ

**မင်္ဂလာပျဉ်းလှပညာပို့အိုး**

မိုးလင်းအရုဏ်ရောက်ကေ  
ဘုရားကျောင်းရှိက ဘာဘာတီးရေ သံစည်အသံကို  
ကြားချင်ပါယဉ်။

အိမ်ပြန်နောက်ကျတတ်တေသားကို  
အပြုံးပန်းတိနန့် ထမင်းခူးပီးတတ်တေ အမင်  
ဂေ အမင့်သား အိမ်ပြန်နောက်မကျယောင် လိကျင့်ထားပါရေ။

ဖြစ်ပြီးကေပျက်တေ သဘောတရားဇု အခြားတဖက်မာ  
ပျက်ပြီးကေပြန်ဖြစ်လှာဖို့စွာကို  
အိမ်သားတိအားလုံးသူနန့် ပြန်စချင်ပါရေ။ ။ ။

သားထွီး(ရိုးလူ)

ချစ်ခြင်းသင်္ကေတ

ကိုယ်စောင့်နတ်တောင် မျက်မှောင်ကုတ်တေ  
ခန္ဓာဖြစ်တည်ခြင်းမာ နင့်ကိုယ်သင်းရနံ့ကို  
ပင့်သက်နန့်အတူ ယူယှိုက်ဖို့ မဖြစ်နိုင်သိဝေ။

ပင်လယ်နန့် မိုးရိပ်စွာ  
ငါမလိုချင်ရေ ငါရို့နှစ်ယောက်ငှ သင်္ကေတပါ  
အလင်းစတိကမ္ဘာမြို့ကို လမ်းလျှောက်ထွက်ချိန်  
မျက်နှာသစ်ဖို့ ခပ်လိုက်တေရီခွက်မာ  
နင့်ရုပ်လွှာနန့် ငါ့မျက်ရည်တိအရောရော။

ကြယ်တိကြို့ကျလားခပုံစွာ  
ငါ့ကို အလွမ်းလှိုင်းတိကြားမာမြှုပ်သတ်ပစ်လိုက်တေပိုင်  
နင့်နန့်မတို့ရရေရီတိမာ  
ရောခွဲဂီတပိုင် ပတ်ဝန်းကျင်တိပင်  
တောနက်ထဲကို ခုန်ဆင်းလားခကတ်ယင့်။



**မင်္ဂလာပျဉ်းလှပညာပေးအိုး**

ငါစွာ စိစိဟုန်းဟုန်းရွာနီရေမိုးရက်ထဲက နင့်နာမည်ကို  
တကျွတ်ကျွတ်အော်နီရေ ဖားကြွတ်သျှတကောင်ပါရာ။

သတိရခြင်းပွဲထဲမှာ တသိန်းမကရေ ကြိမ်နှုန်းတိစွာ  
၂၄ နာရီအတွင်း အပြိုင်အနိုင် ကလို့ခွန်လို့ မစာညှာလီခြင်း။

လီအရွိမာ တရွက်ပြီးတရွက် ရွှင့်ထွက်လားရေ  
အပြာရောင်သစ်ရွက်ခြောက်တိနုန်းအတူ  
ငါ့အလွမ်း နင့်ရှိတို့ရောက်ပါလီ  
နင့်အသွီးအသားထဲ ဆီးကောင်းတဆူဖြစ်ပါလီ။ ။။

သားထွီး(ရိုးလူ)

### အခန်းနံပါတ် "၁"

---

တဝက်တပျက် ရှင်သန်မှုနုနု  
အခန်းနံပါတ်တစ်ထဲ အပြာရောင်ပျောက်နီရေ။

ချေငွေဗားရားစု စာအုပ်ပုံအောက်မှာ  
တယောက်လေ့ အသံမထွက်ဝံ့ကတ်။

သူမတူရေနှီထိုင်ခြင်းအတွက်  
လက်တဖက်ကို ပိုင်းချလိုက်ရရေ။

ကောင်းကင်နုနုစကားပြောချင်ကေ  
ရီပြင်ကိုကြည့်လို့ပြောရရေဘဝတီထဲ  
ဒီမိုကရေစီလေ့ မျက်နှာငယ်နီရရေ။

ဒုတိယမြောက်အခန်းစု အိပ်မက်ထဲမှာ လူတယောက်က မီးရေ  
"မင်းရောက်နီစွာ ဇာလေးသိလား,လတ်  
"တတိယ ကမ္ဘာစစ်ကို ကြပျိုးနီရေ နီရာပါ"လို့  
ပြန်ပြောလိုက်တေ(အိပ်မက်ထဲမှာပါ)။

ဇနီရာက အံထုတ်လိုက်တေ ကဗျာတီမှာ  
သူပုန်အငို့အသက် မကင်းကြောင်း  
MRTV က သတင်းထုတ်ပြန်လိုက်ယဉ်။

**မင်္ဂလာကျောင်းအဖွဲ့အစည်း**

ဖန်တီးယူထားရေ ညဇာဖက်ပေါ်တီတခုမာ  
ကကွက်အလှပသျှတိနန့် ဝါကြီး ဝါကြီးမတိ အူမြူးလို့။

သမံတလင်းထက်ကို ရွတ်ကျလားရေ သူရို့ငှေကားသံတိစွာ  
လမ်းလျှောက်သင်စ အသျှတိကို အရှက်ရစီရေ။

မသန့်ယှင်းရေ ရီတိကြောင့် အားလုံးဝမ်းကြင့်ကတ်ရ  
သန့်ယှင်းမှုနည်းနီရေ အခန်းကို မိုးရွာပီးကတ်ပါ။ ။။

သားထွီး(ရိုးလူ)

ပျံ့နှံ့သော ငှက်များ

---

မိုင်ပေါင်းများစွာကိုပျံ့ယင်းနုနဲ့  
ညောင်းနီကတ်တေ ရောင်စုံငှက်သျှတီ  
သူရို့စွာ ကြင်နာမှုတိနုနဲ့အဝီးမာ  
ကောင်းကင်တခုနဲ့ နီဒါန်းကို ရိုးသားနီကတ်တေ  
အသိုက်နုနဲ့ဝီးနီရေ ငှက်တိဌခံစားချက်ကို  
ပျံ့သန်းနီရေတောင်ပံတိထက်ပိုပနာ အသူသိနှိုင်းပါဖို့လေး။

**မင်းသိင်္ခမဟာသုတ်အစိတ်**

နေရာမှာ  
လီပြင်းလေ့ထနှိုင်းရေပိုင်  
မုန်တိုင်းနန်းလေ့ရင်ဆိုင်ရနှိုင်းရေ  
ယင်းပိုင်အချိန်တိမာ  
အားငယ်နီရေ သူရိုးအမှုအရာတိကိုပင် တွဲကောင်းတွဲနှိုင်းရေ။

ပျံယင်း ပျံယင်းနန်း ပင်ပန်းလှာရေသူရိုးစိတ်တိစွာ  
ရပ်တန့်ပလိုက်ဖို့ကို ဖိအားပီးနီတတ်တေ  
နောက်ကြောင်းထဲက ဘဝဓမ္မပြည့်စုံမှုတိကို နားလည်ယင်းနန်း  
စုံဆန်နီရေလီကို တိုးဝင်ပနာ နောက်မဆုတ်တမ်း  
ပျံသန်းနီကတ်တေ။

သူရိုးစွာ ညောင်းနီလီကတ်တေ  
သူရိုးစွာ နွီးထွီး ကြင်နာမှုတိနန်း ဝီးနီကတ်တေ  
သူရိုးစွာ တကွဲတပြားဖြစ်နီကတ်တေ။

ယင်းလှုပ်ယှားမှုထဲမှာပင်  
သူရိုးဘဝဓမ္မကိုယ်ပိုင်အချိန်တိကို  
သူရိုးရည်ရွယ်ချက်အတွက် အသုံးပြုကုန်ဆုံးစီကတ်တေ။

သားထွီး(ရိုးလူ)

ကံကောင်းရေ နိ

ငတ်မွတ်နီရေလူတယောက်ပိုင်  
 စီးကရက်တလိပ်ကို လီအားထည့်ပြီးကေငြင်ပစ်လိုက်တေ  
 ပြီးကေ ဝိုင်နီတခွက်ကို ငါ့ဦးနှောက်နန့်  
 အမြည်းလုပ်ပနာစားရေ  
 အခန်းထဲကမီးလုံးလှေမှုန်မှုန်သျှလင်းလို့  
 မျက်နှာကြက်ထက်မာ ပင့်ကူကြီးတိ တွားလားနီကတ်  
 ငါ့ စိတ်တိ  
 ငါ့ ရည်းစားပါးကို ရောက်လိုက်  
 ငါ့ ဖေသာအိတ်ပါးကို ရောက်လိုက်  
 ငါ့ မိသားစုပါးကို ရောက်လိုက်  
 ငါ့ တက္ကသိုလ်ပါးကို ရောက်လိုက်နန့်  
 နောက်ဆုံးမာ ငါ့အခန်းကို ပြန်ရောက်လှာရေ  
 တနားလောက်ကြာစွာနန့်  
 အခန်းအပြင်ကိုထွက်ပြီးကေ လမ်းလျှောက်တေ  
 တွဲရေလူတိုင်းမာ ဂေါင်းတိမပါကတ်  
 ငါ့ဂေါင်းကို ငါစမ်းကြည့်ရေ  
 ငါကံကောင်းရေ။  
 တနာရီလောက်လျှောက်ပြီး အခန်းကိုပြန်ခါ  
 တန်းခါးကိုဖွင့်လိုက်စွာနန့် ငါ့အခန်းထဲမာ စီးကရက်ဖင်ပိုင်းတိ  
 ဝိုင်ပုလင်းခွဲတိနန့် ပြည့်လို့  
 ပင့်ကူအိမ်အောက်က ကုတင်ထက်မာ  
 ဂေါင်းအပိုင်းနန့် ငါ့အခန်းဖော် အိပ်နီရေ  
 နေ့ငါ သီလောက်ယောင် ကံကောင်းရေ။ ။ ။

သားထွီး(ရိုးလူ)

မင်္ဂလာကျောင်းသားအဖွဲ့အစည်း



မြောက်မြားစွာသော ငြိမ်းချမ်းရေးနှင့်  
ယိမ်းယံမှုများဖြင့် ချမ်းသာစွာ  
ပိုမိုဆောင်ရွက်နိုင်စေရန် အားပေးဆောင်ရွက်ပါ။

စာအုပ်ထွန်း (ထွန်းစာအုပ်)

PhotoGrid

မျက်ရည်စီးဆင်း မြစ်တစင်း

ဒုက္ခမျိုးစိပျိုးကြရာပင်လယ်ပြင်  
မာယာလှိုင်းကြမ်းများ ငှေ့ လှည့်ပြားကစပ်ခြင်းတိနန့်  
နီသားကျလာရေ ငါ  
သိမ်မွဲခြင်းအရသာဆိုစွာ ဇာအရောင်လေး  
မသိရေအကောင်ပါ။

ဒုက္ခကို တစွန်ချုံ့ တစွန်ခင်း တပ်မက်မှုသတ္တိစိုက်ယင်း  
နီထွက်ကနီဝင် ပင်လယ်ပြင်ကိုအဖော်ပြုပြီးနာကျက်စားရေ။

ဝလုံးကို ဝိုင်းယောင် မရိုးတတ်တေခါ  
အသုံးမတည့်ရေ ဓနသျှင်တိအတွက်က  
လက်ရွှီထဲ ဒေကောင်မပါဝင်ပါယေ  
မျက်စောင်းရိုင်း အထပ်ထပ်တိထဲက  
ပေါက်ဖွားလာရေငါစွာ ဖရိုးဖရာသုညတလုံးပါ။

သောင်းကျော်တန် ရိပ္ပိုးရနံ့တိနန့် မွီးကြိုင်နီလို့  
အဆင့်အတန်းဆိုရေ စကားလုံးသုံးစွာလား  
မင်းဆွတ်ထားရေရိပ္ပိုး  
ခွီးအပုပ်မာဆွတ်ကေလေ့မွီးကြိုင်ဖို့သိဆိုစွာ  
မင်းသိစီချင်လိုက်တေ။

တို့ဆုံရတချက်ချေ လောကဓံလိုင်းကားထက်မာ  
တက်ပါလာလတ်တေငါစွာ ဒုက္ခနယ်လှည့်ခရီးသည်ရာ



**မင်းသိင်္ခာမဟာသုတ်အစဉ်အဆက်**

အဖြူလား အမဲလားမသိရေ သံယောဇဉ်အချို့ကို  
အချစ်လို့ယူဆပျာ ဖျော်သောက်မိခယင့်။

အချစ်ကို ကစပ်စရာတခုပိုင် သဘောထား  
ဆားမထည့်ပေးချက်တတ်တေ  
မင်းရို့ပတ်ဝန်းကျင်ကဟင်းကိုစားမိလို့  
နဂိုကပင် အခြံမခိုင်ရေငါ ကမ်းထောင့်ပြိုယောင်  
ဝေဒနာမိုးရွာဖူးခယင့်။

မင်းရို့အတွက်က စမ်းရိတပေါက် မဖြစ်ခကေလေ  
ငါ့အနာဂတ်အတွက် ငါ့မျက်ရည်တိရေ နှင်းစက်တပွင့်အဖြစ်  
ဆီးဝင်ခလီယင့်ယေ။

သာစွလေ  
ဇာနည်ထွန်း (ကွမ်းတောင်)

ပွီးအမင်သို့

~~~~~  
အချေခါက သွန်သင်ဆုံးမ ဩဝါဒတိပီးစွန်းခရေ  
အမင်မေတ္တာ မြင့်မိုရ်ထက်မြင့်ပါယင့် အမင်  
တောတောင်ဂနိုင် ချောင်းမြောင်တိကြားထဲက  
စီးကျလာရေ စမ်းရီတိတောင် အမင်မေတ္တာအီးမြို့ကို  
ဇာပိုင်လိုက်မို့လီပါဖို့လေး။

ကရုဏာတိပီးပျာ သားဘဝအနာဂတ်လှဖို့  
မျှော်ပနာတွေးလို့ ကောင်းခြင်းကိုရွီးချယ်ပြ  
အမင်ချစ်သားချေ လူများအလယ်မာမျက်နှာမငယ်စီရ  
တို့သမျှဒုက္ခတိကို အနိုင်တိုက်ယူခရေ အမင်  
ကြုံလာသရွီအခက်အခဲပေါင်းကိုလှေ  
အပြုံးမပျက် ကျော်ဖြတ်ခရေ အမင်  
အမင်စွာ သားဘဝအတွက် မဟိမဖြစ်လိုအပ်တေ  
အလင်းသခင်ပါ။

သားဘဝ ရှင်သန်ကြီးမားဖို့ နီပိုင်မေတ္တာ လပိုင်အကြင်နာတိ  
မျှော်လင့်ချက်တစုံမဟိပေး ပီးစွမ်းနိုင်သူပါ  
နွီးထွီးရေ အမင်ရင်ခွင်နန်းတို့ သားချေအပြီးပြန်လာလို့  
အမင်ရင်ခွင်နန်း အမင်မေတ္တာ နွီးထွီးမှုမာခိုလှုံယင်း  
အမင်လက်ညှိုးထိုးရာ ရီဖြစ်လားရဖို့တွေးပျော်ယင်း  
အမင်ကျေးဇူးဂုဏ်တော်ရို့ကို တလှည့်ပြန်ဆက်ယင်း  
အားတင်းကြိုးစားယင်းပါ အမင်။ ။

ဇာနည်ထွန်း(ကွမ်းတောင်)

မင်္ဂလာကျောင်းအဖွဲ့အစည်း

အနာဂတ် အနိမိတ်

~~~~~

အချိုးကျမညီရေ မှန်ဝါးဝါးငါ့အတွေးချေတိက  
လိုအပ်မှုအခန်းကျဉ်းထဲ လှလို့ပလို့  
အချစ်နဲ့အမှန်း ဒေါင်လိုက်ဆွဲချထားသော  
ဘဝဆလင်ဖြူစာရွက်မာ  
ဒုက္ခဆိုစွာ ဂေါင်းစီးမာသည် ဖြစ်နီလီဖို့လား။

မျှော်လင့်ချက်ကြီးမျှင်တိ ချုပ်ထွီးနီရေစိတ်  
ဒုက္ခနုန့်သုခကြား ခါးတပိုင်းသီပါလားရေပျော်စရာတိ  
ဇာခါ သက်သာပျောက်ကင်းနှိုင်းဖို့လေးယှဉ်။

ဦးတည်ချက်ကမ်းပျောက်နီရေငါ့အတွက်တော့ကေ  
ယုံကြည်ရာတို့မရောက်သရွှိ အားတင်လှော်ခတ်ဖို့  
ငါ့လက်နှစ်ဖက်ကို ငွဲ သတ္တိ ဝီရိယဆိုရေဒေဆီးတိနုန့်  
နှိမ်းကျံထားမှဖြစ်လီဖို့ယာ။

ပျော်စရာတိအဆုတ်လိုက်ကြွီရေရာသီထဲ  
ခါးစိမ့်စိမ့်အတိတ်ကိုဖျော်သောက်  
လောကဓံကို အိတ်မာထုပ်လို့  
ပစ္စုန်ပွန်နုန့်ငါ မင်္ဂလာဦးညည့်မာ ပြန်ဆုံကတ်မေ။

လိုက်တမ်းပြီးတမ်းကစပ်နီရေ သံသရာမာ  
ရွှီရောင်အိပ်မက်ထဲက အနာဂတ်နုန့်တူရေ  
ပန်းချီတချပ်ကိုနမ်းဖို့  
ငါစွာ စိတ်ကိုချနင်း လမ်းခင်းလားယင်း

ဇာနည်ထွန်း (ကွမ်းတောင် )

**မင်းသိင်္ခမဟာသုတ်အစဉ်**

**ဒုက္ခကြားက ဘဝဇာတ်လိုက်**

---

ငါ့ဘဝစွာ ဒုက္ခတိန်နဲ့ ရက်လုပ်ထားရေတောင်းဆိုးတလုံးပျံ  
ထူပါးမညီရေ စကြာဝဠာခန်းမမာ နီပါရေ  
ပုံပြသရုပ်ဖော်အဖြစ်လေ့ ဆောင်ပါရေ  
ခြံမနောင်းရေ သစ်တပင်လေ့ ဖြစ်ပါရေ။

လောကတောအုပ်ကြီးကျယ်ပြန့်သလောက်  
အမှန်တရားဆိုရေဆီးကောင်းကို အရှာရခက်တေ  
ဟန်ဆောင်မှုကို အကွရာအဖြစ်ထုထွင်းရေငါ့မာတော့ကေ  
အစစ်လား အတုလား ခွဲခြားရခက်တေပျံ  
မှားလို့လှရေ တွက်နည်းတခုထဲ  
ရလဒ်မကောင်းခြင်းနဲ့ ဆန်းပြားနီတတ်ခ။

လောကမံကောက်ကြောင်းထက်မာ  
ပက္ခဒိန်က တရွှိရွှိနန်းမောင်းနှင့်ပြီးနာ ကုန်ဆုံးပြရေ  
စူးငြောင့်တိစွာ ငါ့နောက်ကုန်းမာမကန်ပါ  
ယေကေလေ့ မငိုပြချင်ရေခါ  
ဒုက္ခနန်ငါ အားတင်းပြီးပြကတ်တေ။

ငါတယောက်တည်း အားငယ်နီရေခါ  
ဒုက္ခ "မင်းစွာငါ့အတွက် အဖော်ကောင်းမဟုတ်ခကေတောင်  
မင်းကိုကြည့်လို့ ငါခံနိုင်စွမ်းရရေဝေ။

ohvꩻ ftꩻf

ချိုချင်ဖန်ခါး အရသာမျိုးစုံနန့် ဖွဲ့စည်းထားရေ  
နှစ်လုံးတည်းသော ဘဝဇာတ်ခုံမှာ ကျရာနီရာအခန်းက  
ကပြသရုပ်ဆောင်ဖို့  
ငါစွာဒုက္ခကြားထဲက ဘဝဇာတ်လိုက်ရာဖြစ်တေ။ ။

ဇာနည်ထွန်း (ကွမ်းတောင်)

**ဖော်ပြချက်များအရပ်ရပ်အားဖြင့်**

**နှလုံးသားထဲက အချစ်သမိုင်း**

~~~~~

နှလုံးသားကိုပစ်မှတ်ထား  
မာယာနန်းပစ်ရွတ်လိုက်တေ မြားစူးတချောင်းကြောင့်  
ပူလောင်ခြင်းမဟိ သောကကင်းစွာအိပ်စက်နီရေ  
ငါ့နှလုံးသားကို အပြုံးတုတ်နန်း လှုပ်နှိုးပစ်လိုက်စွာလား။

အချစ်အကြောင်းကို မေသေမှန်းမသိ ကောက်ဝတ်ခမိရေငါ  
အပြစ်မမြင် ချစ်ကြင်တုန်းက ပျော်စရာတိရေ  
မေတ္တာသောင်ကမ်းစပ်တော့ခါဖြစ်ခယင့်  
ယေရာလေ့ဝေ . . .

ကြားစကားနားယောင်ပနာ နားလည်မှုခြင်းရွတ်မှုတိ  
နယ်လွန်လားရေခါ ပျော်ရွှင်စရာ သောင်ကမ်းစပ်စွာ  
မိုးခေါင်နီရေ တောင်ကုန်းပူဂျာချေတိဖြစ်လားခရပျာနှုန်း။

ရင်ဘတ်ထဲကအချစ်တိကို ညက်ပါလားယောင်ပြောခကေလေ့  
စွန့်ရွတ်ခြင်းအနားသပ်ကမ်းရိုးတန်းမာ တိန်းတိန်းချေပြုတ်ကျ  
ပွားလီပွားလားအချစ်တိရေ အမုန်းနီလုံး အမှောင်ဖုံးခရပျာကို။

နှလုံးအိမ်ထဲကလိမ်ဝါမှုကင်းခရေ အချစ်တိစွာ  
တရက်ထက်တရက်များလှာပြီးနာ  
သစ္စာတရားနန်းနေထိုင်တိုင်ရှင်သန်နီကေလေ့  
မင်းရှိမာအန်ထုတ်ဖို့ဆိုတိုင်း အစာမကြိုသိရေဝေဒနာတိက  
ငါ့ကိုခြောက်လှန့်နီစွာခက်တေ။

ohv& ftwf

ပြာဖုံဆောင်းဆောင်းထနီရေ အညတရနှလုံးသားမာ  
ဟောင်းနွမ်းမလားရေအချစ်တိကို  
မင်းနှလုံးသားကျွန်းထက်မာ စိုက်ပျိုးခွင့်ပီးပါပလင့်ဝေ  
အနှစ်နှစ်အလလစုဆောင်းထားရေ  
နှလုံးသားထဲကချစ်ခြင်းတိကို မင်းသိစီချင်ရုံသပ်သပ်ပါရာ။

ဇာနည်ထွန်း(ကွမ်းတောင်)



မင်္ဂလာကျမ်းဂန်အဖွဲ့



ထပ်ပွင့်ချမ်းဖွင့်ကြည့်ဖို့ဆိုတော့ထောင်  
အနံ့အထိုးတိစိုအောင်းနီရေရပ်တတ်နံနံ  
ထဝတို ဒုက္ခထဲထိုးကျေးထားရေရ ပန်းရိုင်းထပ်ပွင့်ပီ။

ရွှေတင်တင် (ဆန်းနီ)

PhotoGrid

### မျက်ရည်တိကို ကုသပီးကတ်ပါ

---

မာနရာဂ,တရားထဲ ရိုးသားမှုတိလှောင်ပိတ်ခံလို့  
လက်သည်ပျောက်နီကျ အသက်တိအဖို့  
ဇာသုမျက်ရည် ဆီးဖြစ်လီဖို့လေး။

ဘဝကို သိမ်မွေ့စွာဖြတ်ချင်သူရဲ့အတ္တထဲမာဖျက်ဆီးခံရ  
ဝန်ကြီးကပြည်သူ့ကျွန်လား ပြည်သူက ဝန်ကြီးကျွန်တိလား  
အခွီက အောက်စက်ထဲဆက်လည်ခါ  
ကျည်တိသွီးဆာရေလို့ စစ်ပွဲကို မျိုချရေဆိုလား  
အာဏာဝက်ရှူးပြန်လို့ပြည်သူ့သွီးနန့် ကုသရရေဆိုလား  
ယင်းနီယင်းနီတိမာ  
သင်ပုန်းမမြင်ဖူးလိုက်တေ ငါ့ညီ  
စာရွက်မမြင်ဖူးလိုက်တေ ငါ့နှမတိလက်ထဲသွီးသံရဲလို့  
ထော . . . သားပျောက်လို့လတ်  
သားကိုရှာနီရေအမိစွာ အရူးတယောက်ပိုင်လေ  
သောက ပရိဒေဝတိ သူရို့သယံဇာတပျဲယေ။

**မင်းသိင်္ခမဟာသုတ်အစဉ်**

သူရိစ္ဆာ စစ်ကိုအကြောက်တရားထက်ကြောက်ကတ်တေ  
(ငါ့ရိုးပိုင်ပုံ)  
သူရိစ္ဆာထွက်ပြီးချိန် မျက်ရည်တိလက်ခုပ်တီးရေ  
ကျည်တိ ရယ်ပြကတ်တေ  
ယင်းနောက်မှာ အာဏာသျှင်တိ  
ပြည်သူ့အသက်ကို ပန်းကုံးစွပ်ကတ်ယဉ်။

"ဝုန်း" ခနဲပစ်လိုက်တေ ကျည်တောင့်ကြား  
ဘဝတိ ခြံပါးပါးနုနုထွက်ပြီးကတ်ရ  
အမှန်တရားစွာ ပြောင်းဝထိပ်မှာ မီးတိုက်ခံရပြီးနာ  
သွီးအလိပ်လိပ် ညှိထားရေစစ်မီးနုနု  
နက်ဖန်ခါကိုမိတ်ဆက် သူရိစ္ဆာကိုသူရိစ္ဆာ ကယ်တင်သျှင်လို့  
ယူဆနီသိရေ။

ယင်းနောက်မှာ "စစ်ပွဲတိရပ်" လတ်။  
ထမင်းမစားရပေး အော်ပြောနီရေ ခြောက်နှစ်သမီးချေတိ  
မျက်ရည်စက်စက်ကျပျာ  
"ဒေစစ်ပြီးကေ သမီးချေကျောင်းတက်ချင်ရေလတ်"  
ခြောက်နှစ်သမီးချေမှာ အိပ်မက်တိဟိရေလို့သူရိစ္ဆာထင်ပုံမကျ။

ဖြူဖျက်ခံရရေ အိပ်မက်တိ  
မီးတိုက်ခံရရေ မျှော်လင့်ချက်တိကြောင့်  
ဒဏ်ရာ အမာရွက်နုနုပြည်သူတိမှာ  
ပရိဒေဝစွာ ရသာခြောက်မျိုးနုနု စားအားပို့ခ။

အတ္တအယူဝါဒနန့် မေတ္တာကင်းရေလူအဖို့က  
မောဟအမှောင်ထဲ ဒေါသတိမ္မိးစပ်ထားမှတော့ကေ  
ဥပဒေစွာ စာအုပ်ထဲမှာ ပက္ခဒိန်နန့်ဖက်အိပ်လို့  
သစ္စာကင်းရာအရပ်က စစ်စူးရေသားကောင်တိမာရာ  
မတရားမှုတိအပွတ်လိုက် စားနီကတ်ရ  
နီဝင်ရာအရပ်စွာ သူရိုးဒေရွာ။

အဆိပ်ကို အဆိပ်နန့်ကုသကတ်ဖိဟာလူရို့  
အတ္တကို သိမ်မွဲရေအတ္တတိနန့်ဖျောက်ကတ်ဖိ  
(ဆွံ့) အ ခြင်းကို ရိုးသားမှုနန့် ဖယ်ထုတ်ကတ်ဖိ  
အာဏာကို အာဏာနန့် ပြန်မြှောက်ကတ်ဖိ  
ဘဝ ဘဝတိအတွက် တိုင်းပြည်အတွက်  
ကိုယ့် လီ ရီ မြီတိအတွက် အတွက် အတွက်။ ။

လျှာထုတ်ကေ (လဝန်းနီ)

ကောသလသမ္မာဓိပညာပညာပညာပညာပညာ

နှင်းခါးခါတ်ပေါက်နီသော ပန်း

တပွင့်ချင်းဖွင့်ကြည့်ဖို့ဆိုကေတောင်  
အနံ့သိုးတိ စို့အောင်းနီရေရင်ဘတ်နန့်  
ဘဝကို ဒုက္ခထဲထိုးကျွေးထားရရေ ပန်းအရိုင်းတပွင့်ပါ။

ဆန္ဒဟိသလောက်သင်းယုံဖို့ မျှော်လင့်ချက်ကိုမိုးစပ်  
မျက်လုံးကန်းနီရေ လောကထဲ  
ငြိုငြင်မှုတိက စုပ်မကုန်ယောင်ပေါခြင်းမာ  
ကံတရားစွာ မဖြစ်လှာခြင်းတိကို မီးစလို့တိုက်တေ။

ဆောင်းပြင်ထဲ နွီးထွေးမှုဟိဖို့  
ကိုယ့်သမိုင်းကို ကိုယ်ရီးရ  
ကိုယ့်အဘိဓမ္မာတိ ကိုယ်ပြုစုရ  
တခါတရီ ခါးသက်သက်စိတ်ဓာတ်နန့်  
အတ္တလောကထက် တွားတက်မိခကေ  
အရှက်လုံတတ်ယောင်လေ့ မာယာရီတိသောက်သုံးဖူး  
သောကများစီရေဆောင်းထဲမာ  
နှင်းမိုက်တိနန့် ပြိုင်းပေါက်ရစွာလေ့ ဘဝကပျော်စရာပါ။

အမှားနန့်ပြဿဒါး ဇာကိုလေ့မကြိုက်တေ ပန်း  
အခါးနန့်အသွားပြတ်တေ ဒုက္ခလီပြင်းထဲ  
ခါးသီးခြင်းနန့် တိုးပြီးထွက်ရချိန်တိမာ  
အမှန်တရားအဝတ်မလုံလို့ မျက်ရည်နန့်ပူးတွဲနီခရ

ခမ်းနားစွာ ဖူးပွင့်မှုရေ  
တောင်းဆိုလွဲသောဆန္ဒထဲ ခါးခါးသီးသီး ရောပါ  
ဘဝက သီဆုံးခြင်းနုနု လှရေ။

ကျရာအနာနုနု ဂျောင်ထိုးပါလတ်စွာ  
ပန်ဖို့မိနီသောအလှတရားထဲ  
ကြွီတိုင်းမွှီးနီရေ ရိုးသားခြင်းက ရင့်လို့တင့်လို့  
အသားတွင်း တစတစအောင်းတက်ပါလတ်တေဒုက္ခနုနု  
ကိုယ့်ကိုကိုယ် ဆွဲ များ စား ရရေတနားသျှေတီ  
အချိန်ပြောင်း နီရာပြောင်း ဒေလမ်းထက်မာ  
တဘဝစာလောက်မွှီးဖို့ ကံတရားတဖေချေပင် မရပါကား။

အပင်က ဖက်ရွက်တိကြွီကျရေပိုင်  
မိသားစု မခိုင်နှောင်းခြင်းကို အမှတ်တရအန်ထုတ်  
အနှစ် နှစ်ဆယ်ပန်းတပွင့် သင်းပြန်ပုံစွာ  
သူညအကွရာနုနု အတိတ်ကိုအာမခံဖို့ ဇာပိုင်လေ့မတတ်နိုင်။

ဒုက္ခနုနုချမ်းရေနီတိ ကံပါးပါးချေ ချုံဝတ်ရ  
ဆာလောင်မှုနုနု ပျော်ရရေဘဝမျက်ရည်တိ နီပါညည့်ပါ  
မျှော်လင့်ခြင်းရီကန်ထဲ မုံပွင့်  
ဆန္ဒနှင်းစက်ချေတိ တပွင့်ချင်းအက်မိသံထဲ  
အိပ်မက်တိ ကြွီလို့မ့လို့မြင်ပုံ။

ဖေက်မာ ဒုက္ခ  
ထိုဖက်မာ ပျော်ရွှင်မှု  
တဖက်မာ အပြုံး

မင်းသန်ကျားလှေကားလှေအိုး

အရာတဖက်မှာ အမုန်း  
ယင်းပိုင် ယင်းပိုင်ပျာ ဆန့်ကျင်ဖက်တိနန့်  
ရက်ပြတ်လှနီရေဒေလောကထဲ  
ကဗျာတိကို မနမ်းယှိုက်မိခဆိုကေ  
ငါ့နက်ဖန်ခါတိ ဖြူစင်သန့်ယှင်းလီဖို့ မဟုတ်။ ။

လျှာထုတ်ကေ(လဝန်းနီ)

သူ့ကိုသူ့ခြံရာမပျက်ပေး ပုပ်နီသူ

---

မိုက်မဲခြင်းထီးကိုဆောင်း  
မလိမ္မာခြင်းကို ဖိနပ်ပြတ်တေအထိ လုပ်စီးကတ်  
ဇကုန့်မိုးရေ ပန်းတပွင့်အဖြစ်  
အကျင့်တိအရှက်မလုံပေး သူ့ရို့ကိုသူ့ရို့ လှပလို့။

ဘဝထဲ လက်တဆုံးထိထိုးကြည့်လိုက်ကေ  
အမှန်တရား တလုံးလောက်ပါပျာလား  
စိတ်နဲ့ ဆိုးမိဆိုးရာအဆိုးတိအလိုလိုက်မှုတိ  
ဘဝကို ဆင်ခြင်မကြည့်မှုတိ  
အတ္တမျက်နှာနန့် အပြုံးတုဆင်ပြီးနာ ပျော်ပါးခြင်းတိ  
မာနတောင်ဖံ ကားပျံခြင်းတိ  
အဆင့်အတန်းကို တီးခတ် ဈာန်ယစ်မှုတိ  
ဖေသာကို မြင်းလုပ်လို့စီးမှုတိ  
လောကီပန်းတိ ဒေလောက်မိုးနီစွာရေ  
သုံးဆယ်တဘုံပျော်ဖို့ကောင်းနီစွာ ထင်ယင့်။

အထက်တန်း ခန်းနားခြင်းမာ  
အောက်တန်း မျက်ရည်တိကပ်ပါ  
သူများ အစာအိမ်ပျက်ခြင်းကို  
ဖဲချပ်နန့်ရောဂှက်တေ လောက  
ကိုယ်မပိုင်ပစ္စည်းနန့် ဘဝကိုပုပ်သိုးစီခ။



**မင်္ဂလာပျဉ်းလှပညာပန်အိုးပူ**

တချို့က လှလို့ပလို့  
စိန်တဆင်စာ  
ငွေတဆင်စာ  
တချို့ဝါကျားမှုတိ လိုအပ်စွာထက်ပို  
တချို့က အချစ်ရိုးကို ငွေနှင့်ပေါက်ချ  
သစ္စာကို ရှိနှင့်ပေါက်ချ  
လောဘ ဒေါသ မာနတိတူးဆွတိုင်း  
ရန်ထုံသင်းနီရေ ဒေလောကကြီး  
သွားပိုးစားနီစွာ ဇာလောက်ကြာယာလေး။

ကံဆိုးတိလိုက်ကောက်  
ကုသိုလ်သူတောင်းစားက အလှူဒါနမဲ့  
အကုသိုလ်ဘိုးတော်ကို တောင်မြောက်ဆည်းကပ်ကိုးကွယ်  
သစ္စာတရားကို အာရုံကခွာချ  
ကပ်သုံးပါးဖူးချင်ရေလူတိ  
ဒေလောကထဲ ပေါသထက် ပေါလှာ။

ယင်းပိုင်နန်  
သစ္စာနီရောင်ထဲ ကိုယ့်စွာကိုလျှော်ဖွပ်လို့  
မဖြူစင်နှိုင်းကတ်တေလူတိအတွက်  
ခြောက်ပေတွင်းတတွင်း လီချွန်လို့ထွက်လှာပျာ။ ။

လျှာထုတ်ကေ (လဝန်းနီ)

အလွမ်း သီအိုရီ

အလွမ်းအတွက် အတမင်ပြုံးပြရေညညပါ  
ခါးသီးမှုတိရွာချတိုင်း ပြည့်ဝန်နီရေနှုတ်ဆိတ်ခြင်းစွာ  
သွီးပုပ်တိတန်းလန်းနန့် အချိန်ခါမသိလွမ်းတတ်လှာခါ  
အဆိပ်နန့်အချစ် အသွီးအသားအတူတူ။

အလွမ်းပိုးကိုက်ချိန်တိ  
စို့အောင်းလှာသောငိုသံတိနန့် ကြံရာပါသတိရမှုက  
ရင်ဘတ်တခုလုံးကို ပေါက်ကွဲယောင်ဖောက်ခွဲ  
ဒေရင်ဘတ်ငရဲမာ အလွမ်းစည်တီးကေ  
မျက်ရည်မီးကသျှစ်မျက်နှာမာ ဟုန်းဟုန်းတောက်လို့။

ယင်းညညတွင်း မျက်စိတဖက်ပျက်ကျ  
ငါ့မာ တအိပ်မက်စာကို ဇာနန့်ဖဝယ်ရဖို့  
သောကကို မမြင်မစမ်းခြံမနန့်တိုက်မိလို့  
ညညသိုးတိ သွီးတန်းလန်းနန့် သီခရစွာတိ  
အပြုံးစွာ အိမ်အပြင်ဖက်ကမိုးစက်တိနန့်ရောပါချိန်တိ  
ငါ့မာ စိတ်နန့်လူ လရောင်ကင်းမဲ့လှန်ထဲမာ။

ခက်ခဲမှုကနမ်းယှိုက်သံထဲမာဆို သူ့အပြုံးတိစွာ  
ဘဝအတွက်အားဆီးတခွက်  
မခမ်းနားခြင်းထက်တွားတက်နီခြင်းမာ သူ့နာမည်က  
နမ်းတိုင်းမီးရေ။

**ဖော်ပြချက်များအကျဉ်းချုပ်**

တခါတရံ နှလုံးသားကိုလောင်ကျွမ်းစီရေအနမ်းခါးတိနန့်  
ရိုးသားကွန်ဆောင်ရေညည့်တိထဲ  
ငါ့ဂေါင်းမာပေါက်နီရေမျက်ရည်ပန်းခင်းက  
နှင့်အလွမ်းနန့်လှအားပိုခ ဝိးကွာခြင်းဆောင်းနန့်  
အဆုံးသတ်ခြင်းကြား  
နှင်းအဆုပ်လိုက်ကျလှာဖို့ ကြောက်ပါလတ်တေ။

နားလည်ရခက်တေညည့်သီတစင်းပိုင်  
အချစ်ကျင့်ဝတ်တိရွတ်ဖတ်လို့  
လောကီထဲ ငိမ်ဟိဟိလွမ်းဖို့ တားမြစ်ခြင်းမဟိလို့  
ငရဲကို ဆီးအဖြစ်သောက်သုံးပစ်လိုက်မေ  
မကြောက်ခြင်းတိများစွာ ငါ့ကိုသန့်ယှင်းစီရေ  
မရှင်သန်ခြင်း မသိချာခြင်း မဖြစ်လှာခြင်းတိအတွက်  
ပြန်အဝတ်လှယ်ထားပါပျာယေ။

ယုံကြည်မှုစွာ မှောင်တခါ လင်းတခေါက်နန့်  
ကိုယ့်ဒဏ်ရာကိုယ်တိုင်ဆားသိပ်လို့  
မသိချာရေနက်ဖန်ခါကို စိန်ခေါ်ပြတတ်ပြီးနာ  
သတ္တိကမင်္ဂလာမြောက်လို့  
မျှော်လင့်မှုတိက အားဟိလှာကတ်တေခါ  
သွီးပုပ်ဆင်းမှုတိ ငါ့မာကင်းယှင်းလို့  
အလွမ်းနန့် ပန်းကောက်ရစွာ ပျော်စရာ။ ။။

လျှာထုတ်ကေ (လဝန်းနီ)

### လဆန်းမြီအတွက် ဓားတလက်

မျက်ရည်သိုးကောင်းကင်အောက်  
ကျွန်စူးဝင်လို့ မျက်စိကန်းနီရေလဆန်း  
ပင်လယ်ရီခါးကို သောကနန်းအားတင်းသောက်  
ပူလောင်ခြင်းမှ ဒေဆာလောင်ခြင်းအထိ  
နို့ထက်မာ ဒုက္ခအတိနန့်သွီးတိရဲလို့။

အူဝဲငိုသံထဲ  
ကျွန်ဗိုင်းရတ်တိ ပျော်ပျော်ပါးပါးထခုန်  
ရွတ်မြောက်မှုစွာ မီးသဂြိုလ်ခံရ  
မိသားစုတိကျွန်မြစ်ဆက်  
အစက်စက်ယိုစီးပါလတ်တေ သွီးထဲမာ  
မျှော်လင့်ချက်တိ လိုင်စိအက်ကွဲသံပါရေ။

ဆင်းရဲခြင်းကိုစီးနင်းပါလတ်ကတ်စွာ  
လဆန်းဒိုင်ယာရီ အိမ်ပြန်ချိန်ခရီး လျင်ပါလတ်  
ဂေါင်းခုအိပ်ဖူးရေဆန္ဒထဲ ကြောက်မိုးတိပေါက်နီရ  
အနိစ္စတရားစွာ ကျွန်တိကိုပို့လို့နှိုက်စက်တေ။

**ဖော်ပြချက်များအကျဉ်းချုပ်**

ရာစုဆိုးတိကြား  
တခါလှုပ်လီ တတောင်လောက်မြုပ်လာလီနန့်  
မပျင်ရသိရေ စည်းလုံးမှုတိကြောင့်  
ကျွန်တော်နန့် ဖက်ကနီရရေဝတီရင်ဘတ်မာ  
အနာတိကရာ ပုပ်သိုးတက်ကျန်ခရေ။

စာပီပျောက်ဖို့ လုပ်ကွက်  
လူမျိုးပျောက်ဖို့ လုပ်ကွက်  
ဘာသာပျောက်ဖို့ လုပ်ကွက်  
ထိုလုပ်ကွက် ဒေလုပ်ကွက်တိကြား ပိုးကျနီရေလဆန်းစွာ  
ငရဲခင်းမာ ပန်းကောက်နီကတ်တေပိုင်  
၂၃၁ ကျော်နှစ်ပေါင်းလုံးလုံး ကယ်သူမဟိစွာကပင်  
ဝဋ်နာ ကံနာလို့ပြောရဖို့ပိုင်။

ကိုင် . . . ဟာလူရို့  
သွီးဆိုးတိကို ဖောက်ထုတ်ပစ်ကတ်မေ  
ဆန္ဒရီစီးဖောက်ခြင်းညီမျှကေ  
ကျွန်မျက်နှာဆိုးဖုံးထားရေ ရခိုင်မြို့ကို  
နက်ဖန်ခါတိမာ ပြန်လှန်ဖတ်နှိုင်းကတ်လိမေ  
ဝှက်ကိန်းတလုံးချင်းစီ ငှေ ကံဇာတာကို  
အဖြူ အမဲ ကွင်းကွင်းကွဲယောင်  
ဘဝအဆက်ဆက်က သတ္တိတိကိုပင်ဆွဲ  
ကျား . လား . . လား . . . လား . . . .  
ငါရို့ . . . . . ရခိုင်သား။ ။

လျှာထုတ်ကေ (လဝန်းနီ)

၀၈၅၆ ၆၅၇၆



ကာလယန္တရားကိုစံရဲ့ဖိသွယ်ဖို့ရေတာတာမေတေတေခိုဝံ  
ယုတ္တိမေးရဲ့ရပ်တဲ ခိုရုံးထက်ထိရိုက်ရို့  
မဆီမဆိုင် 2016ခု ပြောင်းရဲမူမာ  
အကျွန်ုပ်နဲ့လုံးထားတစုံပင်  
တရားခံအဖြစ်တင်ပိုထားဖူးရေ။

ဆွေနှင်းရဲ (အဥန)

PhotoGrid

မောင်နှမများအတွက်အလှူအတန်း

အဆိပ်များနှင့်ရက်လုပ်ထားသော

အတိတ်ကို အိတ်သွန်ဖာမှောက်မို့နှောက်မိကေ  
နှောင်းရေဆိုစွာထက်  
မပြုတ်ယောင်ကိုင်ထားမိစွာက အယှုံးတိပါ။

တခါတရီလေ  
သုခကိုလမ်းတဝက်မှာ ဝဲချပစ်ခချင်ရေ  
နှမြိုးခြင်းနှင့် အလုပ်မဖြစ်ပုံများ  
စိတ်အကျယ်လာလောက်တောင်ပြီးလွှားနီရေမသိ  
ကိုယ့်မှာ ညောင်းနာနှင့်ပန်းညှိုးညည့်တိကို  
ခုချင်းကျ ရောသောက်ဖြစ်တေ။

ကမ္ဘာကြီးငှ သီအိုရီတိတောင်မှ  
ဝိနည်းပျက်ပြုန်းနီရေပိုင်  
သုခုမ'မဆန်စွာပြုံးပြနီရေစကားပင်ပေါက်တိစွာ  
မှော်ပညာစိုးကြီးရေစက္ကန်တိမှာ မှော်ဝင်မဆန်ခပါ။

တယောက်တည်းပျော်ပစ်လိုက်တေငါ့အင်ပါယာကြီး  
နယ်ချဲ့နိုင်ဖို့စိတ်တိကို ယူဇနာတဆုံးရွတ်ယင်း  
အိမ်ပြန်လမ်းမှာ ငါသစ်ရွက်တိကောက်ယူခရေ။ ။

ဆွေနှင်းဇံ(အဇ္ဇန)

### ထွက်ပေါက်မပါရေ ညည့်

လတစင်းငှ ကျောက်ဖြစ်ရုပ်ကြွင်းတိ  
ကမ္ဘာထက်တို့ ကြွီကျရေခါ  
ငါတိန်းတိန်းချေ ဆုတောင်းမိရေ  
အချောမကိုင်သိရေ သူ့အတ္တပုတ္တိ  
အိပ်မက်ထဲ လမ်းမှားလို့ဖြစ် မဝင်လှာမိပါစီကေလို့။

ကြယ်ကြွီမြင်ကေ ကောက်နမ်းဖို့  
သူ့အာဏာကိုဆွဲထုတ်ပစ်ခမိကေတောင်  
အကျန်စွာ သိက္ခာဟိဟိ ချစ်တတ်သူတယောက်ပါ။

ညည့်အနက်ကြီးထဲ  
အတွေးကို အတွေးနုနုဖိယင်း  
အနိုင်တိုက်ယူလားရေမာနတိကို ဂုဏ်ပြုပီးလိုက်ပါယင့်။

နှလုံးသား အဆိပ်တောက်တိပြယ်ပါစီ  
လောကကို ဝတ်ရုံနက်နက်တိချဲ့လှာကေ  
တရက်တာအတွက် ဖျားနာမှုနုနုတူ  
လုံးထွီးယင်းပင် ငါ့မျက်လုံးတိအိပ်တန်းပြန်တက်ရ  
နက်ပြန်မိုးထ ရောင်နီဦးကိုတော့ကေ မြင်ပါရစီအံ့နှုန်း။။။။

ဆွေနှင်းဇံ(အဉ္ဇန)



## မော်ဒန်ကဗျာဒဏ္ဍာန်အိမ်ဂူ

### အကျွန်ုပ်ထွင်းသော အချစ်အက္ခရာ

---

အချစ်ကို အက္ခရာထွင်းဖို့  
ငါ့နှလုံးသားဦးဖျားထက်  
မညီညာစုပ်ချက်နုနုအဖော်လုပ်  
အနားသတ်မျဉ်းကို ငါ့ကိုယ်တိုင်အလှဆင်ချင်ရေ။

ဝေဒနာတိ ဇီကာခင်းလောက်ယောင်  
ငါ့ကဗျာရသက မစွမ်းဆောင်နိုင်ခါ  
ကမ်းပြိုနီသောအတ္တနုနု  
လက်လုပ်လက်စား စိုက်ထူပါရစီ ချစ်သူ။

အလွမ်းနန့်ကွာယှင်းဖို့ ဒေရင်ခွင်စွာမရင့်သိရေသစ်သီးတလုံးပါ  
ကေရာင်ပျောက်နီသောငါ့တိုင်းပြည်အတွက်  
နင်စွာ ဥတုသုံးပါးဇေသင်  
ဇွဲကိုထည့်ထွင်းသော အက္ခရာ  
သံယောဇဉ်နန့် ချိုင့်ကာထားသော အက္ခရာ  
ရိုးသားခြင်းနန့် ရှင်သန်နီသော အက္ခရာ  
သိမ်မွေ့စွာ နှုတ်ဆက်တတ်သော အက္ခရာ  
မာယာကို ဆီးကြောလျှော်ဖွပ်ထားသော ငါ့အက္ခရာ  
အကြင်သူအမှန်းလက်နက်မာ  
မသိဆုံး မငိုကြွေးရဖို့ ဆုပန်ထားချင်ပါရေ။

မျှော်လင့်ချက်တိ သုညကြွင်း  
နက်ဖန်ခါတိ ကြက်ခြံခတ်ခံရမေဆိုကေတောင်  
နောက်ဆုံးအခန်းကို ရင်ဘတ်နန့်ရာ  
ဆက်တီးခတ်လားပါရစီဖိ။ ။

ဆွေနှင်းဇံ(အဉ္ဇန)

မင်းသိင်္ခမဟာသုတ်အစဉ်

တပွင့်တည်း နှင်းဆီ

အင်္ဂါမစုံရေ ကွက်လပ်တချို့  
ဆာလောင်မွတ်သိပ်မှုအတွက်  
လောကဓံကိုအလိင်္ဂါလိုက်ဖို့  
မင်းအပြုံးတိ နုလွန်းလှပါသိရေနှင်းဆီ။

ဥပေက္ခာတရားနောက်ကွယ်က  
ကိန်းဂဏန်းနုနုရှင်သန်မှုမင်းသက်တမ်းကို  
ကျေးဇူးပြုလို့ အာရုံမစိုက်ပါကေ  
ကြိုးပြတ်နီရေ နှလုံးသားတစုံ  
နဲ့အလွန်းလို့ နယ်ကျွံမိခကေ  
သီအိုရီတိကိုရာ ပြောင်းပြန်ရွှံ့တွက်ကြည့်လိုက်ပါ နှင်းဆီ။

မင်းမျက်နှာကို ကမ္ဘာကြီးဖက်လှည့်ထားပါ  
သံစဉ်မပါရေ ကြိုးဝိုင်းတိ  
ရုပ်ဆိုးနီရေ မာယာတိ  
အမှောင်ဖုံးနီရေ လမ်းတိ  
မပြုံးရွှင်ရေ စက္ကန့်တိ  
သူရို့နန့် ကြုံဆုံလာကေ  
မျက်ရည်ကို ညှာညှာတာတာသုံးစွဲပါ နှင်းဆီ  
မင်းအနာဂတ်အတွက် ဒေဆီးတိစွာခါးလွန်းပါရေ။

သံယောဇဉ်တန်းလန်းလန်းနန့်  
ငိုချင်ချင်နီရက်တိကြားက

ohvꞑ ftwꞑ

ပန်းခင်းလမ်းကိုအပြုံးချိုနှစ်၊ လျှောက်လှမ်းနှိုင်းဖို့  
ပြုံးပါနှင်းဆီ  
အားရပါးရ ပြုံးပါ  
ရိုကိုကြည့်လိုက်ပလင့်  
မြင်လား မင်းလက်ထဲမှာ အောင်မြင်မှုတိရိဆာလို့။ ။

ဆွေနှင်းဇံ (အဥ္ဇန)

မင်္ဂလာပွဲအလှူအတန်းအား



ရုပ်နှုန်းနာမည်ဖြစ်သည်။ ဤသို့ထိုင်း  
လေဘဝ လေအသေချော်ထိပ်ရုပ်သန်ရုပ်သန်  
အာရတ္တမြို့မှာ ထိုချောတကောင်ဖြစ်ဖို့ဆုပန်လေးချင်သည်။

ခိုင်ဦးသန်း (နဂါးမောင်)

PhotoGrid

သုည လွယ်အိတ်

သုည"

ကောက်ရိုးမျှင်ရိုးနုကွတ်အတိုင်းအထွာဆိုကေတောင်  
ကပ်လှူဦးချ အနံ့အသတ်တိပင့်ဖိတ်လို့  
နှလုံးမြီရနံ့ခင်းထားရေ ကိုယ်ဝတ်တထည်ပါ  
ဘဝမာ အသပြာကွပ်ဖုံးပျောက်နီလီအံ့  
ကဗျာနုနုအရှက်လုံဖို့ ချွေးလုံးပိုသန်သူရို့  
ရိုးရာဆန်သောချစ်သူ။

လွယ်အိတ်"

တကိုယ်လုံးပါ လောက်အန်ဖတ်များကို  
အာကင်္ခံသိဒ္ဓိပြည့်ယောင်စားသုံး  
ဘဝ တခန်း  
သုတ တခန်း  
ရသ တခန်း  
ဘာသာဗေဒ တခန်း  
အချစ် အမုန်း အကြမ်း အနု အခန်းလိုက်မှောက်သွန်ထိုးသွင်း  
သိမ်းကျစ်တည်ဆောက်ထားသော သုခုမမြို့တော်။

**ဖော်ပြချက်များအပေါ်အခြေခံ၍**

မ,တည်ကိန်းဆိုင်ရာ ဒေလွယ်အိတ်စွာ  
ပေတန်အနုညွန့်နဲ့ ဓမ္မ,သောက,ဖြစ်ကြောင်း  
ဗေဒင်သုံးပုံမှာ မြစ်ဖျားခံဝပ်တွားရ။  
ယေကေလေ့ယေ  
ဝါသနာကိုဝတ်လို့လှရေခရီးမှာ  
ခေါင်းပါးမှုရာဇဝင် ဇာလောက်တွင်တွင်  
ကိုယ်ချင်ရေခါ ကုတင်စွာရွှံ့နန်းပိုင်  
တန်ဖိုးဆိုရေဝိသေသက တလွှာချင်းစီစိတ်မှတ်တိုင်ကို  
ဝတ်ပြုရရေ နာမ်စားအရှင်လတ်လတ်တကောင်ပါရာ။

ရီစီးအတိုင်းဝတ်စားဆင်ယင်မှုသင့်သောရာသီထဲ  
ဗီဇကစီစပ်လိုက်တေပိုင်  
ဦးနှောက်စွာ ကဗျာပါးမာဖောက်သောက်ခံလို့ခြံရေ  
ဇာအတွက်ဆိုကေ . . . အကျွန်ုပ်ချစ်သူနာမည်စွာ ကဗျာပါ။

ဆလင်ဖြူပါးပြင်မာ မှင်စက်ချေတိဖြန်းလို့  
အက္ခရာနန့် အနမ်းပီးရစွာလေ့ ဘဝဇရင်ခုန်သံ  
ဇာအတွက်ဆိုကေ . . . အကျွန်ုပ်မယားနာမည်စွာ ကဗျာပါ။

သို့!!  
ချစ်ရပါသောကဗျာ နမ်းမဝနှိုင်းသောကဗျာ  
မင်းဇ ချိုမြိန်, သာယာ, လှပ, ပြီပြစ်,သိမ်မွေ့ပုံတိ  
သွီးသားအာဟာရဇင်းခါထက် ပတ္တမြားနဲ့သင်းပါလီ။ ။

သာစွလေ  
ခိုင်မျိုးသန့် { နဂါးမောက် }

ကိုးနဝင်းရသနန့် နှလုံးသားကိုဘိလိယက်  
ထိုးသတ်ခြင်း

(၁)  
နင် သုခုမနန့်ဖက်အိပ် သိမ်မွဲသန္ဓေကိုအမွီရထားသူ  
ငါ ယဉ်ကျေးမှုသားမစားဖူးရေ ဂိလာနလောက်ကောင်  
ပါရမီစွာ ဆယ်ဘဝစာကြွင်းရေ မေမဒ္ဒိ။

(၂)  
နင့်ဖြစ်တည်မှု စိန်စိမိမာန်သခင်မ  
ငါ့ဖြစ်တည်မှု ဆံနှစ်ဗူးနန့် အမြောက်လက္ခဏာ  
နင်နန့်ဆုံမိစွာကိုက ငါ့နှလုံးသားပင်မျက်နှာငယ်ရ။

(၃)  
နင့်တန်ဖိုး အတိုအစွန်းကအစ  
ဒေါ်လာသန်းနန့် တွက်ခြစ်ရရေ  
ငါ့တန်ဖိုး အမုန့်သောသောနန့် တောင်းခြင်ငါးခြောက်  
အာကာနန့် အဝီဇိ မထမ်းကြည့်ပေး ပိရေ။

(၄)  
ငါ့တနှစ်စာလုပ်အား  
နင့်တရက်တွက် ပိုင်စရာအောက်မာ။  
ပတ္တမြားဆိုစွာ နွံနန့်ဆန့်ကျင်ဖက်နာမပုဒ်ပါ။



**မင်္ဂလာကျမ်းအလင်္ကာအပိုင်း**

(၅)  
နင့်ဇိမ် စတုမဟာရာဇ်  
ငါ့ဒုက္ခ သဘောက်ဇာအစုတ်  
ဒေညညတိ မိုးလင်းဖို့နှင့်ထင်လား။

(၆)  
နင့်အချင်း မြလောင်ပွန်းမာထည့်ဆီး  
ငါ့အချင်း ခေါင်းတန်တူးလို့ မြိမာမြှုတ်  
နင့်ဇာတာနန့် ငါ့ကံ ခရုနန့် လီယာဉ်ယုံ။

(၇)  
နင်က ပန်းမို့ရာ  
ငါက အညွှတ်ပုံး  
နင့်ပုဝါနန့် ငါ့မျက်ရည်ဝိသေသခြားရေ။

(၈)  
နင် ဘုရင့်နန်းတော်ဆောင်ဇွဲ သောက်ရီသန့်ကန်  
ငါ ချနောက်ရည်အပြည့်နန့် နာရာကြောင်း  
ကွာဟချက်က အနုလက်နန့် ရှိခွက်။

(၉)  
နင့်အသုံးဝင်မှု ဘေးဘယာအတွက် ဆီးစွမ်းကောင်းတလက်။  
ငါ့စွန့်ပစ်ခံပုံ အန္တရာယ်များသော အဆိပ်ခွက်။  
ငါ့သီမေ နင်ဘုံခနစ်ဆင့်မာ စံမြန်းပါလီ မေမဒ္ဒိ။ ။။

#ခိုင်မျိုးသန့် { နဂါးမောက် }

ပုလင်းကွဲ ခိုင်ယာရီ

ဇာအက္ခရာကစခြစ်ရမေမှန်း  
ကိုယ့်ခိုင်ယာရီကို ဖြိုချကြည့်တိုင်း  
အဆာပြယ်လောက်တေမှတ်ဉာဏ်မတို့မိခါ  
လီယူသံကို သူများတိအကြားမခံစီချင်သူပါ။

ပဋ္ဌမစာမျက်နှာမှာ ရင်အောင့်စရာလမ်းမစွာ  
သင်ပုန်းပျောက်သောငယ်ဘဝရပ်ကွက်ထဲ ပိုကျယ်လားရေ။  
ဘွဲ့ချိတ်ဆွဲဖို့နီရာမဟိရေအိမ်မှာ  
ကျောင်းစိမ်းတစ်စုံကို ဝယ်မစားနိုင်သောမိသားစုနီရေ။  
ဖွဲ့ရာနက္ခတ်ကအစ ထမင်းချမ်းခဲကိုချစ်တေဆိုစွာ  
လူရာမဝင်ကိန်းဥပစ်ခရေ အကြွင်းတိမဟုတ်တန်လား။

လူပိုင်သူပိုင် အကြည့်မခံစွာမှာ မွီးရာမပါခြင်းကလွဲကေ  
အမင်မကျန်းမာရေနောက်ပိုင်း စီးပွားပျက်မြို့ပြထဲ  
ဘာဘာလုံ့လတိ တရွက်ချင်းကြွီ  
သုံးလသားမြက်နုတမျှင်ငှ ဇာတ်ဝင်ခန်းစွာ  
ဖွဲ့ရာလောင်းမှာ တက်မကိုင်လိုက်ယင်း  
လားနီကျဘဝ ယင်းနိမှသံသရာတွင်းပိုနက်လားခရေပိုင်  
ဆီးသမားကို စီးပွားချပီးရစွာလေ့ ဒေသားဆိုးကြောင့်ပါ။

နှစ်ပေါင်းတဆယ်ကျော်စည်းလိပ်လို့  
ကိုယ့်နံရိုးကို ကိုယ်တိုင်ထွန်းညှိပြီးနာ  
အဆန်စု အသင့်ဆောင်းနန့် ချွေးနံ့မပြယ်ရေလယ်ပြင်မှာ

**မော်ဒန်ကဗျာအလှူအပူအဖွဲ့အစည်း**

ဘာဘာနှလုံးသားဟိရေလတ်။  
လယ်ပြင်နုနုမတူပေး ရွာသားလက်ချနတ်လက်ချ  
တောင်ကို အိုင်ဖြစ်ယောင် ဖြိုခွင်း  
တောကို ကန္တာရအဖြစ်ခင်းကျင်းခရေ လက်တိ  
တပေါင်းနီပူကို ဇွဲအဖော်နုနု ပြန်တိုက်ခရေ နာရီတိ  
ယင်းလောက်ထိအရင်းကြီးဖို့မှန်း အကျွန်အစကပင်သိခကေ  
လူဖြစ်ခွင့်ကို တဘဝစာနောက်ကျခံလိုက်ချင်ရေ ဘာဘာ။

ဒဏ်ရာအပြည့်ပွဲတည်ပီးခရေ ဒေသားဆိုးကို  
ဘာဘာတခါလေ့သော မငြိုငြင်ခဖူး  
ဘာဘာယုံကြည်ရာကို ကရုဏာအလိုကောက်ချက်ချကြည့်ကေ  
ဘာဘာဆိုရေ နာမ်စားမာ  
သားသမီးအပြုံးနုနု ဘဝကိုဖသောက်တေလူ။  
ဘာဘာစွာ ပဟေဠိဆန်ရေ ကဗျာတပုဒ်။  
ကျောက်ပန်းတရံ လက်ဆွဲတော်ရက်ပြတ်ပါရေ။  
လောကဆောက်ခတ်ရာတိ သူထွင်းတတ်တေ။  
သူ့လက်ဝါးထက်မာ သံတိုသံစတိဟိရေ။  
ဒုက္ခပေါင်းစုံနုနု ပြိုင်ကစပ်ဖူးရေဘာဘာကား  
အကျွန်အတွက် ဆယ်ဘဝလုံစီရေ ပုဆိုးတထည်ပါ။

ဂေဟလေ့သော လေးနှစ်လောက်အတွင်းမာ  
သားနှစ်ယောက်အတွက် ညာလက်မောင်းကိုယ်ထည်မဲ့ဘဝနုနု  
ဖုန်းထဲကဘာဘာအသံကို ဒိုင်ယာရီထဲမိတ္တူဆွဲထားပါရစီ။  
ဘဝမကြိုသရွှိ အသက်ယူတိုင်းဖွီးဖွီး ယုံကြည်ယင်းပါ ဘာဘာ။

။။။

#ခိုင်မျိုးသန့် { နဂါးမောက် }

### သံသရာ ဇယားကွက်

---

တည်ဟိရာဋ္ဌာန သက်ဟိအပုပ်ကောင်များအိပ်ရာ  
သမိုင်းဘာသာမာ လူ့ဘုံလို့သမုဒ်သံထွက်တေ  
ကဗျာဘာသာနုနို့ဆိုကေ ကာမသုဂတိဇ ဖိနပ်တရံ။

အနံ အထက်ကမျို အောက်ကယို  
သင်္ခါရဝါဒကိုအတိုးနုနို့ချီးကေ ခြောက်ပြားဖို့ယှုံးခဖူး။

အလျား လက်ဝါးပြင်ထက် ခေတ်ကိုမ္ဘီကစပ်ယင်း  
အသက်ခြောက်ဆယ်ကို ဆုတောင်းအမှားမခံနိုင်  
အရင်းများသူရို့မက်လောက်ဖွယ်နှမ်းစိတစိပ်မပြည့်။

ဇောက် ဒုက္ခတွင်းတဆုံးအနက်ထဲ  
စုစုပေါင်းလမ်း ၃၁ သွယ်ပါဝင်ဖြေဖျော်ထား။

ပတ်လည်အကျယ်အဝန်း  
လောဘ ဒေါသ မောဟ ဇာတိ ဇရာ မရဏ  
သောက ပရိဒေဝ ဒုက္ခ ဒေါမနဿ ဥပါယဿ  
လက်နက် မီးဆယ့်တပါးနုနို့ ယူဇနာကိန်းဆုံး။

**မော်ဒန်ကဗျာအလှူအတန်းအားဖြင့်**

အကြိုက်ဆုံးအစားအစာ  
ရုံပါရုံ သဒ္ဒါရုံ ဂန္ဓာရုံ ရသာရုံ ဖောဋ္ဌဗ္ဗာရုံ။

ပါဝင်သောပစ္စည်း  
သုံးဆယ့်နှစ်ကောဋ္ဌာသ လောက်ကောင်များ group။  
ဓာတ်ကြီးလေးပါး အခြံစိုက်ကုမ္ပဏီ။  
မိတ်ဆွဲတော်တိမာ ရောဂါအနာမျိုး ၉၆ ပါး။  
ဝါကျ ဒုက္ခသုံးပုံ သုခတပုံနန်း  
အချိုးမကျ စီရင်သောတရားရုံး။

ဇယားအညွှန်း နိဗ္ဗာန်ကို နားထောင်ဖို့ ရင်ခုန်သံမပါ  
ပုံဏ္ဍာန် အနိစ္စ ဒုက္ခ အနတ္တ လက္ခဏာသုံးပါးခြုံငုံကြောင်း။

နာမည် လူ  
ခန္ဓာငါးပါး ပုန်လိင် နပုန်လိင် နာမည်ကြီးသတ္တဝါကောင်။

ပဏာမက ပဋိသန္ဓေ  
နိဂုံးက သင်္ချိုင်း  
အခြံယိုင်ပုံများ လေးပေတွင်းထဲ ဝတ္ထုရားအတိုင်းလှလို့ပလို့။

သာစွာလေ  
#ခိုင်မျိုးသန့် { နဂါးမောက် }

လူဖြစ်လှာရေဆိုလောက်ကပင် ဒေဒုက္ခစည်းဝိုင်းကြီးက  
တဦးတယောက်လေ ထွက်ပြီးမရွတ်မြောက်နိုင်ခက်ပါ။

ဒသန အန်ဖတ်များ။

အမြင် ကျယ်သူအားလုံးကို  
အကျယ် မြင်ယောင်ကြည့်ပီးပါ  
မျက်စိကျဉ်းစွာအကြောင်းမဟုတ်  
ဦးနှောက်ကျဉ်းကေ ဘဝကျပ်လိမေ။

အမှားမြင်တတ်သူနုန်ကြုံတိုင်း  
အမြင်မှားရေလို့ မထင်မှတ်ပါကေ  
ဝီဖန်ခံရရေခါ အရင်းမဟိပေး မြတ်တတ်လို့ပါ။

ပေါ့ရေဆိုစွာ  
ခရီးဝီးအတွက် ရသမြောက်ချင်မြောက်လိမေ  
ဘဝအတွက်တော့ကေ  
လျှော့လို့တွက်ခ လျှော့တွက်နုန်ခံရတတ်ပါရေ။

ဘဝဇုအတိမ်အနက်ကို ပေအတိုင်းနုန်စမ်းသပ်လို့မရနိုင်  
မြင်အောင်မကြည့်ပေး အောင်မြင်ကြည့်ချင်ကေတော့ခါ  
သင်္ခန်းစာကိုရာရဖို့ သိချာပါရေ။

ကြိုးစားရေလူတိုင်းမအောင်မြင်ကတ်စွာ  
မှန်ချင်ကေ မှန်ပါလိမေ  
ယေကေလေ့သော  
အောင်မြင်နီရေလူတိုင်း ကြိုးစားခလို့ဆိုစွာ နှလုံးသွင်းထားပါ။

**မော်ဒန်ကဗျာအလှူအပူအဖျော်အိုး**

သုံးသင့်မှသုံး ဖြုန်းတော့ကေမဖြုန်းပါကေ  
စုလို့ပို့စွာကို သုံးလို့ရသလောက်  
သုံးလို့ပို့စွာကိုစုကေ ပန်းတိုင်နန်းဝီးလို့ဂျည်း ဝီးနီလီဖို့သိ။

တဘဝစာရင်းလို့ ကြိုးစားတည်ဆောက်ရခက်သလောက်  
တဒင်္ဂချေနန်း ပြိုပျက်ရလွယ်ရေဆိုစွာ  
သိက္ခာမှတပါး တခြားအိမ်မဟိပါ။

မာန မာန မာနဟိတိုင်း မမောက်မာပါလီကေ  
သွားဆိုစွာ မာသလောက်ကျိုးတတ်တေ  
လျှာဆိုစွာ ညံ့သလောက်ညွှန်ပါတတ်သူ(မကျိုးသောသူ)

လီကိုအလကားရတိုင်း စကားကိုအကြီးသန်မပြောပါကေ  
စကားကြီးကေလူမယုံရေပိုင် ချီတုံးကြီးကေလေ့ခွီးမစားပါ။

ခေတ်လွန်နာပွင့်ရေ မျက်နှာတိအောက်  
အလီဇီကြီးသောနွား လမ်းမှားမာ ကျားစားခံရတတ်တေ  
ဆန့်ကျင်ဖက် ရပ်ကွက်လမ်းဆုံး  
သူမုန်းမုန်း မမုန်းမုန်း ကိုယ်ပြုံးပြဖို့ မမိလျော့ပါကေ။

အထက်ပါအကြောင်းအရာတို့စွာ  
အဆို့အတွက် သြဝါဒသင်္ခန်းစာ  
အကျွန်ုပ်အတွက်ကား မော်ဒန်ကဗျာ။

သာစွလေ  
ခိုင်မျိုးသန့် { နဂါးမောက် }

အချစ်ဦး "၄"

---

ပတ္တမြားတိအဝီးတို့ဖယ်နီကတ်ပါ  
 သူရာဟိနီကေ ဘဝမာပြည့်စုံခြင်းသုခဘုံဒုဘုရင်တပါးပိုင်  
 လောဘစိတ်ကသိဆုံးပြလားရေ။  
 ဇာပိုင်ပြောရဖို့လေး  
 ကာလသုံးပါးထဲမာ  
 အလင်းပီးနီသောလျှပ်စစ်ဋ္ဌာနကြီးပိုင်  
 ညည့်မှောင်တိရွှင်ပျောက်ကိန်းရောက်လီရေ  
 သူစွာ ဘဝကိုရိုးဆွဲပီးလိုက်တေ ပန်းချီဆရာမ။

တဘဝလုံးစာအတွက် တာဝန်ယူလို့ခေါ်တင်လှာရေ  
 လောကထက်တို့အရောက် သူနုနုစတို့ခါ  
 နဖူးကိုပီးလိုက်တေအနမ်းတပွင့်စွာ  
 ဝေဒနာကုဋေကုဋာတိကိုကျော်လို့မီးရေ အပြုံးပန်းပါ။

သူ့ကိုအကျွန်ချစ်တေ  
 သူ့ကိုအကျွန် သိတတ်မှတ်တတ်ကပင်စလို့ချစ်ပါရေ  
 အကျွန်ချစ်တေ ဟုတ်တေ  
 နှင်းကျလို့ရီရစွာနုနုဆာကေ  
 ဖဝါးအောက်ကသဲမှုန့်ချေလောက်မို့နှိုင်းပါဖို့လား။

နှလုံးခုန်နှုန်းတိုင်းမာ ခေါက်သိမ်းထားပါရစီအမင်  
 အမင့်ကိုအသက်လောက် ချစ်တေ။

ခိုင်မျိုးသန့် { နဂါးမောက် }



မင်းနုကပျားလှေကန်အိုး